

کیمبل پوری بولی

(تاریخ و تذکرہ)

چماچی دیکھی ہو



ارشاد سیما ب ملک







کیمبل پوری بولی

(تاریخ و تذکرہ)

(چھا چھی و گھیی لہجہ)

ذوق پبلی کیشنز اٹک



سبھے حق را کھویں
 کتاب نانناں : کیمبل پوری بولی (تاریخ و تذکرہ)
 (چھا چھی و گھیبی لہجہ)
 لکھاری : ارشد سیماب ملک
 ورقے : ۲۰۸
 پہلی وار : ۲۰۲۰ء
 مل : ۳۰۰
 چھپواک : ذوق پبلی کیشنز اٹک
 خط پتر : ارشد سیماب ملک النور پلازہ اٹک

malikarshadak@yahoo.com



منظور عارف

ڈاکٹر مرزا حامد بیگ

پروین ملک

پروفیسر غلام ربانی فروغ

ڈاکٹر ارشد محمود ناشاد

مشتاق عاجز

توقیر چغتائی، طاہر اسیر تے ثقلین عباس انجم نے ناں جنھاں ماں بولی آں مان بخشا



ونڈووتر

۱۱

۱۱۶	سید نصرت بخاری	۸	پہلی گل
۱۱۹	آغا محمد جہانگیر	۱۳	چمکی بولی
۱۲۲	جمیل حیات	۱۶	اپنی بولی بارے کچھ وچار ڈاکٹر ریاض شاہد
	گھپیپی بولی	۹۱	انک نی تاریخ تے ثقافت
۱۲۵	محمد اظہار الحق	۲۸	کیمبل پورچ انسانی زندگی نے آثار تے زبان
۱۲۹	توقیر چغتائی	۶۸	شاعران ناتذکرہ
۱۳۰	ملک نذیر سانول		چھاچھی لہجہ
	راول راٹھ ۱۳۲	۶۹	قاضی نادر دین
۱۳۴	ڈاکٹر ارشد محمود ناشاد	۷۱	ملا عبد المجید
۱۳۸	شازیہ اکبر	۷۳	مولوی محمد سعید
۱۴۱	عرفان راجہ	۷۵	عمر انکاں والا
۱۴۳	عقیل ملک	۷۷	سید مہتاب شاہ
	چھاچھی گھانی گار	۷۹	سید شاہ ولایت
۱۴۷	مشتاق عاجز	۸۱	عبد الکریم
۱۵۷	پروین ملک	۸۲	گلاب خان
۱۶۶	ڈاکٹر مرزا حامد بیگ	۸۴	منظور عارف
۱۷۱	لیاقت سیما	۹۵	غلام ربانی فروغ
۱۷۷	توقیر چغتائی	۹۸	تائب رضوی
۱۸۰	ارشاد علی	۱۰۱	مشتاق عاجز
۱۸۶	عثمان صدیقی	۱۰۷	شیخ سلمان
۱۹۱	سید نصرت بخاری	۱۱۰	توقیر چغتائی
۱۹۵	ارشد سیما ملک	۱۱۴	فقلین عباس انجم
۲۰۲	عظمت عاصی		

پہلی گل

کیمبل پور (اٹک) ناناں علمی تے ادبی حوالے نال کوئی اُپراناں نیس۔ اس خطے چ ایہجیاں ^{۱۱} ہستیاں گزریاں ون جنھاں نی شہرت سمرقند، بخارا تے پورے ہندوستان چ عربی، فارسی ادب تے تدریس نے حوالے نال ہئی۔ اردو ادب نی خدمت چ اس ضلع نے ادبیاں تے شاعراں نا بہوں سارا حصہ وئے پروفیسر غلام ربانی عزیز، ڈاکٹر غلام جیلانی برق، نذر صابری، پروفیسر فتح محمد ملک، ڈاکٹر سعد اللہ کلیم، دیویندر اسر، وقار بن الہی، خلش ہمدانی، محمد اظہار الحق، ڈاکٹر مرزا حامد بیگ، احمد جاوید، احمد داؤد، علی تنہا، ڈاکٹر ایوب شاہد، محمد حمید شاہد، ڈاکٹر عبدالعزیز ساحر، مشتاق عاجز تے ڈاکٹر ارشد محمود ناشاد جے ادبیاں اردو ادب تے نہ مٹنے آ لے نقش چھوڑے ون۔

عربی، فارسی توں ہٹ کے پنجابی ادب نا ذکر کیتا ونجے تے گیانی گر مکھ سنگھ مسافر، جسونت سنگھ وندا، پروین ملک، توقیر چغتائی تے ایہجے کئی ناں ملے ون جنھاں پنجابی ادب آسے اپنے حصے نا کم کیتا تے عالمی ادب چ اس ضلع ناناں اُچا کیتا۔ اساں نی ای بد نصیبی رہی اے جے اتھے نے ادبیاں تے شاعراں نی اپنی مقامی بولی چ ادب تخلیق کرنے دیں بہوں گھٹ توجہ رہی اے برے ای بی نیس آکھا ونج سکنا جے اساں نی مقامی بولی نا دامن شعر و ادب توں خالی رہیا۔ ڈاکٹر ارشد محمود ناشاد اوراں نی محنت تے کھوج اساں نے علاقے نی چھا چھی بولی نا مان ودھایا تے قاضی نادر دین، شاہ مہتاب، شاہ ولایت، ملا عبد المجید، گلاب خان، فضل احمد جے شاعر چھا چھی نی پہچان بنے۔

ای گل اُساں آسے بہوں وڈی اے جے ڈاکٹر صاحب چھا چھی بولی آں پاکستانی زبانان چ شامل کرایا تے اُساں واں ای پتال گا بئی اپنی بولی بی کوئی شے ہئے وے، تے اس نی مٹھاس کی ہونی اے۔

گھیبی تے چھاچی چ ادب تخلیق ہون فی وجہ نال زیادہ گل بات انھاں دوہاں بولیاں
 نے بارے چ ای کیتی وینی اے۔ کجھ سنگی کیمبل پوری آں گھیبی، چھاچھی، جنگی، جندالی توں
 بی ہک وکھرا لہجہ آکھن لگ پین۔ کجھ نا آکھنا وے جے کیمبل پوری چ گھیبی، چھاچھی
 ، جندالی، جنگی وغیرہ سارے لہجیاں شامل ہووینین اس آسے سارے ضلع فی زبان کیمبل
 پوری ای سدی ویسی۔ گل اتھے تک تاں سمجھ آنی وے برے جے اگر اسی گل اتھے ای مُکا
 چھوڑاں تاں وت پنجابی زبان فی ذیل چ لہجیاں تے بولیاں فی ونڈ فی بی کیمبل پوری لوڑ ہی جے
 لسانیات نے ماہر تے کھوج کاراویں وت اپنا سرکھپانے رین؟ زری پنجابی ای آکھ
 چھوڑنا بہوں نہیں کرنا ہیا؟ ای گل آکھ چھوڑنا سب توں سوکھا کم اے برے لہجیاں فی اہمیت
 آں سمجھنا بہوں ضروری تے اوکھا جیہا کم اے، اس فی مثال آساں چھاچھی بولی نے حوالے
 نال لسانیات نے نامی گرامی ماہراں تے کھوج کاراں نے غلط اندازیاں توں مل وینی جس
 ناں ذکر ڈاکٹر صاحب اپنی کتاباں بی کیتا۔ اس آسے اسی کیمبل پوری فی ذیل چ گھیبی
 ، جندالی تے چھاچھی جے جینے جاگنے لہجیاں توں کنی کترا کے کجھوں لگ سکے آں؟ ای گل
 ضرور اے بئی انھاں لہجیاں نے میل جول توں اسی کئی لفظ دوہے لہجے چ بی شامل کر
 چھوڑنے آں ای آساں فی کسی لہجے یا بولی آں ورتنے چ کم علمی تے ہو سکنی برے اس نال
 بولی فی اہمیت گھٹ نہیں ہو سکنی ناں ای اسی ہک مکمل بولی یا لہجے آں نظر انداز کر سکے آں
 ۔ اس علاقے فی بولی آں کیمبل پوری ناناں ضرور دینا چاہی نا برے اس فی ذیل چ شامل
 بولیاں واں نظر انداز نہیں کر سکے آں۔ کیوں جے گھیبی، جندالی تے چھاچھی چ لہنے تے
 چڑھنے ناں فرق اے۔۔ آساں اسی ہک ای لہجہ کیوں ویلے بی نہیں آکھ سکے آں۔

اٹک فی قدیم تاریخ آں ساہمنے رکھاں تاں وت آساں اٹکی بولی آکھ سکے ہنیاں کیوں
 جے کیمبل پوری ناناں دے کے (اٹک قدیم) ”قلعہ اٹک بنارس“ فی تاریخی تے موجودہ

حیثیت، ضلع اٹک نے موجودہ نائیں نی حیثیت بی کوئی گھٹ نہیں ہئی۔ ادب چ شاکرائی نی شعری تاریخی حیثیت، خواجہ محمد ابدائی، عمراٹکاں والا، چن اٹکی تے حکم سنگھ اٹکی جے ناں بی نظری توں لنگھنے ون۔ نالے اٹک نے استاد شاعراں نیاں کئی نظماں بی (اٹک) نے نائیں اُتے لکھیاں ملنیاں ون۔ کیہ ای گل چنگی نیں ہئی جے انگریز نے دتے ناں کیمبل پورتوں اسی اُس نائیں آں اگے گھن کے اُٹاں آں جہڑا اُساں ناں ماضی بی ہیاتے حال بی اے۔

گل چھا چھی بولی نے نائیں نے حوالے نال کیتی ونجے تاں چھا چھی نے جدید شاعر منظور عارف قیام پاکستان توں پہلوں اس بولی چ شعر لکھ کے اُساں چھا چھی ناناں دے چکے ہئے جس ناز کر جمیل ملک نی ۴۵-۱۹۴۴ء نی یاداشتاں چ لبھنا۔ اُنھاں نی پہلی چھا چھی نظم ”مینڈھے منے آں بچاؤ“ سب توں پہلی واری ۱۹۵۰ء وچ ”امراز“ لاہور چ چھپی۔ اس توں علاوہ ریڈیو آسے منظور عارف ”پنڈیو آئی لاری“ تے کئی ہوڑ رامے لکھ کے چھا چھی بولی نے نائیں نی پکی چھاپ لاچکے ہئے۔ ۱۹۸۴ء چ ڈاکٹر مرزا حامد بیگ ”قصہ کہانی“ نے نائیں نال کہانیاں نی کتاب چھاپ کے اس زبان آں ”چھا چھی بولی“ ناناں دتا۔ اس توں پچھے پروین ملک جنہاں نی جم پل چھپے توں میلاں دور شیں باغ گرائیں نی اے اُنھاں ۱۹۸۴ء وچ ای ”کیہ جاناں میں کون“۔ چھاپ کے مقامی بولی نیاں کہانیاں ”چھا چھی بولی“ ناناں دتا۔ پروفیسر غلام ربانی فروغ نی کتاب ”وسنار ہوئے گراں“ بی چھا چھی بولی نی مثال اے۔ ڈاکٹر ناشاد صاحب ۲۰۰۴ء چ اس بولی آں پاکستانی زبانان نے نصاب چ شامل کرایا۔ کنیاں دہائیاں تو مقامی بولی نی ہگ چھا چھی نے نائیں نال پوری دنیا چ چپی وئی اے۔ ہاں البتہ اُساں صرف چھپھ تک محدود نہیں کر سکے آں کیوں جے ای بولی (حال) تحصیل ہیڈ کوارٹر اٹک نے تقریباً سارے گراواں بولی وینی۔ شید اسی آسے ادھرے آلے سنگی اُساں کیمبل پوری آکھنے تے زور دینے ون۔

ترقی پسند شاعر منظور عارف ناناں چھا چھی نے جدید شاعراں چ شامل اے انھاں نی
شاعری کیمبل پوری نے چھا چھی لہجے نا بہترین نمونے وے۔ تائب رضوی ہک دولٹماں
چھاچی چ بہوں سوہنیاں لکھیاں ون برے انھاں نا زیادہ کلام ٹکسالی پنجابی وچ اے۔

غلام ربانی فروغ نی ”وسنا رہوے گراں“ تو قیر چغتائی نی ”ولوہنا“ مشتاق عاجز
نی ”پھلاہی“ تے ملک نذیر سانول نی ”املاں اٹی“ اَساں نی کیمبل پوری شاعری ناگل
اثاثہ ون۔ نشر آلے پاسوں اَساں نی بولی نادامن اُکا خالی رہیا منظور عارف اوراں ریڈیو
پاکستان آسے مقامی بولی چ ڈرامے لکھ کے نشر چ اَساں نی بولی نامان ودھایا برے اس
معاملے چ ای سہرا ڈاکٹر مرزا حامد بیگ آں وینائے۔ پروین ملک تے تو قیر چغتائی اَساں
دو قدم ہوراگے ودھایا۔ مشتاق عاجز نیاں کہانیاں پہلی واری اَساں اپنے رسالے ”قتیل“
نے پنجاب رنگ چ چھاپیاں ہنیاں جنھاں بہوں پسند کیتا گیا ہیا۔ اس توں چکھوں اوہ
کہانیاں چھا چھی ادب نا حصہ بنیاں تے نالے پنجابی نے کئی ہور رسالیاں چھاپیاں۔

۲۰۰۶ء توں مقامی بولی چ کہانیاں تے مضمون لکھنے دئیں مینڈھا دھیان ہويا۔ اس توں
چکھوں ای احساس زور پکڑنا گیا جے اَساں اپنی ماں بولی نال انصاف نہیں کیتا۔ کیوں جے
پشتو، بلوچی، سندھی تے پنجابی نے دوہے لہجے، ماچھی، مالوی، دوآبی، ڈوگری، پوٹھوہاری
تے ہندکو نیاں بے شمار کتابیاں اَساں منلیاں ون برے اسی اپنے دائیں تکاں تے گل پنج
انگلیاں توں اگے نیس ودھنی اے، تے نہ ای اَساں اپنی بولی نی املا نا کوئی سر پیر لایا نہ اَساں
کوئی رائٹر گلڈ بنایا نہ کوئی کیمبل پوری یا چھا چھی ادبی بورڈ!۔ میں سمجھنا واں بی اُج اسی اس
بولی تے جو مان کرنے جوگے ہوئے آں تاں ای مان اَساں چھھ ای نے قدیم تے
جدید شاعراں دتا جس نی دس اَساں ڈاکٹر صاحب پائی۔

سنگیو ای گل بہوں ماڑی اے جے اسی اس کم آں اگے ودھانے نے بجائے ہکی دوہے

آں نکا نکا نیں تے لک بن کے بیٹھے وے آں یا جہڑا کوئی سر چا وے تے اسی اُس نے
 سرے چ ڈانگ کڈھ ماراں۔ کوئی کم بی نکا نیں ہونائے ویلہ اس نی قدر ضرور جاننا نالے^۱
 کجھ نہ کرنے توں تے چنگا وے کجھ کرنا۔ میں مشتاق عاجز نے سرے آں دعا دینا جے طاہر
 اسیر کولوں ”کیمبل پوری لغت“ چھپوا چھوڑا نیں۔ بہوں سوہنا کم ہو یا بھائیں کجھ کمیاں رہ بی
 گنیاں ہوون برے اُساں نے ہتھ کجھ آیا تے وے، نیں تاں اج ای لغت دنیا نی سب
 توں وڈی پنجابی لغت چ کجھوں شامل ہووے آ۔ اس چ سب توں ودھ ثقلین عباس انجم نا
 حصہ اس توں وے جے اُنھاں نے رسالے ’ونگاں‘ کمیاں اپنی ماں بولی چ لکھنے نی تحریک
 دتی اے۔

اپنی بولی چ ای ادھ پڑ دھی جی کتاب مانہ بی چھاپنے ناشوق پیا، اس چ بہوں
 خامیاں تے کمیاں ہوسن برے اُساں اپنی مٹی تے ماں بولی نال مینڈھی محبت سمجھو۔ اس
 کتاب نے چھاپنے چ مینڈھی کوشش ای ہی جے اپنی بولی چ کجھ لکھتاں ہک جا ہی
 اکٹھیاں ہوونجن جہڑی اج نیں تاں کل ضرور کسے نے کم آونجسن، ہن اُساں کیمبل پوری
 آکھویا چھا چھی، گھیبی ای اُساں اُتے بھائیں کوئی بی ناں دے چھوڑو۔ اہمیت وت بی اس
 علاقے نی بولی تے اس وچ لکھن آلیاں نی ای رہسی۔

ڈاکٹر مرزا حامد بیگ، پروین ملک، ڈاکٹر ریاض شاہد، پروفیسر انور انیق، جناب مشتاق
 عاجز اوراں ناں شکریہ۔ ای کتاب ہک سال پہلوں چھپ گئی ہووے آ کجھ مہرباناں اس
 اُتے لکھنے آسے مسودہ دتی رکھا اس آسے دیر ہو گئی۔ ثقلین عباس انجم، ارشاد علی تے ہور
 سنگیاں نیاں محبتاں ناں شکریہ۔

پیکی بولی

جے اسیں ایہ گل من لیے کہ انسان دا اسار اک اے یعنی آدم توں انسانی نسل ٹری تے فیر سانوں ایہ وی مننا پوے گا ایس دی بولی وی اکو ای سی۔ انساناں دے جوڑیاں توں خاندان بنے، خانداناں توں قبیلے، قبیلیاں توں ریاستاں تے ملک۔ انساناں دے میل ملاپ پاروں لفظاں دے وکاندرے نال دوجیاں زباناں بتیریاں اپنے اپنے خیال موجب چیزاں نوں اوہناں دیاں خوبیاں مطابق ناں دتے گئے۔ لفظاں نوں جدوں لوک بولدے نہیں ایہناں دا اچارن کرن ویلے فرق ضرور آجاندا اے۔ خاص کر جدوں بدیسی لفظ نوں دیسی لوک ادا کردے نیں۔ ایسے فرق داناں لہجہ اے۔ لہجہ جدوں ترقی کردائے لفظاں چ تبدیل آؤندی جاندی اے، نالے آسے پاسے دے اکھر لیتی ہندے جاندے نیں، تے بولی داروپ دھاردے جاندے نیں۔ ہر چیز چ تبدیلی دوو جہاں توں آؤندی اے پہلا بدلاؤ ویلا بدلن نال تے دو جا جگہ بدلن نال۔

انسان نے کوچ کر کے اک جگہ توں دوجی جگہ ڈیرالایا تے اوہدی زبان بدلی فیروقت دے بدلن نال زبان وی بدل دی گئی۔ ویلا گزدا گیا تبدیلی آؤندی گئی۔ اک زبان بولن والا بندہ جدوں دوجی زبان بولدا اے اوہدے لفظ ادا کردا اے تے فرق ضرور پیندا اے پہلاں گل کہتی گئی اے کہ ایسے فرق داناں لہجہ اے۔ لہجہ ترقی کر کے بولی دی شکل وٹالیندا اے بولی وچ لوک ادب جمنا شروع ہو جاندا اے۔

لوک ادب سینہ در سینہ منتقل ہندار ہندا اے تے لوک ادب دے ویکھا ویکھی لکھاری وی طبع آزمائی کردے نیں۔ لوک ادب تے طبع زاد ادب دے سانمن سنبھالن داکم شروع ہو جاندا اے جیہڑا بڑا اچھ اے۔ بولی یا زبان دے ادبی سرمائے دا اندازہ اوہدے سانمبھے ہوئے ادب توں آسانی نال لایا جاسکدا اے۔

پنجابی زبان دنیا دیاں گینیاں چُنیاں امیر زباناں چوں اک زبان ایں۔ جیہڑی دوآں پنجاباں توکھ ملحقہ علاقیاں تے باہرے مُکاں دیاں کجھ حصیاں وچ بولی تے سمجھی جاندی اے۔ ایہدے وکھرے وکھرے علاقیاں وچ وکھرے وکھرے انگ نیں۔ جنہاں چوں اک انگ کیمبل پوری بولی اے جہدے چار انگ نیں تے ایہناں وچ چھا چھی تے گھیبی انگ وی اے۔ میں ایہناں نوں لہجے نہیں آکھاں گا کیوں جے جدوں کسی لہجے وچ ادب تخلیق ہون لگ پوے تے اوہ بولی بن جاندی اے۔

ارشد سیماب ملک نے ”کیمبل پوری بولی“ کتاب ترتیب دے کے پکی بولی دے ادب دی سبھال دا بیڑا چاکے بڑا دکھرا کم کیتا اے۔ اوہناں نے پہلی گل توں بعد ایس کتاب وچ اٹک دی تاریخ تے ثقافت اُتے چانن پایا اے۔ چھاچی لہجے دے پیٹھ اٹک دے قلکاراں دا تعارف تے لکھتی نمونے درج کیتے نیں۔ جہدے وچ ملکی سطح دے ناں وی شامل نیں جیناں چوں ڈاکٹر مرزا حامد بیگ، پروین ملک، ڈاکٹر ارشد محمود ناشاد تے دو جے ناں شامل نیں اوہناں نے اپنی لکھتاں راہیں ادب وچ ناں پیدا کیتا۔ اٹک دا علاقہ بڑا مردم خیز اے جتھے پنجابی دے نال اردو دے پرمنے ادیب وی پیدا ہوئے جنہاں دی دس ارشد سیماب ملک ہوراں ”پہلی گل“ وچ پائی اے۔

اسیں لوک پکی پکائی کھان دے عادی ہو چکے آں ہتھیں کھکھ بھن کے دہرا نہیں کردے تے ڈاکٹر ارشد محمود ناشاد تے ارشد سیماب ملک ورگے بندے نہ ہون تے جگھا چو پڑ ہون دا سرچڑھیار ہندا اے۔ اوہناں نے اے کم کر کے ایس تاثر نوں غلط کرن دی کوشش کیتی اے۔ اوہناں جیہڑی ریت توری اے ایہنوں اگے ودھان دی لوڑ اے۔ بولے اوئے لفظ سانجھے نہ جان تے ضائع ہو جاندے نیں۔ ادب نوں سامبھن دی ”کیمبل پوری بولی“ پہلی کوشش اے تے کیمبل پوری وچ پہلا تذکرہ وی۔ ”چھا چھی بولی“

لسانیات بارے وی پہلی کتاب سی جیہڑی مقامی ادب دے سنبھال دی ون گی اے۔
 ارشد سیماب ملک نے ”کیمبل پوری بولی“ تذکرے دے انگ چ کلھ کے
 ساڈے ساویں ون گی رکھ دتی اے۔ علاقائی بولیاں بارے کم نہ ہون دے برابر
 اے۔ ایس کم نوں اگے تورن دی لوڑ اے۔ ایہ کتاب حوصلہ دین والی اے، نویں لکھاریاں
 لئی ہلاشہری اے۔ کسی وی کم نوں شروع کرن وچ ادھی کامیابی لگی ہوئی ہوندی اے۔ ایس
 کم نوں اگے ودھانا ساڈی ساریاں دی ذمے داری اے۔ ہر لکھاری نوں اپنے بت
 موجب حصہ پانا چاہیدا اے، جسراں ارشد سیماب ملک نے پایا۔ اللہ سوہنا اوہناں دے
 ایس کم چ برکت پاوے۔ آمین

انور انیق

اُستاد شعبہء پنجابی گورنمنٹ کالج فیصل آباد

اپنی بولی بارے کچھ وچار

(نوٹ: ڈاکٹر ریاض شاہد صاحب نے اس مضمون توں استفادہ کرنیاں ہوئیاں کتاب وچ ۵۰، ۶۰ صفحے ناں ممکنہ اضافہ کیتا گیا۔)

ارشد سیماب ملک دا کیمبل پوری ادب بارے اک تذکرہ اے، جیدے وچ اٹک دی تاریخ تے ثقافت دے نال نال چھا چھی تے گھیبی لکھاریاں دا حال احوال تے اوہناں دیاں شعری لکھتاں تے کہانیاں دا انتخاب وی شامل اے۔

بولی توں زبان بنن تیک اک لما پندھ طے کرنا پیندا اے۔ جے کسے بولی وچ دانش تے حکمت دے موتی اپنی چمک دمک دکھاؤندے رنیں تاں اوہ بولی زبان دا درجہ اختیار کر لیندی اے۔ جھیرڑی زبان وچ لوک ادب تے کلاسیکی شاعراں دا حصہ نہ ہووے اسلامی تے ملی رنگ نظر نہ آوے ثقافتی پکھ مٹ جاوے، اوہ زبان زبان ہو کے وی مر مٹ جاندی اے۔ زبانناں اوہو جیوندیاں نیں جنہاں دے بولن والے زندہ ہوون، ایس طرح اک زبان دو جی پیڑھی تک منتقل ہوندی رہندی۔ پرانے قصے کہانیاں، لوک باتاں لوک گیت تے وسیب دے چھلکارے وڈھیری عمراں دیاں مرداں تے سوانیاں کول نسل در نسل زبانی کلامی ہی منتقل ہوندے رہندے نیں۔ دو جے زبان دی سانجھ اپنی دھرتی نال ہوندی اے۔ دھرتی وچ اُگن والیاں فصلواں، پھل بوٹے، ندی نالے کھوہ، دریا پہاڑ، کچے پکے رستے، جنگل بیلے، صحرا ایہہ سب دھرتی دے ثقافتی رنگ نیں، جنہاں نال ساڈا واہ پیندا اے، کیوں جے اسی زمین نال، دھرتی نال جڑ کے رہندے ہاں، کھیتاں وچ ہل چلان دے ہاں اناج اگاؤندے ہاں۔ وادھو اناج منڈیاں وچ پہنچاندے ہاں، ایسی رتھسویں وچ بندیاں دا بندیاں نال واہ پیندا اے۔ زبان تے لہجہ دا علم ہوندا اے۔ اپنے مقامی لہجے

تے بولی دے لوک آسانی نال پچھانے جاسکدے نیں جدکہ غیر مقامی بولی والے دی دھرتی تے سکونت دا کوئی علم نئیں ہوندا، یا پچھنا پیندا اے۔ انساناں دا ایہو میل جول تے ورتارہ کدے کسے شعر دی صورت اختیار کردا اے تے کدی کسے کہانی دی۔

ارشد سیماب ملک ہوراں اپنی زبان نال دلوں ہو کے پیار کیتا اے تے ایسی پیار دا اک نويکلا اظہار کیمبل پوری بولی دی صورت وچ تہاڈے ہتھاں وچ اے۔ ارشد سیماب ملک اوراں اگے درخواست اے جے اوہ گراف بنا کے ایس زبان تے ایس دے لہجے دی ونڈ کر کے دکھاو، تاں جے ایسی بڑے اعتماد نال تے مضبوط دلیلاں نال اپنی ایس دستاویز دا مقام دو جیاں سامنے منوا سکینے۔ اٹک دی تاریخ بارے کتاب وچ ڈھیر سارا مواد موجود اے پر زبان بارے اکو صفحہ نا کافی اے۔ کجھ لوک باتاں تے نکلیاں نکلیاں دانش بھیریاں کہانیاں وی لہجے کے لادینیاں چاہیدیاں نیں۔

ہر علاقے وچ علم و ادب دے سوے پھٹدے رہے نیں، اٹک اک قدیم تہذیب اے جیدیاں جڑاں گندھارا تہذیب نال جڑیاں ہن، ایس پاروں اپنا ادبی ذخیرہ ٹیکسلا دے قدیم ماہر لسانیات پانی توں شروع کر کے موجودہ دور تک آنا چاہیدا اے۔ اٹک نوں ضلع تک محدود کرنا مناسب نئیں۔ تھوڑی جی ہور محنت کیتیاں اپنی بولی اپنی زبان دیاں بنیاداں ہو پکیاں کرن دی ضرورت اے۔ ایس علاقے وچ جہیڑیاں درگا ہواں تے مدرسے قائم نیں، اوہناں بارے وی جانکاری لازمی اے۔ اصل وچ ایہہ مدرسے تے خانقاہواں تعلیمی ادارے دا درجہ رکھدیاں سن جتھے مقامی زباناں دے نال نال آندھ گوانڈھ دیاں زباناں دی تدریس دا سر بندھ وی ہوندا سی، ایہناں درسگاہواں وچوں ضرور کوئی نہ کوئی اسلامی کتاب، اسلامی مسئلے مسائل مقامی زبان وچ موجود ہون گے جہیڑے قلمی صورت وچ تلاش کیتے جاسکدے نیں۔

جتنوں تیک شاعراں تے کہانی کاراں دے تذکریاں دا ذکر اے، ایہہ بڑی محنت نال لکھے گئے نیں۔ کتھے کتھے شعری حوالے زیادہ دتے گئے نیں، میرے خیال وچ معیاری کلام دے دو حوالے ای کافی نیں۔ صفحہ ۸۷ تے چھا چھی کہانی کار دی سُرخ بنی پئی اے، ایہہ دے وچ گھیبی کہانی کار وی ہونے چاہیدے نیں۔ ایس وچ کجھ کہانیاں نو صفحہ تیک جان دیاں نیں ایڈی کہانی دا کھلار سانجھا نہیں جاسکدا، قاری تن چار صفحے دی کہانی پڑھن وچ سوکھت محسوس کردا اے۔ لمی کہانی ڈائجسٹ وچ تاں وارا کھا جان دی اے، ادبی کتاباں وچ وارا نہیں کھان دی۔ اک ہو رگل بڑی دھیان والی اے جے صرف شعر تے کہانی ای ادب نیں، نثر وچ خاکہ، انشائیہ، کالم تے آپ بیتی دی وی اپنی اہمیت اے۔ یقیناً ایہہ کتاب اٹک کیمبل پور دے لکھاریاں دی شناخت دا مظہر ثابت ہووے گی، ایس پاروں ایس وچ ودھتوں ودھ صنفیاں بارے مواد ہونا چاہیدا اے۔ ایہہ دے نال اپنی بولی اپنی زبان بارے ایہہ تاثر ودھے گا جے ایہہ دے وچ زبان بنن دیاں ساریاں صلاحیتاں موجود نیں۔ اک لیکھ ایس دھرتی اُتے لکھیاں جان والیاں ادبی صنفیاں نظم، غزل، حمد، نعت، قصیدہ، سہ حرفی، کافی، ڈھولا، سی حرفی تے قطعہ بارے جانکاری ہونی چاہیدی اے۔ ایس وچ نثری لکھتاں ناول، ڈرامہ، کہانی، انشائیہ، خاکہ، کالم تے آپ بیتی بارے گل بات ہونی ضروری اے۔ ایہناں گز ارشاں نال اللہ حافظ۔ رب تہانوں بہتر توں بہتر تخلیقی تے تحقیقی کم کرن دی توفیق دے۔

ڈاکٹر محمد ریاض شاہد

ڈائریکٹر ایشین لینگویا ایجوکیشنل ریسرچ فورم لاہور

اٹک نی تاریخ تے ثقافت

ضلع اٹک قدیم تاریخی تے تہذیبی خطہ وے۔ ماہر اراضیات تے ماہر آثاریات نی ^{۱۱} کھوج نے مطابق اٹکوں لبھے گئے فوسلز fossils توں پرانی تہذیبیاں نے آثار ملنیں جیہڑی کئی ہزار سال پرانی ون۔ ہاورڈ یونیورسٹی نے ڈاکٹر سنیڈوز، کیمرج یونیورسٹی نے ڈاکٹر پیٹرسن، جنرل گنگھم تے امریکن یونیورسٹی نے ڈاکٹر ڈیوڈ جے آثار شناساں اس ضلع نے آثار قدیمہ تے کم کیتائے جس توں پتا چلنایے جے انسانی تہذیب نے سب توں پہلے تے پرانے آثار پوٹھوار نے اسی خطے وچ پائے دینیں۔ ۵۰۰ ق م توں ۵۰۰ء تک بدھ مت تے کئی ہور قوماں اباد رہیاں نے۔ اس توں پہلوں ۳۲۶ ق م وچ سکندر اعظم جدوں اپنے قدم گندھارا وچ رکھے تے اودر یائے سندھ توں لنگھ کے ٹیکسلا وچ آیا تے اٹکھ اپنے نشان چھوڑ گیا۔

جدید تاریخ نے مطابق اس علاقہ نے آثار مسلمان حملہ آور سلطان محمود غزنوی تے راجہ آنند پال نی آپس وچ جنگ وچ ملنے ون۔ اس توں پہلوں ای علاقہ قدیم زمانے توں ای باہرے نے حملہ آوراں آسے راہے نے طور تے استعمال ہونا رہیا جس نی وجہ توں اس علاقے نی بہوں اہمیت ہئی۔ اُنھاں حملہ آوراں نے ظلم تے بھن تر وڑنی وجہ توں اٹک ناں ای قصبہ کئی وارا جڑاتے اباد ہو یا۔ ای قصبہ پہلوں آریا نیاں نے قبضے وچ رہیا، و ت ۶۰۰ ق م وچ تورانیاں اٹکھ اپنے قدم جمائے۔ تورانیاں توں بعد ای علاقہ ایران نے اثر وچ رہیا۔ یونانیاں اٹکھ بہوں عرصہ حکومت کیتی تے ای ضلع سلطنت یونان ناں حصہ رہیا۔ بعد چوں کشمیری راجیاں نی اٹک تے اس نے آچھپیرے حکمرانی قائم ہو گئی جیہڑی نانویں صدی عیسوی تک رہی۔ جساں کابل نے سونٹا دیو آ مکایا۔ ۱۰۰۸ء وچ مسلمان جنگجو سلطان محمود غزنوی شمالی ہندوستان تے حملے آسے اس ضلع وچ جدوں وڑاتاں حضروتے اٹک نے وچکار

چھچھ نے میدانی علاقے چ راجہ آند پال نی فوج نال جنگی معرکہ ہو یا جس وچ راجہ آند پال آں شکست ہوئی۔ اس جنگ ہندوستان نی تقدیر آں بدل کے رکھ چھوڑا۔ اعلیٰ عظیم مسلمان جنگجو جتھے جتھے اپنی فتح نے جھنڈے لاناں گیا اُتھے اسلام نے تبلیغی مرکز بنے گئے۔ سلطان محمود غزنوی نی اٹک نے اس مقام تے فتح توں بعد شمالی ہندوستان وچ سب توں پہلوں اسلام نی روشنی اسی علاقے چ پھیلی۔

دلی آں فتح کرنے آسے مسلمان جنگجو آں نے نیڑے ایہا ہک راہ ہیا اس آستے اٹک نے اس خطے آں ہمیشہ خاص اہمیت رہی اے۔ ۱۲۰۵ء وچ سلطان محمد شہاب الدین غوری تے کھڑاں نی جنگ بی اٹک نے اسی مقام چ ہوئی۔ چودھویں صدی چ تیمور اس ضلع وچ وڑا تے پنڈی گھیب، تلہ گنگ توں ہونا خوشاب آں ٹپ کے بھیرہ اُتے ونج قبضہ کیتا س۔ ظہیر الدین بابر ہندوستان تے جتنی وار حملہ کیتا اوہ اٹک نے مقام نیلاب توں دریائے سندھ آں پٹنیاں اتھوں لنگھا۔ شمالی ہندوستان وچ اپنا غلبہ پانے آسے نادر شاہ، احمد شاہ ابدالی، شاہ دورانی تے زمان شاہ ناں گزر بی اسی ضلع چوں ہو یا۔ مغل حکمراناں نے نیڑے اس ضلع نی اہمیت دلی تک پوچھنے آسے راہے نے طور تے ہئی۔ اس توں ہٹ کے ضلع نے وچ کوئی بی ایہجا علاقہ نیس ہیا جیہڑا اُنھاں واسے توجہ ناں مرکز بنے آتے اُن ضلع تے قبضہ کر کے اس نا انتظام سبھالن آ۔ برے ایچے کجھ علاقے جتھوں آنے والے حملہ آوراں نی گزر ہونی ہئی اُنھاں چ مغلاں نی حکومت ہئی۔ واہ تے حسن ابدال ناں خوب صورت علاقہ مغل حکمراناں نی توجہ ناں مرکز اس آسے رہیا جے کابل یا کشمیر وینے وقت اُن اتھے ای رکنے ہئے۔ مغلاں نے دور وچ بی باقی سارا ضلع قبائلی خانہ جنگی نی حالتاں چ رہیا۔ جہلم توں کوہستان نمک تک جنجوعاں نی حکومت ہئی۔ اس ضلع تے پہلا حملہ کھڑاں کیتا، اعوان اس ضلع چ جنوب توں آئین اُنھاں جنجوعیاں نی حکومت آں مکا نے نے نال کھڑاں واں

بی کالا چٹا تک رہنے تے مجبور کر دتا۔ ۱۵۸۱ء چ اکبر اعظم اپنے وزیر شمس الدین خوانی فی نگرانی وچ دریائے سندھ نے مشرقی کڈھے تے قلعہ اٹک نی بنیاد رکھی۔ اٹک نے سابق ڈپٹی کمشنر سی گاربیٹ نی کتاب Gazetteer Of Attock 1930 نا ترجمہ کرنیاں ہونیاں اس بارے چ لکھنیں۔ ”۱۵۶۱ء تک اکبر اعظم کا پنجاب پر مکمل قبضہ ہو چکا تھا۔ لیکن کابل کا صوبہ جو اس وقت دریائے سندھ تک پھیل چکا تھا اس پر عملی طور پر مرزا محمد حکیم جو اس کا سوتیلہ بھائی تھا، حکمران تھا۔ نوجوان تھا لیکن کمزور اور شرابی تھا۔ ۱۵۸۰ء میں اس نے بغاوت کردی وجہ یہ تھی کہ اکبر نے رومن کیتھولک پادریوں کی ایک تبلیغی جماعت کی حمایت کی تھی۔ جس پر تحریک چلی اور اس تحریک کی حمایت میں محمد حکیم نے پنجاب پر حملہ کر دیا۔ مقصد یہ تھا کہ اکبر کو ہٹا کر محمد حکیم کو بادشاہ بنایا جائے۔ اکبر اپنے سوتیلے بھائی کے مقابلے میں نکلا۔ وہ بھاگ گیا۔ ۱۵۸۱ء کے اگست میں اکبر کابل میں داخل ہوا اور پھر یکم دسمبر کو دہلی واپس آ گیا۔ اب واپس آرہا تھا تو اس نے اٹک قلعہ بنانے کا حکم دیا۔ تاکہ آئندہ کے لیے افغانستان سے آنے والے حملہ آوروں کو روکا جاسکے۔“

قلعہ اٹک ۱۵۸۱ء توں ۱۵۸۳ء توڑی دوہاں سالاں چ توڑ چڑا۔ اس نے بنانے وچ ہزاراں مزدوراں کم کیتا۔ قلعے نی تعمیر توں بعد اکبر اعظم پہلوں شہزادہ سلیم آں تے بعد چوں مان سنگھ آں قلعہ دار بنایا۔ شہنشاہ جہانگیر اپنی حکومت چ کئی وار اٹک قلعے وچ رہیا ہیا۔ اس توں ہٹ کے اُس کئی وار حسن ابدال تے واہ قیام کیتا۔ تزک جہانگیری چ حسن ابدال نی خوب صورتی ناں ذکر ملنا وے خاص طور تے اس نے ہک آبشار نے بارے چ انھاں ایہجوں ذکر کیتا جے قابل نے پورے راہے وچ ایہجا کوئی آبشار نہیں اے، سوائے کشمیر نے۔ اس جاہگاں تے جہانگیر ترے دیہاڑے رُکا تے مچھیاں نا شکار بھی

کیتا۔ جہانگیر قلعہ اٹک نازک جہانگیری وچ ذکر ابھوں کیتا جے ای قلعہ حضرت عرش
آشیانی بنوایا تے اُساں خواجہ شمس الدین خوانی نی کوششاں نال توڑ چاھڑا گیا۔^{۱۱}

حسن ابدال نے حوالے نال ہک ذکر ای بی کیتا جے خواجہ شمس الدین اُنھاں نے پیواکبر
اعظم نے وزیر ہون نال بہوں نیڑے ہے، شمس الدین اوراں اپنے آسے حسن ابدال وچ
ہک مقبرہ بی بنوایا جتھے بعد وچ حکیم ابوالفتح گیلانی تے اُنھاں نے بھرا حکیم حمام آں اکبر
اعظم نے حکم تے دفن کیتا گیا۔ ای دویں بھرا اکبر اعظم نے محرم ہے۔ ای مقبرہ بعد چوں
مقبرہ حکیمان نے نائیں نال مشہور ہو یا۔ شاہجہاں بی اٹک تے حسن ابدال کئی واری ٹھہرا۔

شہنشاہ اورنگزیب عالمگیر نے دور وچ ہارون (اٹک) نے مقام تے مغلاں تے یوسف
زئی افغاناں وچ خونی لڑائی لڑی گئی۔ عالمگیر دور نے ہک لکھاری خواجہ محمد زاہد انکی ۱۱۴۶ھ
ناں ہک خطی نسخہ ”قصہ مشائخ“ مجلس نوادرات علمیہ اٹک نے بانی نذر صابری چھاپا جس
نے مطابق عالمگیر بادشاہ اپنے دوہاں بھراواں قتل کرن توں بعد اپنے پیو آں قید کر گھدا تے
ایس ناں تریہا بھرا شاہ شجاع اُتھوں خفیہ طور تے غائب ہو گیا۔ عالمگیری دور نے چھیویں
سال پٹھان قبیلے یوسف زئی وچ ہک بندے شاہ شجاع ہون ناں ڈھنڈورا پٹا تے یوسف
زئی پٹھاناں نال رل کے ہک لکھ فوج اکٹھی کر گھدی۔ اس گل نی خبر جدوں عالمگیر تک پونہ
تاں اُس اٹک نے فوجدار کامل خان آں یوسف زئی افغاناں تے حملہ ناں حکم دتا۔ عالمگیر
ناں حکم ملنیاں ای کامل خان یوسف زئی لشکر تے حملہ کر دتا تے اُنھاں بری طرحاں نال
شکت دی، بہوں سارے لشکری قتل تے زخمی ہوئے جس توں افغاناں نے لشکر کچھے قدم
پٹے، کچھے سننیاں کئی دریائے چ ڈب کے موئیں۔ جنگ کی تاں کامل خان افغاناں نے
ہک سرکپ کے آنے ناں روپیہ انعام رکھا۔ اتنے سرکپ کے آندے گئے جے کامل خان
آں ہک روپیہ سردینا اوکھا ہو گیا۔ وت آکھاس جے ہُن ہک روپے نے دو سر

گھنساں۔ لشکری و تاتنے سرکپ کے گھن آئے جے اُساں آکھنا پیا ہی ہُن ہک روپے چ
چار سرگھنساں۔ ایس وار بی لشکری اتنے سرگھن آئے کے کامل خان پیسے دینے توں اک^{۱۱}
گیا تے اعلان کر دتاس جے ہُن ہور سراں فی لوڑ نیں رہی۔ افغاناں نے سراں نے
لدھے وئے وی ہٹھ صوبہ کابل وچ سید میر آں بھیجے گئے نالے سراں نال لدھے وئے کجھ
ہٹھ اٹک آن کے ایہناں سراں ناں مینار بنایا گیا۔

سکھاں فی کامیابی ناں سلسلہ خُراتے ۱۷۶۵ء وچ گجر سنگھ بھنگی گجرات وچ کھڑاں شکست
دتی تے کجھ سالاں چ دریائے جہلم آں ٹپ کے راول پنڈی تے کوہستان نمک تک قبضہ کر
گھدا۔ گجر سنگی بھنگی نے اس قبضے آں ہلاں بہوں مدانیں ہو یا ہیا جے سردار چتر سنگھ فتح
جنگ نے کجھ علاقے تے آقبضہ کیتا۔

مہاراجہ رنجیت سنگھ ناں دور آیا تاں سارے ضلعے تے سکھاں فی حکومت بن گئی۔ مان
سنگھ آں اتھے ناں افسر بنادتا گیا۔ اُس وقت قلعہ اٹک ناں ناظم جہان داد خان ہیا جس نال
رل کے رنجیت سنگھ ہک لکھ نے بدلے چ اپنا قبضہ جما گھدا۔ بعد چوں کشمیر فی فتح نے مال
غنیمت تے نالے اٹک قلعہ نے معاملے چ سکھاں تے افغاناں وچ بھیڑی ہو یا۔

سکھاں نے زمانے وچ ضلعے ناں مالیہ وصول کرنے ناں کوئی خاص انتظام نیں ہیا جس
آستے رنجیت سنگھ نے ۱۷۹۷ء وچ تلہ گنگ تے پنڈی گھیب ناں علاقہ ٹھیکے تے چاھڑ
دتا۔ سکھاں نے نیڑے مالیہ وصولی ناں ای عمل ٹھیک ہیا، اس آسے ایہہ علاقے بہوں مد
اُتھے نے تکرے خانداناں ٹھیکے تے دتے وینے رمن۔ بعد چوں سکھاں پنڈی گھیب نے
کجھ علاقے اُتھے نیں تکرے خانداناں چاء دتے۔ سکھاں نے اخیر لے تریہہ سال لٹ
مار قتل تے بھیڑ لڑایاں چ لکھے۔ ۱۸۴۵ء وچ فتح خان سکھاں نے برخلاف اُٹھ کھلوتا
برے تھوڑے چر پچھوں اوہ سردار چتر سنگھ اگے ہتھیار سٹنے تے مجبور ہو یا۔ دو مہینے پچھوں چھٹاتے

اُس وت بغاوت کردتی برے اُس ناں کوئی وس نہیں چلا۔ انگریزاں نے دور تک اُس آپے آں منوا گھدا ہیاتے بعد چوں اُساں وت علاقے ناں سردار بنادتا گیا۔ ۱۸۴۸ء وچ انگریزاں تے سکھاں وچ جنگ ہوئی اس جنگ وچ اٹک نے علاقے آلے انگریزاں نی حمایت وچ اُٹھ کھلے۔ پنڈی گھیب نے جودھڑے، اٹک ناں گوندل خاندان، کھٹڑے تے ہور کچھ قبیلیاں انگریزاں نال رل کے سکھاں نے برخلاف انگریزاں ناں ساتھ دتا۔ علاقے نے کئی خانداناں ۱۸۵۷ء نی جنگ وچ انگریز سرکار ناں ساتھ دتاتے جاگیراں، عہدے تے خطاب حاصل کیتے۔ بعد وچ جدوں پاکستان بننے نی تحریک چلی تے اس ضلعے نے لیگی کارکناں، سٹوڈنٹ تنظیمیں تے علاقے نے لوکاں ودھ کے حصہ گھدا تے ۱۴ اگست ۱۹۴۷ء آں اٹک قلعے تے پاکستان نا جھنڈا لہرایا۔

اٹک ناناں:

اٹک نے نائیں نے بارے وچ کچھ تاریخ دانان نا خیال اے بئی اٹک دراوڑی زبان ناں لفظ اے تے اس نے معنے دلدلی زمین اے۔ کیوں جے دریائے سندھ نی زمین دلدلی وے اس وجہ توں ای ناں رکھا گیا۔ کیمیاں نے نیڑے دریائے سندھ Indus رُک رُک کے چلن اے اس آسے اٹک ناں پئے گیا وے۔ آثار شناس جنرل لکنگھم نا خیال اے بئی اٹک ناناں ”ٹکا“ قبیلے نے نائیں تے رکھا گیا جیہڑے دریائے سندھ تے اس نے اگے پچھے اباد ہے۔ فارسی تے اردو نے شاعر تے محقق سید شاہ القادری نے نیڑے اس قلعے ناں اٹک بنارس رکھنے نی ای وجہ ہو سکنی جے مغلاں نی اصل زبان ترکی ہئی جس وچ ”اٹک“ ناں لفظ دامن کوہ آسے استعمال ہونا وے تاں ای اندازا کیتا ونج سکن اے اکبر اعظم دامن کوہ وچ ہون نی وجہ توں اس قلعے ناناں اٹک رکھا ہو وے، انھاں نے خیال وچ صرف کٹک

نے وزن اُتے ہک بے معنی جیہا لفظ بنا گھننا اکبر اعظم جے علم رکھنے آ لے بادشاہ کولوں اتہی توقع نیس۔ ای ضرور آکھا ونج سکنا بی ترکی زبان ناں ای لفظ ”اٹک“ مقامی قوم خٹک^۱ تے اکبرنی سلطنت نے مشرقی کڈھے تے ہون آ لے قلعے ”کٹک“ نے ہم وزن ہون فی وجہ توں اکبر نے پسندنی وجہ بنی ہووے۔

سی سی گاربیٹ نے مطابق اکبر اعظم اس ناناں ”اٹک بنارس“ ”کٹک بنارس“ فی مناسبت نال رکھا ر جہڑا اکبرنی سلطنت ناں ہک شہر تے قلعہ ہیا۔

حقیقت بی ایہا وے جے اکبر اعظم نے قلعہ اٹک بنانے توں پہلوں تاریخ فی کتاباں وچ اس علاقے نے نامیں اٹک فی کوئی کھوج نیس لہسنی۔ قلعہ اٹک بنارس نے بننے توں بعد ای اس علاقے ناناں اٹک پیا۔

جغرافیہ:

۱۹۰۴ء وچ اس علاقے آں ضلعے نا درجہ لبھاتے اس ناناں سرکولن کیمپل نے نامیں تے کیمپل پور رکھا گیا۔ اس وچ چار تحصیلاں کیمپل پور، فتح جنگ، پنڈی گھیب تے تلہ گنگ شامل ہوئیاں، ضلعے نے انتظامی معاملے تے دفتر ۱۹۰۶ء وچ ضلعی ہیڈ کوارٹر نے حوالے ہوئے B.N.BOSWORTH SMITH آں ضلعے ناں پہلا ڈپٹی کمشنر بنایا گیا۔ ۱۹۷۸ء وچ کیمبل پور ناناں بدل کے اٹک رکھ دتا گیا تے دریائے سندھ نے کڈھے تے اباد پرانے اٹک گرائیں آں اٹک خورد ناناں دے دتا گیا۔ ۱۹۸۴ء وچ تحصیل تلہ گنگ آں اٹک توں نکھیر کے چکوال وچ شامل کر دتا گیا۔ پاکستان بنن توں پہلوں تھانہ چونترہ تے کچھ ہور موضعے تحصیل فتح جنگ توں تے بدھو، پنڈ بھوتی، واہ تے کچھ ہور موضعے تحصیل اٹک نالوں کٹ کے ضلع راول پنڈی وچ شامل کیتے گئے۔ بعد چوں حسن ابدال آں تحصیل تے حضرو آں سب تحصیل تے وت تحصیل نا درجہ دے دتا گیا۔

ضلع اٹک طول بلد 71.43، 32.36 عرض بلد نے درمیان اے۔ اٹک دریائے جہلم تے دریائے سندھ نے درمیانی علاقے ناں حصہ وے۔ ضلع اٹک پنجاب ناں اخیر^۱ لا ضلع ہون نی وجہ نال اس نی حد صوبہ (کے پی کے) آں پنجاب نالوں وکھرا کرنی اے، ضلع نی آخر لی حد دریائے سندھ نے پار ضلع نوشہرہ تے کوہاٹ اے۔ اس نے شمال نی حد ضلع ہری پور تے صوابی نال ملنی اے۔ جنوب مشرق وچ اس نی حد چکوال تے مشرق وچ ضلع راول پنڈی نال ملنی اے۔ اٹک نے مغرب وچ علاقے ناں سب توں لماں تے مشہور پہاڑی سلسلہ کالا چٹا وے۔ ضلع نے دُوئے پہاڑی سلسلے وچ زکھڑی مار، کھیرٹی مورت تے کواگاڑ نیاں پہاڑیاں شامل ون۔ انڈس نے مقام تے دریائے سندھ تے دریائے کابل نال ملاپ ہونائے، اٹک نے دُوئے مشہور دریاواں وچ دریائے ہرو تے دریائے سواں نیں جیہڑے دریائے سندھ وچ شامل ہووینین۔ اٹک ناں کل رقبہ ۶۸۵۷ مربع کلومیٹر اے تے ۲۰۱۷ء نی مردم شماری نے مطابق اٹک نی کل آبادی (۱۸۸۳۵۵۶) تک پہنچ گئی اے۔

موسم:

ستمبر وچ اتھے موسم نی تبدیلی شروع ہووینی اکتوبر وچ موسم بدل وینائے تے اس توں کچھ ٹھڈا ہونا وینائے۔ فروری توں اپریل تک بہار رہنی تے وت گرمی پین لنگھ پینی وے۔ جون، جولائی، اگست نے مہینے وچ سب توں ودھ گرمی ناں زور ہونائے۔ تحصیل فتح جنگ تے حضرو آلے پاسے بارشاں زیادہ ہونیاں تے گرمیاں وچ اٹک ناں درجہ حرارت ۴۰ توں ودھ رہنا تے جدوں شدید گرمی پھیننی تے ۴۷ تک بی چلا وینائے۔ علاقہ چھ توں علاوہ ضلع اٹک نی زمین بارشاں ناں پانی اپنے اندر جذب کر گھینی اے۔ شدید بارشاں ہون نال اٹک نے ندیاں نالیاں، دریائے سواں تے ہرو وچ پانی چڑھ آنائے۔

ثقافت:

ضلع اٹک نے لوک پنجاب نے دُوئے علاقیاں وانگن زیادہ تر شلوار قمیض ہی پانین ضلع^{۱۱} نے۔ کئی گراواں وچ وڈی عمر اں نے بزرگ لنگ مارنیں تے سرے تے پٹکا رکھنے ون۔ علاقے نے کئی اعوان تے دوہے زمیندار خانداناں وچ بوسکی نے سوٹ، واسکٹ تے کلف لگا شملہ پانے ناں رواج بی اے خاص طور تے شادی ویاہ تے میلیاں تے۔ بوسکی نی قمیض لٹھے نی شلوار تے طے آلی کھیڑناں رواج بی خاص اہمیت رکھنا۔ علاقہ چھ وچ تے کئی ہور گراواں وچ موڈھے تے دھوتی رکھنیں۔ چھچھ نیاں زنانیاں پردے آسے علاقے نی ثقافتی چادر چھیل کرنیاں جیہڑی اس پورے علاقے نی شناخت اے برے ہن نویں پوت نے ماڈرن ہون نال ای چھیل علاقے نیاں بوڈھیاں تک رہ گئی۔ ضلع وچ جاکتاں نی جم پل شادی ویاہ تے موت مرگ نیاں رسماں تے رواج پنجاب نے دُوئے علاقیاں کولوں کوئی ایڈے وکھرے بی نیں بس مقامی زبان وچ انھاں رسماں نے ناں بدل وینیں۔

تہواراں وچ عید اں، شبرات، عید میلاد النبی، بسنت تے اس توں علاوہ ضلع وچ عرس تے میلے اٹک نی ثقافت ناں بہوں خاص حصہ نیں میلے ٹھیلے تے بزرگاں نی زیارتاں تے اس نال جڑیاں ویاں رسماں صدیاں توں علاقے نی روایت ریاں۔

اٹکاں ناں میلہ حضرت سخی سلطان نے مزار تے لگنائے، جی ٹی روڈ تے دریائے سندھ نے کنڈھے تے ہون نی وجہ توں سرحد (کے پی کے) تے پنجاب دوہاں وچ بہوں اہمیت رکھنائے۔ پورے ضلع نے گراواں چوں آنے والے لوکاں توں علاوہ دریائے اُس پاروں نوشہرہ توں گھن کے پشتور تک لوک بہوں وڈی تعداد وچ دربار تے حاضری تے تفریح آسے آئیں۔ حضرت سخی سلطان نے عرس توں علاوہ ضلع نے کئی گراواں وچ ایہہ عرس تے میلے سجنے ون تے انھاں گراواں وچ رہنے آ لے لوک پورا سال انھاں عرساں تے میلیاں ناں انتظار

کرنین تے وقت نیڑے آنے توں پہلوں ای عیدی وانگن نویں چیرے سیوانے تے ہور تیاریاں کرنے ون۔ انھاں عرساں اُتے نعت تے قوالی نیاں محفلاں سجنیاں ر۔ اتی دیہاڑی لنگر چلنے ون، کئی عرساں تے داندیاں نی دوڑ تے کئی ہور ثقافتی رنگ بی ہونے ون۔

جشن بہاراں ناں میلہ جیہڑا اٹک فیسٹول نے ناخیں نال بی مشہور اے جس ناں انتظام ضلع نے صدر مقام اٹک وچ کیتا وینا۔ ای میلہ ترے دیہاڑے رہنا جس وچ علاقے نی ثقافت آں نمایاں کیتا وینا۔ بینڈ شو، لڈی، خٹک ڈانس کیول کیڈ، گھوڑا ناچ تے کتا دوڑ۔ اس توں علاوہ اس میلے وچ نیزہ بازی تے داندیاں نی دوڑ خاص طور تے شامل ہونی وے کیوں جے ایہہ اس ضلع نے خاص کھیڈ سمجھے وینین، ضلع نے نیزہ بازی توں باج پورے پاکستان چوں نیزہ بازی نیاں ٹیماں حصہ گھننیاں، میلے وچ دو نیاں ثقافتی سرگرمیاں نے نال کل پاکستان محفل مشاعرہ بی شامل ہونا وے۔

کیمبل پورچ انسانی زندگی نے آثار تے زبان:

صدیاں توں ای گل تحقیق طلب رئی اے کہ دنیا تے انسان کدوں آباد ہو یا۔ اس نی زبان کھیڑی ہئی، اس نی زبان نی اصل کیہ وے تے ای کبھوں پوری دنیا وچ پھیلی وے۔ اسی کھوج وچ ساری دنیا نے ماہرین تے لسانیات نے سلکالر ہجا بھی سر پے کھپانین تے نت نویں گلاں، نویں اندازے تے اصولاں نی وضاحت پے کرنین۔ اتھے اساں ناں مقصد اپنے علاقے نے وسیب تے بولی نے بارے گل کرنا وے اس آسے پہلے اسی اپنے علاقے نی قدیم تاریخ تے تہذیبیاں ناں نکا جہیا خا کہ پیش کرنے نی کوشش کرنے آں۔

جدید تحقیق نے مطابق دنیا وچ انسانی تہذیب نے آثار خطہ پوٹھوہار نے اسی علاقے وچ پائے وینین جس وچ راول پنڈی تے خاص کر کے ضلع کیمبل پور ناں علاقہ شامل اے۔ کیمبل پور اٹک نے نگری، ڈھوک پٹھان، جھجھھی تے کئی ہور علاقیاں وچ ملنے والیاں

کھوپڑیاں ناں ذخیرہ کروڑاں سال قدیم اے۔ اس توں پہلوں ارضیات تے آثاریات نے زیادہ تر ماہرین فی تحقیق ای ہئی جے انسانی زندگی نے سب توں پرانے آثار افریقہ¹ چ پائے وینین جتھے انسان فی جم ہوئی تے وت اوہ پوری دنیا چ پھیل گیا۔ جیوں جیوں ای تحقیق ودھنی گئی تے بوزنہ انسان نیاں کھوپڑیاں تے ڈھانچے لکھنے گئیں، ماہرین فی سوچ تے بوزنہ انسان فی جنم بھومی نے بارے چ نظریے بی بدلنے گئیں۔ افریقہ، یونان، چین تے وسطی ایشاء توں لکھی گئی کھوپڑیاں تے ڈھانچیاں توں انھاں فی عمراں لکھاں تے کڑوڑاں سال دسیاں گئیاں برے جدید ریسرچ توں انسانی تاریخ نادور ودھ ہونا گیا تے ہن کئی ماہرین انسان ناں پہلا مسکن خطہ پوٹھوہار تے کیمبل پور (اٹک) نے علاقے آں ای مننے ون کیوں جے اتھوں ملنے والے مجرات تے بوزنہ انسان نے ڈھانچے تے کھوپڑیاں سب توں قدیم ون۔ ڈاکٹر انجم رحمانی ”پنجاب تمدنی و معاشرتی جائزہ“ چ لکھنے ون:

”یہ تمام صورت حال دنیا بھر میں پنجاب اور پھر پنجاب میں بالعموم علاقہ پوٹھوہار اور بالخصوص ضلع اٹک میں شامل علاقوں کی تہذیبی و تمدنی قدامت کی ترجمان۔ پنجاب کی سرزمین میں اولین آبادی روال پنڈی اور اٹک کے اضلاع میں ہوئی۔ کرہ ارض کا دو کروڑ پچاس لاکھ سال کا زمانہ جنگلی حیات میں انقلابی تبدیلیوں کا دور ہے۔ اس عرصہ میں بین البراعظمی نقل مکانی کا آغاز ہوا تھا اسی زمانے میں یوریشیا کا بیشتر علاقہ جنگلات میں اٹ گیا تھا اس دور میں یوریشیا اور افریقہ کے درمیان ایک زمینی پل کے ذریعے رابطہ قائم ہو گیا تھا۔ اس پل کے ذریعے ہندو اور مانس شمالی براعظموں کی جانب منتقل ہو گئے تھے ایسی نقل مکانی کرنے والوں میں دیو قامت مانس (Ginganto Pithecus) یعنی ڈرائیو تھے کس (Dryopithecus) بھی شامل تھا۔ یہ جانور اس زمانے میں شامل پنجاب میں بھی موجود تھا کیوں کہ اس کا ایک ڈھانچہ پنجاب میں واقع شوالک کے پہاڑی

سلسلہ سے ملا ہے۔ بعد ازاں پیلیمر نے موضع گولیال نزدکوڑ ضلع اٹک سے بوزنہ نما انسان کی تین چار کھوپڑیاں دریافت کی تھیں۔۔۔ یہ بوزنہ نما انسان اب تک پنجاب اور افریقہ سے ملا ہے۔ پنجاب (ضلع اٹک) میں ملنے والے اس کے آثار کی عمر ایک کروڑ پچاس لاکھ سال سے دو کروڑ پچاس لاکھ سے دو کروڑ سال تک بتائی گئی ہے۔ اس لحاظ سے پوری دنیا میں ملنے والا اپنی نوعیت کا قدیم ترین ڈھانچہ ہے۔“

ڈاکٹر انجم رحمانی، پنجاب تمدنی و معاشرتی جائزہ ۱۹۹۸ء ص ۷۰

اس توں پہلوں ۱۹۳۰ء رائل کیمرج ایکسپلی ڈیشن خطہ پوٹھوہار سواں نے کول قدیم دور نے پتھر نے ہتھیار تے اوزار لکھے۔ جرمن محقق ڈی ٹیراتے پیٹرن بھی اُتھے قدیم ترین انسانی دور نی ٹوہ لائی ہئی، انھاں چونترہ، روات، سواں تے اڈیالہ توں پتھر نے دور نے ترے لکھ سال پرانے سنگی ہتھیار بھی لکھے ہئے، کئی ماہرین خطہ پوٹھوہار نی وادی سواں نی تاریخ آں بابل، وادی سندھ، یونان تے مصر نی تہذیبیاں توں بھی قدیم آکھنیں۔

خطہ پوٹھوہار چ انسانی ارتقا صدیاں توں جاری اے۔ وقت لنگھنے نال پوٹھوہار نے مرکز نی حیثیت جدوں ٹیکسلا واں لکھی تاں خطے چ تہذیبی تے ثقافتی دور ناں آغاز ہک نویں تہذیب گندھارا نے نائیں نال ہو یا۔ اس بارے مالک اشتر لکھنیں:

”وقت گزرنے کے ساتھ ساتھ جب پوٹھوہار کی مرکزیت ٹیکسلا ہوئی تو اس سے سیاسی، اقتصادی، تہذیبی و ثقافتی سرگرمیوں کے ایک منفرد دور کی بنیاد پڑی اور اس خطے میں گندھارا کے نام سے ایک نئی تہذیب کا آغاز ہوا۔۔۔ ابتداء میں دریائے سندھ کے دونوں اطراف بشمول وادی پشاور (پرشاپورہ) چارسدہ (پشکلاوتی) سوات (ادیانہ) چچھ اور پوٹھوہار کا بالائی حصہ گندھارا کہلاتا تھا۔ اس کا دارالخلافہ ٹیکسلا (تکاشلہ) تھا۔ اور یہاں راجہ پکوساتی کی حکومت تھی۔ چھٹی صدی قبل مسیح کے دیگر حکمران یعنی بہار (مگدھ) کا بادشاہ

بمبئی سار، اجین مدھیا پردیش (اونتی) کا حاکم پرادیوت اور اودھ لکھنوء (کوشالا) کا فرما
روا پر سین اجیت، راجہ پکوساتی کے عم عصر تھے۔“

مالک اشتر، خطہ پوٹھوہار تارتخ و تہذیب، تجزیات، جولائی ۲۰۱۷ء ص ۵

۵۵۹ ق م چ ٹیکسلا ایران فی عمداری چ آگیا اسی دور چ اتھے آریائی زبان تے
خروشی رسم الخط متعارف ہويا۔ راجہ امبھی نے ٹیکسلا تے قبضہ کرن توں بعد اُس
سکندر اعظم فی فوج آں اس خطے چ خوش آمدید آکھا، سکندر اتھے اپنا نائب مققر رکیتا تے
مارگلہ توں ہونا راجہ فارس آں شکست دینے آسے جہلم دینیں ٹر گیا۔ ٹیکسلا فی عملداری تے اس
اُتے قبضہ جمانے آسے سکندر اعظم نے دینے توں پچھوں سازش کر کے ٹیکسلا نے جرنیل
آں قتل کر دتا گیا۔ راجہ امبھی تے پوڈیمس اقتدار آپے چ ونڈ گھدا۔ اس توں پچھے موریا
چندر گپت گندھارا تے قابض ہويا ۲۹۸ ق م چ اس نے مرنے توں بعد اس نے پترے
تے وت ۲۷۴ ق م چندر گپت نے پوترے مہاراجہ اشوک گندھارا ناں اقتدار
سنجالا۔ اشوک تے کنشک نادور گندھارا تہذیب ناں سب توں چنگاں دور آکھا وینا۔ جس
چ ٹیکسلا تے دوئیاں جاہگاں چ تعمیر، ترقی ناں علم تے فن دینیں توجہ دتی گئی اس عرصے چ
مجسمہ سازی تے دوہے فنون لطیفہ چ بے مثال ترقی ہوئی۔ اشوک آں بدھ مت فی خدمت
گزاری چ دھر مارا جاناں خطاب دتا گیا۔ اشوک فی موت توں بعد موریا سلطنت ناں
خاتمہ ہويا تے ۱۹۰ ق م چ باختریاں ناں دور آیا۔ کچھ عرصے بعد انھاں ٹیکسلا نے شمال
مشرق چ ہک نویں شہر فی بنیاد رکھی جساں سرکھپ آکھنے ون جہیڑا دؤوی صدی ق م توں
بعد تک باختری، شاکا، پہلوی، کشان تے ساسانیاں نے اثر چ رہیا۔

”۱۸۹ ق م سے ۹۰ ق م تک باختری یونانیوں نے تقریباً ایک صدی تک گندھارا پر
حکومت کی۔ باختری حکمران ڈیمیٹیریس اول نے پرانے دارلحکومت بھڑماونڈ کی بجائے

ٹیکسلا کے دوسرے شہر سرکھپ کی اقلیدی اصولوں پر بنیاد رکھی اور نیا تعمیراتی اسلوب متعارف کرایا۔ یونانیوں کے بعد ساکا یا سیستھین (۹۰ تا ۲۵ء) کا دور آتا ہے۔ یہ جینی نثراد تھے اور ترکمانستان اور چین کے سرحدی علاقے سے وارد ہوئے تھے۔ انہیں پارتھی یا پہلوی حملہ آوروں نے ٹیکسلا سے بے دخل کیا۔۔۔۔ جب گندھارا کے علوم فنون کا سورج عین نصف النہار پر جگمگا رہا تھا تو اسی دوران شمالی ترکمانستان سے سفید ہنوں (۷۰ تا ۶۰ء) کا ٹھٹھیں مارتا سمندر اُڈ آیا اور جو کچھ بھی اس کے راستے میں آیا اس کو خس و خاشاک کی طرح اپنے ساتھ بہا لے گیا۔ ٹیکسلا کی علمی درس گاہوں کی اینٹ سے اینٹ بجا دی۔ گندھارا کی تمام خانقاہیں اور اسٹوپے جلا کر خاکستر کر دیئے۔ اس کے بعد ٹیکسلا کو ماضی کی وہ شان و شوکت پھر کبھی نصیب نہ ہوئی۔“

مالک اشتر، خطہء پوٹھوہار تاریخ و تہذیب، تجزیات، جولائی ۲۰۱۷ء ص ۷

ٹیکسلا تے اس نے آس پاس گندھارا تہذیب نے جیہڑے شہراں نے آثار لہنے ون انھاں وچ بھڑ ماونڈ، سرکپ، سرسکھ، جولیاں تے موہرا مرادو شامل ون جنہاں نی تفصیل تلے درج کیتی وینی اے۔

پاکستان وچ کئی تہذیبیاں نے آثار لہنے ون جنہاں واں عالمی ثقافتی ورثے وچ شامل کیتا ویا انھاں وچ ٹیکسلا بی شامل اے۔ ٹیکسلا وچ کئی میلاں تے پھیلے رقبے اُتے گندھارا تہذیب نے جیہڑے قدیم شہراں نے کھنڈر ملے ون انھاں وچ ہک بھڑ ماونڈ بی اے۔ اس شہر نے کھنڈر نی کھدائی انگریز ماہر اراضیات سر جان مارشل کیتی بعد چوں کئی انگریز تے پاکستانی آثار شناساں اس کم آں اگے ودھایا تے اس نی تاریخی حیثیت آں محفوظ کیتا۔ اس شہر نے دریافت کیتے گئے کھنڈراں ناں رقبہ زیادہ نہیں برے اس نے بارے وچ ای خیال کیتا ویناے جے ۵۱۸ ق م وچ بادشاہ دارا اول اس ا فتح کیتا ہیا۔ ماہرین نے مطابق ای

شہر ترے واری تباہ ہو یا۔ اس ناں سبھ توں پرانا حصہ پنجویں تے چھیویں صدی ق م نال تعلق رکھناے۔ اس توں بعد آلی دریافت شدہ تہہ چوتھی صدی قبل مسیح نی اے جس چوں ملنے آ لے سکے سکندر اعظم نے دور نے ہئے جیہڑے ہندوستانی تاریخ چ ملنے والے ای سکندر اعظم کے دور نے سب توں پہلے سکے ون۔ تریہا حصہ موریا سلطنت نے دور نی داستان پیش کرنا نظری آناے۔

سرکپ شہر نی دریافت چ کئی سال لگے۔ اس شہر نی تعمیر ۲۰۰ ق م باختری دور چ ہوئی اس نی تعمیر سطح مرتفع پوٹھوہار آں مد نظر رکھ کے کیتی گئی۔ اس ناں نقشہ یونانی جیومیٹریکل ذوق تے مہارت ناں نمونہ پیش کرناے، پورا شہر وٹیاں نال بنائی گئی کئی فٹ چیری فصیل نال محفوظ کیتا گیا جیہڑی تھوڑے تھوڑے فاصلے اُتے قائم اے۔ شہر نے وچکار ہک بہوں چیری سڑک اے جس نے سب کجے بہوں طریقے نال بنائی گئیاں گلیاں ماہر ٹاؤن پلاننگ نی عکاسی کرنیاں ون۔ وڈی سڑکاں توں ذرا جیا اگے کر کے جیہڑے کھنڈرون اوہ بازار نا نقشہ دے ون، اس توں بعد شہر نے رہاشی علاقے نے آثار اُن جنہاں چ عمارتاں یا دکاناں ون تے وت بادشاہ ناں محل تے وت مندر نے آثار اُن۔ محل ناں سب توں پرانا حصہ سکائی تھیو یار سین نے دور ناں وے۔ محل ناں ہک انھاں کمریاں آپس چ ملانا وے جیہڑا محل نے آچھپیرے بنایا گیا۔ محل نے چڑھنے حصے چ خاص تے عام درباراے نال ای محافظاں نی جاء بنائی گئی، چڑھنے پاسے رہاشی علاقے نال ہک نلے جے مندر نے آثار ملنے ون۔ اس شہر نی خوشحالی ناں اندازہ اس گل توں لایا ونج سکنا جے کھدائی نے دوران اتھوں بہوں وڈی تعداد چ سونے چاندی نے زیور لہھین۔ انھاں زیوراں تے پھل بوٹیاں تے نقش گری انھاں نے ذوق نی عکاسی کرنے ون۔ ای ہک سیکولر شہر ہیا جس چ آتش پرست، بت پرست تے بدھ مت نے منے آ لے ترے قسم نی تہذیبیاں نے لوک رہنے ہئے۔

سرسکھ ٹیکسلا چین مت ناں ہک اہم مرکز رہیا تے اِستھے ہر جاہگاں اس مذہب نیاں عبادت گاہواں نے آثار پائے وینے اُن انھاں آثاراں نی دریافت نے دوران ماہریناں¹¹ سرسکھ جئے شہر نی کھوج لائی۔ اس نی تعمیر چ بنیادی کردار کنشک ناہیا۔ اس شہر نی کھدائی انوی صدی نے دوہے داہے چ ہوئی۔ ۱۹۸۰ء چ ٹیکسلا نے تحت اس شہر نے کھنڈا آں یونیسکو نے عالی ورثے چ شامل کیتا گیا۔ ای شہر ٹیکسلا نے جدید ترین شہراں چ شمار ہونائے جس نی کھدائی بہوں بعد چوں کیتی گئی تے ای جے بی آثار قدیمہ نی نگرانی چ اے جس نی کھدائی تے ریسرچ مختلف ماہرین کرنے آئین۔

جولیاں نی بدھ خانقائی درسگاہ ٹیکسلا ناں ای حصہ سمجھی وینی اے۔ ای پوٹھوار نے پہاڑی سلسلے چ ٹیکسلا تے ہری پور نے وچکار جولیاں چ بدھ مت نی قدیم ترین درسگاہ نے طور چ گندھارا تہذیب نے تاریخی تے بہوں قیمتی آثار منے کیتے وینے ون۔ اس چ پانی تے سنسکرت نے ہو رکئی عالم پڑھانے رنن، دنیا نی اس قدیم ترین درسگاہ نے قیام ناں زمانہ ۲ صدی ق م دساوینا وے تے اس نے کھنڈر ناں تعلق ۵۰۰ ق م اے۔ اس درسگاہ نی پہلی منزل اُتے ۲۸ کمرے اُن۔ دوئی منزل اُتے بھی اسی نقشے نے مطابق ۲۸ کمرے اُن جنہاں وچ مذہب، فلسفے تے روحانیت ناں علم حاصل کرنے آ لے طالب علم رہنے ہئے۔ انھاں رہاشی کمریاں نیاں چھتاں قائم نیں ریاں ون برے کدھاں جے بی کجھ سلامت اُن۔ جولیاں نی خانقاہ چ درسگاہ نے رہنے آ لے طالب علماں نے کمریاں تے انھاں نے نہانے آ لے تلاب توں کجھ دور اس درسگاہ ناں ہک مرکزی اسٹوپا ہیا جس نے سچے کجے بدھ بھکشو تے طالب علم عبادت کرنے ہئے۔ اس مرکزی اسٹوپے نے اگے چھ ۲۱ نکے نکے اسٹوپے ہئے جنہاں واں کئی ہزار سال گزروینے توں بعد بی ایڈھا نقصان نیں پوہنچا۔ ای درسگاہ دنیا چ قدیم ترین درسگاہ وے جہیڑی بدھ مت تے گندھارا تہذیب نی تاریخی تے

ثقافتی حیثیت نے نال اس دورنی لسانی تاریخ نی بی عکاسی کرنی۔

موہرا مرادوناں کھنڈر ترے حصیاں چ اے۔ درسگاہ، وڈا اسٹوپا تے نذرانے¹ ناں اسٹوپا۔ قدیم درسگاہ چ طالب علماں نے کئی کمرے اُن جھیرے ہک مرکزی تلاب نے آچھپیرے ون۔ ای تلاب ڈیڑھ دو فٹ ڈنگاں وے جس چ بارش ناں پانی چھتاں توں لکڑی نے پرنا لیاں چوں سیدھا تلاب چ آناے۔ خیال اے جے تلاب ناں ای پانی مذہبی مقصد آسے استعمال کیتا وینا ہیا۔ تلاب چ لہنے آسے چواں پاسے پوہڑیاں وُن۔ ای درسگاہ دو منزلہ ہئی تے دوئی منزل تک وینے آسے پوہڑیاں کمریاں چوں اُتے وینیاں ون۔ اس درسگاہ نے ویہڑے چ تے طالب علماں نے کمریاں چ بہوں سارے بدھ نے بُت ہئے۔ موہرا مرادوناں ای کھنڈر سرسکھ شہر نے کولوں میل ڈیڑھ نی دوری تے ون۔ ای کھنڈر کشن دور نال تعلق رکھناے۔

پاننی:

شمالی ہندوستان چ آریاں نے آنے توں بہوں بعد چوں جدوں سنسکرت مقامی زبان ناں اثر قبول کرنے نے وچ پیش پیش ہئی تے پتھلی، یاسک، شکا کین تے پاننی جے سنسکرت تے عالماں اپنے اپنے دور چ اس زبان نے گرائمری اصولاں دیں توجہ کیتی۔ انھاں عالماں نے دور آں عام طور چ کلاسیکی سنسکرت نا دور آکھا ویناے۔ انھاں عالماں اتھے نی مقامی زبان ناں پراکتاں ناں دتا۔

اس بارے چ ماہرین لسانیات ناں آکھنا وئے جے پالی تے دوئیاں پراکتاں حقیقت چ سنسکرت نی پیداوار نیں بئی گل ای وے جے ای پراکتاں یعنی مقامی بولیاں آریاں توں بی صدیاں پہلوں سندھ تے پنجاب چ بولی وینیاں ہیاں۔ اتھے سنسکرت نے کسی عالم نے ذکر ناں کوئی خاص مقصد نیں برے پاننی ناں ذکر اس آسے

ضروری اے جے اسی علاقے وچ بیہ کے اُس سنسکرت فی گرامر لکھی ہی، پانی لسانیات ناں ہک ابجاءا سکالر ہیا جس ناں شمار سنسکرت لسانی صرف و نحو نے ماہر عالماں چ ہونائے۔ اس فی جم نے بارے چ آکھا وینا بی گندھارا تہذیب فی ٹیکسلاراج دھانی نے علاقے (حال کیمبل پور، اٹک) چ دریائے سندھ (اٹک) نے کنارے کسی گرامیں چ جما تے ۴۵۰ توں ۵۲۰ ق م جیا وے۔ اس نا تعلق ٹیکسلانی قدیم یونی ورٹی نال جوڑا وینا ئے۔ کئی اس فی جم آں حال ضلع صوابی نال جوڑنے ون۔ کدے ای علاقہ پرانا لاہور اکھوانا ہیا۔

پانی فی کتاب ”اشٹ ادھیائی“ (Ashtadhyayi) آں سنسکرت گرامر نے حوالے نال خاص اہمیت لہی اے جس وچ سنسکرت گرامر نے ۳۹۵۹ قواعد لکھے گئین۔ ای پانی ناں بنیادی کام مئی وینی اے اس کتاب ناں انکشاف لسانیات نے یورپی سکالراں انویں صدی چ کیتا تے پانی فی لکھتاں نے یورپ چ ترجمے کیتے گئے۔ پانی لسانی صوتیات، لسانی صوتیاتی ساختاں تے لفظاں فی ساختاں نے بارے جامع تے سائنسی نظریہ پیش کیتا ئے۔

”اشٹ ادھیائی میں پانی نے مقدس صحائف کی زبان اور روزمرہ کی زبان کے درمیان فرق واضح کیا۔ سنسکرت کی صرف و نحو تصریح کے لیے تعریفات اور قواعد بیان کیے گئے ہیں۔ تقریباً ۱۷۰۰ اسم، فعل، حروف عطف اور ساکنات کتاب میں پیش کیے گئے ہیں جنہیں پھر مختلف درجوں میں تقسیم کیا گیا ہے۔ جملوں کی ساخت و برداخت اور مرکب اسموں کا استعمال ویسا ہی وضع کیا گیا ہے جیسا ان کا استعمال آج بھی رائج ہے۔ سنسکرت کی صرف و نحو کی تنظیم و ترتیب نے سائنسی استعمالات کے لیے اس زبان کی موافقت میں غیر معمولی اضافہ کیا۔ ۱۴ سوتروں کی مدد سے پانی نے سنسکرت زبان کی صرف و نحو کا مجموعی ڈھانچہ تیار کیا جس میں آئندہ تقریباً دو ہزار برسوں تک کوئی بنیادی تبدیلی نہیں ہوئی۔ سنسکرت زبان کی لسانی

ترتیب و تنظیم کا ایک بالواسطہ نتیجہ یہ ہوا کہ بعد کے زمانوں میں اس زبان میں ریاضیات اور سائنس میں پیش رفت ہوئی اور ان سے متعلقہ تحریروں میں غیر معمولی اضافہ ہوا۔^[۱] یونان میں ریاضیاتی مسائل، عروج فلسفہ کے زمانے میں علمی مباحث کا حصہ بنے اور علم کی ایک شاخ کے طور پر سامنے آئے۔ جبکہ برصغیر میں یہ علم سنسکرت زبان کی صرفی و نحوی پیش رفت کے نتیجہ میں نمود پذیر ہوا۔ قدیم تہذیبوں میں ریاضیاتی علم کا آغاز جمع تفریق کے طریقہ ہائے کار کی صورت میں ہوا۔ مختلف لکیروں کی صورت میں اعداد ظاہر ہوئے جنہیں مختلف نام اور اشارے تقویض کیے گئے یا پھر الفاظ ان سے منسوب کیے گئے۔ جیسا روم کی تہذیب میں رونما ہوا۔ ابتداً فصلوں اور اناج کی پیداوار اور اس کے ذخیرے کی صورت عددی نظام اختراع کرنے پر انسانوں کو مجبور کیا۔ کھیتوں کی مربع اور مستطیل صورتوں نے ریاضیات میں ان شکلوں کے لیے راہ بنالی۔ ریاضیات کے ساتھ جغرافیہ اور جیومیٹری کے علوم کو بھی فروغ حاصل ہوا اس ضمن میں اولین پیش رفت مصری تہذیبوں میں دکھائی دیتی ہے لیکن یہ آریائی ہی ہیں جنہوں نے ریاضیات کو منظم قواعد کی صورت دے کر علم کی ایک شاخ کا درجہ دیا۔ پانی اس منزل میں ایک اہم شخصیت کے طور پر سامنے آیا کیوں کہ اس نے اس ضمن میں جو اصول وضع کیے ان کے اثرات طویل زمانوں تک ان علوم کی پیش رفت میں اہمیت کے حامل رہے۔۔۔ جان بیکس نے ۱۹۵۹ء میں اپنے طور پر ”بیکس فارم“ وضع کی لیکن پانی کا اس سے دو ہزار سال سے بھی پہلے پیش کیا گیا لسانیاتی علامت کا ضابطہ بیکس کے ضابطے کے مماثل ہے۔ دونوں میں بہت سے اشتراکیت تلاش کیے جاسکتے ہیں یہ امر غیر معمولی ہے کہ موجودہ کمپیوٹر کے بنیادی نظریات دو ہزار پانچ سو سال قبل پانی نے لسانیات سے متعلق اپنے نظریات میں رکھ دی تھی۔“

اُتے بیان کیے گئے خطہ پوٹھوہار تے گندھارا تہذیب نے مختصر جے تعارف توں ای اندازہ لایا ونج سکنا بئی اس خطے نی کروڑاں سالہاں نی تاریخ آں کنگھال کے کسی حمی نتیجے تے پوہنچنا جے اس خطے نی سب توں قدیم زبان کھیڑی ہئی بہوں اوکھاتے ناممکن جیا کم اے برے اسی کدے اس خطے نی تاریخ آں تے ماہرین لسانیات نی تحقیق آں سامنے رکھ کے شمالی ہندوستان نی زبانوں نی گل کراں تے اسوں ای پتہ چلنا بئی برصغیر نے شمالی حصے نی زبانوں نے حوالے نال مختلف نظریے قائم رکین۔ گل ای وے بئی اج توں کوئی ساڈھے ترے چار ہزار سال پہلوں جدوں آریائی شمالی ہندوستان چ وڑے تاں اس ویلے اتھے کئی قبیلے آباد ہئے۔ جنوں نی زبانوں وں مردھراواک، ناگ بانی، اسر بھاشا، ملیچھ بھاشا تے کئی ناں دتے گئے بعد چوں جدوں آریائی قبائل اپنے پیرجمائے تے سنسکرت نے مقابلے چ اتھے نی دیسی زبانوں وں پراکرت تے اپ بھرنش ناناں دتا گیا جنہاں نیاں کئی شاخاں دسیاں گئیاں۔

سنسکرت آں دیسی زبانوں نی بنسبت مذہبی تے بالائی طبقے نی سرپرستی رہی جس نی وجہ توں ای زبان ہک مدت تک اپنی حاکمیت قائم رکھنے نے جتن کرنی رہی برے وت بھی ای آپے آں دیسی زبانوں کولوں نا بچا سکی تے دیسی زبانوں نے بتیرے لفظ آپے چ رلا گھدس۔ آریائیاں نی حاکمیت نے باوجود پراکرتاں یعنی دیسی زبانوں اپنی اصل آں قائم رکھنیاں ہوئیاں ویدی، سنسکرت، پالی تے دویاں زبانوں نے اثرات آں ضرور قبول کیتا پر اپنے وجود آں اکا ختم نہیں ہون دتا۔ برصغیر چ جدوں مسلماناں نی حاکمیت قائم ہوئی تاں سنسکرت ہک زندہ زبان نے طور تے ماضی ناں حصہ بن کے رہ گئی تے مقامی زبانوں اگے ودھنے ناں موقع ملا۔

انگریزاں نے آنے توں بعد جدوں مغربی تاریخ دانوں تے لسانیات نے سکالراں

اتھے فی مقامی زباں چ دلچسپی گھننیاں ہو یاں مطالعہ کیتا تے اُنھاں اس گل ناں پتا چلائی
ہندوآں فی قدیم مذہبی زبان سنسکرت چ یورپی زبان نے بہوں زیادہ لفظ^{۱۱} پائے
وینین۔ اس توں کچھ مغربی ملکاں فی درس گاہواں چ سنسکرت تے شمالی ہندوستان سمیت
یورپی تے ایشیائی زباناں تے تحقیق ناں دور شروع ہو یا۔ اس ناں نتیجہ ای نکلا کہ شمالی
ہندوستان فی زباناں نے حوالے نال اس نظریے زور پکڑا کہ شمالی حصے فی زبان فی اصل
سنسکرت زبان اے۔ جس توں بعد وچ آنے آ لے زیادہ تر مغربی تے ایشیائی
اسکا لراں ناں بی نظریہ ایہا ریا جے ہندوستان چ زبان فی ابتداء ویدک بولی اے جس چوں
سنسکرت تے دوئیاں ہند آریائی بولیاں فی جم ہوئی۔ یورپی تے ہندی اسکا لراں فی وڈی
تعداد اسی نظریے اُتے پئی ٹر فی ایہی برے ہڑپہ، مونیجوڈو تے پوٹھوہار چ انسانی تہذیب
نے آثاراں فی موجودگی سابقہ ماہرین لسانیات نے اُس نظریے فی نفی کر چھوڑی تے ای
گل اچ نے ماہرین لسانیات بڑے دایئے نال کرنے ون بئی برصغیر پاک و ہند فی زبان
نیاں جڑاں ویدی یا سنسکرت چ نیس بل کہ اتھے نے مقامی قبیلیاں فی مقامی زبان چوں
پھوٹیاں جنہاں چوں اک پنجابی بی اے۔ جیوں جیوں دنیا چ موجود آثار قدیمہ نیاں
کھدائیاں ہونیاں گئیں اوہجوں اوہجوں انسانی تاریخ تے تہذیب فی تحقیق ناں دائرہ ودھنا
گیا۔ لسانیات نے تحقیق کاراں تے ماہراں آپنے آپنے انداز چ ایشیائی تے مغربی زباناں
نا مطالعہ کیتا تے آپنے طور تے ٹھوس ثبوت تے دلیلاں پیش کر کے آپنے نظریے ناں پک
کرنے نے جتن کیتے۔ پاکستان چ بی اس سابقہ نظریے نے خلاف کئی اوازاں سر
چایا جنہاں وچ محمد آصف خان تے عین الحق فرید کوٹی جے ناں بی شامل ہئے۔ اس بارے چ
محمد آصف خان اوراں ناں ہک مضمون ”پنجابی زبان کے اجزائے ترکیبی“ ۲۷ ستمبر ۱۹۵۹ء
آں روزنامہ ”امروز“ لاہور چ چھپا جس چ اور لکھنے ون:

”ماہرین لسانیات نے دنیا کی زبانوں کو نو خاندانوں میں تقسیم کیا ہے۔ ان میں انڈو یورپین سب سے بڑا خاندان ہے۔ جس میں یورپ اور ایشیاء کی مشہور زبانیں مثلاً سنسکرت، لاطینی، فارسی، انگریزی، جرمن وغیرہ شامل ہیں۔ پنجابی زبان کو انڈو یورپین خاندان کی ہند آریائی زبان کہا جاتا ہے۔ اس مضمون میں ہم یہ جائزہ لیں گے کہ آیا پنجابی زبان خالص ہند آریائی شاخ سے تعلق رکھتی ہے یا اس میں دوسرے خاندانوں کے اجزاء بھی ملتے ہیں۔۔۔ جب تک کسی ملک کی تاریخ پیش نظر نہ ہو، یہ جائزہ لینا محال ہے۔ رگ وید کے مطالعہ سے پتہ چلتا ہے کہ آریاؤں کی آمد سے قبل سپت سندھو (مغربی پاکستان) میں کچھ اور قومیں آباد تھیں، جن کے لیے ویدوں میں دسیو، اسر، نشادھ، پشاج، اور را کھشش وغیرہ کے الفاظ ملتے ہیں۔ یہ بھی ہمیں بتایا گیا ہے کہ وہ عجیب زبان بولتے تھے۔ ان کے رسم و رواج آریوں سے قطعاً مختلف تھے۔ وہ قربانی نہیں دیتے تھے اور نہ دیوتاؤں کی پرستش ہی کرتے تھے۔ گزشتہ چالیس پچاس برس میں ہڑپہ، موہنجو دڑو، کوٹ ڈیجی میں جو کھدائیاں ہوئی ہیں، ان میں سے بھی اس نظریہ کو تقویت ملتی ہے کہ آریاؤں کی آمد سے پیشتر یہاں کچھ اور قومیں آباد تھیں۔ یہ دوسری بات ہے کہ آریاؤں کی برتری ظاہر کرنے والے کچھ عالم ان دینوں کو بھی آریائی تہذیب کے نمونے ثابت کرنے کے طلبگار ہوں لیکن اکثر اصحاب کا خیال ہے کہ اس تہذیب کے بانی دواڑیا ان کے پیشرو تھے۔) بہر حال رگ وید کو احاطہ تحریر میں لانے سے پیشتر آریہ لوگ کبھی (کامل)

سوستو (سوات) کرمو (کرم) کومتی (گول) سندھو (سندھ) سوس (سواں) وتستا (جہلم) سکئی (چناب) سکئی (چناب) پرشئی (راوی) شندری (ستلج) اور گنگا جمنا کی وادیوں میں قدم جما چکے تھے۔۔۔ موجودہ حالات میں حتمی طور پر کچھ نہیں کہا جاسکتا کہ آریوں کی آمد سے قبل ہمارے علاقہ کی کون سی زبان تھی کیونکہ ہڑپہ اور موہنجو دڑو سے دریافت شدہ تحریریں ابھی

تک نہیں پڑھی جاسکیں۔ لیکن مندرجہ بالا تاریخ کی روشنی میں ہم یہ نظریہ ضرور قائم کر سکتے ہیں کہ جو بھی زبان یہاں بولی جاتی تھی، اس پر علی الترتیب منڈا، دواڑی، سنسکرت، سیٹھیں، پہلوی، عربی، فارسی، پشتو اور انگریزی زبانیں اثر انداز ہوئیں۔“

محمد آصف خان اوراں نے اس مضمون توں بعد اس سابقہ نظریے نی نفی کرنے ہویاں عین الحق فرید کوٹی اوراں بی اواز بلند کیتی تے پہلی واری ”پنجابی زبان دیاں جڑاں“ نے نائیں نال انھاں نال مضمون ماہنامہ ”پنجابی ادب“ اکتوبر ۱۹۶۰ء چچ چھپا جس نال حوالہ انھاں اپنی کتاب ”اردو زبان کی قدیم تاریخ“ چچ بی دتاتے ای انھاں نی سابقہ نظریے نی رد چ پنجابی زبان چچ پہلی تحقیقی کوشش ہی اس مضمون چچ اوہ لکھنیں ون:

”پنجابی زبان دا سنسکرت دی لڑی دیسا جانا کوئی انوکھی گل نہیں سی کیوں بے اج توں تھورا چر پہلاں ساڈے دیس دی تاریخ آریاں دے پلے توں شروع ہوندی سی اتے ایس توں پہلاں حال دا کجھ اتنا پتا نہیں ملدا سی۔ ایس لئی جدوں وی کوئی ودوان ایس زبان دے مڈھ بارے کھوج لاون دا جتن کرداتاں اوہ آریاں دے پلے تے آکے رک جانداسی پرہن زمانہ بدل چکیا اے۔ پرانے کھنڈراں دی کھوج بھال کرن والیاں دیاں کدالاں نے کوٹ ڈیجی، موئن جو دڑواتے ہڑپہ دے پرانے شہراں دے منھ متھے توں زمانے دی مکڑی دے بنے ہوئے گھنے جالیاں نوں لاسٹیا اے۔ پرایہہ آریاں توں پہلاں دے وسنیک بولی بولدے سن اے تیکر ایس گورکھ دھندے تے ہڑپہ اتے موئن جو دڑو توں ملن والیاں گونگیاں مہراں دے جندرے وے ہوئے نیں۔ میں اے کہواں گا بئی مہراں تے کجھ بی لکھیا ہووے پر ساڈے ساہمنے اوس زبان دا کھوج لاون لئی اک دوسرا راہ وی کھلا ہوئی اے اتے او اے ساڈی اپنی زبان جھیدے وچ اے تیکر اوس بیتے سمے دیاں نشانیاں باقی ہن۔“

عین الحق فرید کوٹی، اردو زبان کی قدیم تاریخ، ۱۹۷۲ء ص ۶۰

انہاں مضموناں نے چھپنے توں بعد دور نیڑے نے علمی حلقیاں چج ہک نویں بحث شروع ہوئی جیہڑی اس مضمون نی کامیابی دسی گئی۔ مضمون نگار اردو تے پنجابی نے کجھ لفظاں ناں دواڑی زباناں نے حرفاں نال تقابلی جائزہ پیش کیتا صرفی تے نحوی مماثلت ناں ذکر کرنیاں ہویاں دسا کہ پنجابی نی اصل دواڑی زبان اے سنسکرت نمین تے سنسکرت ناں کم بس ایہا کجھ ریا جے اساں لغوی طور تے بہوں متاثر کیتاں۔ اس توں کچھ کئی تحقیق کاراں سابقہ نظریے آں رد کرنیاں ہوئیاں ای دلیل پیش کیتی جے مشرق تے مغرب نے بعض تحقیق کاراں غلط فہمی ہوئی جے پاکستان تے شمالی ہندوستان نی زباناں ویدک یا سنسکرت چوں نکلیاں ون حلاں کہ آریاواں توں پہلوں اتھے، منڈا تے دواڑی قبائل آباد رہیں جنہاں ناں واسطہ باہروں آنے آ لے آریاں نال پیا۔ تحقیق کاراں ناں ای بی آکھنا وے بئی وادیء سندھ چ دواڑی زبان نی باقیات چج براہوئی زبان ناں جینا جا گنا ثبوت موجود اے۔ ماہر لسانیات نے خیال چج بھی براہوئی نی تاریخی اہمیت دواڑی النسل ہونے نی وجہ توں ای اے تے آریاں جدوں وادی سندھ تے چڑھائی کیتی تے مقامی آبادی نی اکثریت انہاں نے ہتھوں قتل ہوئی۔ جینے بچ وینے آلیاں چوں گجھ اتھے ای رے کجھ جنوبی ہندوستان دسے ٹر گئے تے کنیاں قلات چ ڈیرے ونج لائے۔ اتھے رہنے والے مقامی لوکاں نی زبان نے اثرات بعد چوں آنے والے آریائی قبیلیاں قبول کیتیں تے اسی نے نال نال کسی حد تک انہاں مقامی زبان آں بی متاثر کیتا۔

رادھا کمود مکرجے ہندو تاریخ داناس گل آں آپے بی منے ون جے ویداں نی زبان کلاسیکی سنسکرت، پرکرتاں تے شمالی ہندوستان نی زباناں چج دواڑی عنصر موجود اے۔ مطلب جدید تحقیق چج ای گل ثابت ہوئی جے آریاں توں پہلوں اتھے منڈا تے

وت دواڑی قبیلے موجود ہے جنہاں نی زبان منڈا تے دواڑی ہئی۔

آریاں اپنے نال ویدک سنسکرت آندی جس چ ریگ وید، اتھروید، یجر وید^{۱۱} تے سام وید لکھے گئے۔ سندھ نی قدیم تہذیب توں بعد اتھے آریائی تے کئی ہور نسلاں وارد ہوئیاں جس ناں اثرای ہوئیا ہئی سنسکرت، پالی تے کئی بعد چوں آنے والے قبیلیاں نی زبان نے لفظ بھی پنجابی تے اس نی ذیل چ شامل کیمپلوری چھا چھی تے دویاں بولیاں چ شامل ہونے گئے۔

عین الحق فرید کوٹی تے محمد آصف اوراں نے نظریے نی اصل ہکای ہئی ہئی شمالی ہندوستان نی زبانان نی اصل سنسکرت نیں بل کہ دیسی زبان اے پر انھاں دوہاں ناں آپس چ بنیادی اختلاف ای ہیا جے عین الحق فرید کوٹی شمالی حصے نی زبان آں دواڑی النسل قرار دینے ون جد کہ محمد آصف خان اور ناں نظریہ ای وے جے انسان دنیا اُتے جدوں پہلی واری بولنا شروع کیتا تے اُس نی زبان پنجابی ای ہئی۔ اس بارے چ اوہ اپنی کتاب ”پنجابی بولی دا پچھو کڑ“ وچ لکھنیں:

”سبھ توں پہلی وار میں اپنے اک مضمون ”پنجابی ادب دے اجزائے ترکیبی“ روزنامہ امروز ۲ ستمبر ۱۹۵۹ء اتے وت پنجاب یونیورسٹی دے ”اردو دائرہ معارف اسلامیہ“ (کراسہ نمبر ۱۱ صفحے ۶۶۳-۶۸۴) رائیں لکھیاں نوں ونگار یاسی اتے نویاں لیہاں تے ٹرن لئی پریر یاسی۔ میریاں سُجھائیاں لیہاں اُتے ای ٹردیاں اوہناں نے آپنی بہوں ملی کتاب ”اردو زبان کی قدیم تاریخ“ لکھی سی۔ پر اے کتاب وڈے دھیان نال پڑھن دی لوڑ ہے کیوں جے عین الحق فرید کوٹی نے ہندی تے سنسکرت دیاں ساریاں کتاباں تے اوہناں تے اوہناں دے لکھاریاں دے ناں اُکے غلط لکھے ہن۔ ایس توں وکھ میری تے اوہناں دی سوچ وچ اک مڈھلا فرق ایہہ ہے کہ اوہ پنجابی نوں دواڑی ٹبر دی بولی

مندے ہن جد کہ میری جاچے انسان نے پنجاب دی دھرتی اُتے پہلی وار جدوں بولنا شروع کیتا تاں اوہ پنجابی بولی وچ ای سی۔ جیویں جیویں ویلا لنگھدا گیا، وکھ وکھ لسانی گروہاں نال تعلق رکھن والے قبیلے اتھھے آوندے رہی، جیہناں دی لفظی مقامی بولی نوں متاثر کردی رہی۔ منڈا، دواڑ، آریہ تے ہور کئی نسلی گروہ اتھھے آئے، جیہناں نے پنجابی بولی دی لفظی دا بھنڈا بھریا۔“

محمد آصف خان، پنجابی بولی دا پچھو کڑ، جون ۱۹۹۶ء لاہور

اس نکے جے اقتباس وچ ای محمد آصف خان اوراں آپنی ساری گل رکھ چھوڑی اے جس فی تفصیل وچ ونج کے اُنھاں جتھے آریہ توں پہلے نے قبیلیاں نے وسیب تے زبان بارے دس پائی اے اُتھے شمالی ہندوستان فی زبان بارے پرانے تے جدید اسکالراں نے نظریے آں پیش کر کے ای گل ثابت کرن فی کوشش کیتی اے جے اُنھاں عالماں نے چھڑی مُڑی لفظی سانجھ پچھوں شمالی حصے فی زباناں ہند آریائی ٹبرنی بولیاں قرار دینے رَئین جد کے صرفی تے نحوی اعتبار نال ویدی یا سنسکرت فی پنجابی نال کوئی سانجھ نہیں تے ناں ای لسانیات نے ماہرای گل مننے ون۔ ہاں البتہ ای ضرور اے جے کڑواں سالاں توں اتھے وسن آلیاں نسلی گروآں فی زبان نے لفظ پنجابی شامل ہونے رَئین اسی کدے گندھارا فی قدیم تہذیبیاں دئیں ویکھاں تے اتھے خروشی، پالی، سنسکرت رسم الخط وچ تحریراں ملنیاں ون جے اسی کیمبل پوری چھاچی بولی نے لفظاں دئیں تکاں تے اساں واں منڈا، دواڑی، پالی تے سنسکرت وچ کئی ایچھے لفظ لہو وینین جیہڑے چھاچھی وچ اُنھاں معنیاں وچ مستعمل اُن۔ برے سب توں ودھ لفظ منڈا تے دواڑی زباناں وچ لہھنے ون۔ مثلاً

منڈاری:

کنڈ، جانگ، گھری، نتھ، انگا، لپ، مینڈھی، پنڈا، تسلا، چٹا، پیٹی، ڈھیم، دُھوڑ

، ڈانگ، ناڑ، سوٹا، ڈندا، ٹنڈ، ہانڈی، چنگیر۔

دواڑی: شام، ول، کتن، موتی، اٹی، پگڑی، نیلا، کالا، پٹ، گھڈ، وغیرا۔¹¹

عین الحق فرید کوٹی اوراں پنجابی تے دواڑی زبان چ اضافی تے معنوی علامتاں نے اشتراک نیاں مثالیں دے کے ای ثابت کرنی کوشش کیتی اے جے پنجابی تے اس نے ذیل چ آن آلیاں زبانان دواڑی ٹبرنال ای تعلق رکھنیاں ون۔ اُنھاں ناں آکھناں وے جے پوٹھوہاری تے ملتانی پنجابی نیاں دواہم شاخاں ون۔ خاص کر پوٹھوہاری آں مرکزی پنجابی نی بنسبت ای امتیاز حاصل وے جے ای کناریاں تے ہونے نی وجہ نال لسانیات نے بیرونی حملیاں توں کجھ بچی رہی۔ ایہا وجہ وے جے اس چ قدیم زبان نی جھلک نظری آنی۔ اوہ پنجابی تے دواڑی چ اضافی تے معنوی اشتراک نی مثالیں دینیاں لکھنے ون:

”پوٹھوہاری میں پنجابی زبان کی دیگر بولیوں میں مروج علامت ’اضافت‘ دا کے برعکس ’نا‘ کی علامت مستعمل ہے جیسے کہ رولاونا پنڈی (پنڈی والوں کا گاؤں)، ماہیے نا پکھی (محبوب کا پنکھا)۔ پوٹھوہار کے شاعر باقی احمد صدیقی (متون ٹیکسلا) کے پنجابی کلام میں بھی اس کی مثالیں ملتی ہیں جیسے کہ:

مینڈی اکھیاں نی لو

مینڈے دے لے ناقرار

مینڈے شملے نی چھاں

مینڈا ہارتے سنگھار

ترجمہ: تیری آنکھوں میں (محبت) کی چمک

میرے دل کا قرار

تیرے طرہ کی چھاؤں

میرا ہار اور سنگار

پوٹھوہار کا علاقہ گندھارا کی قدیم تہذیب کا مرکز بھی رہا اور مہاراجہ کنشک کے عہد میں¹¹ یہاں کے نوآباد کار فوجی خدمات، بدھ مت کی تبلیغ اور دیگر کاروباری سلسلوں کی بدولت یہاں سے نقل مکانی کر کے وسط ایشیا کی کشن سلطنت میں آباد ہو گئے تھے۔ یہی وجہ ہے کہ آج بھی روسی ترکستان کے علاقے سے دریافت ہونے والے گندھارا تہذیب کے آثار سے دستیاب ہونے والی خروشتی تحریروں میں ایسی علامت اضافت کے استعمال کا سراغ ملتا ہے۔ جیسے کہ شارسین نی پترابالا سین (شارسین کا بیٹا بالا سین)، پپیانی بھول پراسیہ (پپیانی کی زمین کے بارے میں)، سانگلانی کاچو تو ساچوری داگا (سانگلانی کی کاچو نو نے چوری کی)۔ دواڑی گروہ کی بعض زبانوں میں 'نا' (مادہ نون) بطور علامت اضافت مستعمل ہے جیسے کہ:

براہوئی: باسنی ناموسم: (باسنی: گرمی) گرمی کا موسم

سرواں نا بھلا سردار: (بھلا: بڑا) سرواں کا بڑا سردار

کناری: بیلگ اینا پتریک: (بیلگ: صبح۔ پتریک: اخبار) صبح کا اخبار ہنینا

توتا: (ہنو: پھل۔ اینا: علامت اضافت۔ توتا: باغ) پھلوں کا باغ ہڈ گینا

بجمانا: (ہڈگو: بحری جہاز۔ اینا: علامت اضافت۔ بجمان: مالک) ناخدا

تامل: پونن کڈم: (پون: پنا، سونا۔ کڈم: برتن) سونے کا برتن۔ اترن

کرتی: (اتر: دریا۔ کرتی: کنارہ) دریا کا کنارہ 'نا' کی علامت کا استعمال یہیں تک محدود

نہیں برصغیر کی کئی ایک دوسری زبانوں میں بھی اس کی مثالیں ملتی ہیں۔۔ دواڑی زبانوں میں 'نا'

کے علاوہ تا، ڈا، دا، اور را کے لاحقے بھی مختلف حالتوں میں اور مختلف زبانوں میں اضافی

علامتوں کے طور پر مروج ہیں جن میں کہ 'دا' کی علامت عمومیت کے ساتھ مستعمل ہے۔“

عین الحق فرید کوٹی، اردو زبان کی قدیم تاریخ، ۱۹۷۲ء ص ۱۷۴

عین الحق فرید کوٹی نے اس اقتباس آں ویکھنیاں نالے اس چ بیان کیے گئے باقی صدیقی نے شعراں ناں موازنہ کیمبل پوری نال کیتا ونجے تاں ای پوٹھوہاری ناہیں بل کہ کیمبل پوری ناں ای انگ اے۔ جد کہ خالص پوٹھوہاری تے کیمبل پوری نی ذیلی بولیاں چ بعض ضما، مفعولی تے زمانے نی مختلف حالتاں نے بیان چ بہوں سارا اختلاف اے۔ گندھارا نی قدیم ترین پٹی چھ تے کیمبل پورے چ علامت اضافت 'نا' مستعمل اے۔ جے اسی باقی اختلاف آں ہک پاسے رکھ کے عین الحق فرید کوٹی اوراں نی اس گل آں ہک منٹ آسے تسلیم کر گھنا جے خطہ پوٹھوہار نیاں اوہ بولیاں جنہاں چ 'نا' نی علامت اضافت ناں استعمال ہونائے اس کر کے اُنھاں چ مرکزی پنجابی نی بنسبت قدیم عنصر موجود اے جیوں دوہے ماہرین لسانیات بی اس گل ناں دعویٰ کرنے ون جے برہوئی زبان دواڑی النسل ہون نی وجہ نال اس نی باقیات چوں وے تے اس چ 'نا' نی اوہ علامت اضافت پائی وینی جس نال تعلق قدیم زبان نال تے وت اسی اے گل زور دے کے آکھ سکے آں بی کیمبل پوری پنجابی نا ابتدائی تے قدیم انگ اے تے اس ناں تعلق دواڑی ٹبر نال اے۔ پر کدے اسی محمد آصف خان تے نظریے ناں نچوڑ کڈھ کے انسانی تاریخ نی جدید ترین ریسرچ آں ساہمنے رکھ کے ویکھاں تاں وت ای گمان ہونائے جے خطہ پوٹھوہار تے کیمبل پورنی ای پٹی جیہڑا انسان ناں سب توں قدیم تے پہلا مسکن اے اتھوں ای پنجابی زبان نیاں جڑاں پھوٹیاں ون ای اس خطے نی بولی قدیم ترین بولی اے جساں ویس صدی چ وادی چھ نی مناسبت نال چھا چھی ناں وتا گیا جد کہ ای بولی صرف چھ چ نہیں (حال) تحصیل اٹک نے کنیاں گراواں بولی وینی اے تے جساں ہن کیمبل پوری بی سداوینا۔ اس زبان آں کئی تحقیق کار ہندوی یا ہند کو بی آکھنے رئے تے اس ناں زمانہ کئی ہزار سال قدیم

دسنے ون۔ دراصل ای زبان چھاچھی اے جہڑی گندھارانی پٹی شامل علاقے نی قدیم ترین بولی اے۔ کیمبل پوری ناں گھیبی لہجہ چھاچھی نی بنسبت بیرونی لسانی اثرات^{۱۱} چ ریا اس آسے گھیبی بولی اُتے اعوان کاری، دھنی تے لہندا نے ملے جلے اثرات ضرور اُن برے ای کیمبل پوری نی ذیل چ بولی وینے آلی گھیبی ای سدی وینی اے۔

پنڈی گھیب ضلع اٹک کی ہک موجودہ تحصیل اے۔ اٹھارویں صدی چ ای علاقہ ریاست پنڈی گھیب اکھوانا ہیا۔ رقبے نے لحاظ نال ہک وڈی ریاست ہئی تے آس پاس نیاں ریاستاں چ خاص مقام رکھنی ہئی۔ باہتر تے فتح جنگ بھی اس ریاست نے حصے ہئے۔ شمال دیکس اس نے حد کالا چٹا پہاڑ تک ہئی۔ جنوب مشرق چ چکوال ناں بہوں سارا علاقہ اس ریاست چ شامل ہیا۔ مشرق چ اس نی اخیر لی حد چونترہ ہئی۔ جنوب مغرب چ لاوہ، دندہ شاہ بلاول کوٹ گلہ تے کئی ہور علاقے اس ناں حصہ ہئے۔ مغرب چ جنڈ، تراب تے اس نے آس پاس نے علاقے شامل ہئے۔

پنڈی گھیب نی تاریخ صدیاں پرانی وے۔ پنڈی گھیب توں کچھ میل دور میرا شریف چ بدھ مت نے آثار لبھنے ون۔ پنڈی گھیب چوں پتھر نے زمانے نے انسانی ڈھانچے نے آثار بھی لبھے ہئے۔ شروع چ اتھے مختلف قبیلے آباد رہیں جنہاں نے سردار مغل حکمران بابر نے غلبے توں بچنے آسے حملہ آوراں باز تے گھوڑیاں نے تحفے بھیجنے ہئے جس توں اُن انھاں قبلیاں اُتے مہربان ٹکے رہنے ہئے۔ اس علاقے چ جنجوعہ قبیلہ بہوں زور آور ہیا۔ انھاں نے زور آں کھڑاں مکایا۔ اس توں پچھے اعوان، جودھڑے تے گھبے آئے۔ مغلاں نے ابتدائی دور چ بھی اتھے نے قبیلے آپس چ لڑنے رئے تے تھوڑی ٹھوڑی مدت آسے اپنا غلبہ قائم رکھا۔ ۱۵۱۹ء جدوں بابر بھیرہ توں کابل واپسی تے اس علاقے چوں لنگھاتے پنڈی گھیب اس جاہگاں تے اباد نہیں ہئے جتھے ہن ای شہر اباداے

اُس ویلے ای ابادی دریائے سواں نے کنڈھے تے اباد ہئی۔ گھپے تے جو دھڑے اس علاقے نے اہم قبیلے ون جنہاں نی تاریخ نے بارے چ بہوں کجھ لکھا گیا۔ پنڈی گھیب نا ناں اسی وجہ توں پیا بعد چوں اس علاقے نی بولی ناں بھی اسی مناسبت نال گھیبی پیا۔

”پنجاب میں اردو“ چ حافظ محمود شیرانی اوراں نا آکھناں وے جے مغربی تاریخ دانان پنجابی آں دو حصیاں چ تقسیم کر دتا۔ مشرقی حصہ نی زبان ناں ”پنجابی“ تے مغربی حصہ نی زبان آں ”لہندا ناں“ دتا گیا۔ سابق ڈپٹی کمیشنر اٹک سی سی گار بیٹ نی کتاب ”اٹک گزیٹیئر“ ۱۹۳۰ء نے مطابق کیمبل پورے نی بولی آں ڈاکٹر گریسن ”لہندا“ ناں دتا۔ اس چ ای بھی دسا گیا جے اس ضلع نی زبان راوِلپنڈی تے جہلم نے علاقیاں چ بولی وینے آلی پوٹھوہاری لہجے توں وکھری اے۔ کیمبل پورے نی ای بولی چھ تے اٹک نے کنیاں گراواں چ ہکی لہجے نال بولی وینی اے۔ گندھارا تہذیب نی پٹی چ شامل چھ تے اس علاقے تے بولی نی تاریخی حیثیت توں انکار نہیں کیتا ونج سکناے۔ سابقہ بحث آں ساہمنے رکھنیاں میں اسی نتیجہ تے پونچا جے کیمبل پوری چھا چھی بولی پنجابی ناں قدیم ترین تے ابتدائی انگ اے، نالے ہندوستان چ مسلماناں ناں استقبالی علاقہ تے حملہ آوراں نی گزر گاہواں نی وجہ توں اردو نال اس نے لسانی تے اشتراکی پہلو نمایاں ون۔ ای وکھری گل اے جے زبانان ہکی دوہے کولوں استفادہ کرنی ون جس نی وجہ توں ہک زبان نے لفظ دوئی زبان چ رل مل وینین جیوں چھا چھی چ بی یونانی تے کئی دویاں زبانان نے لفظ مل وینین۔

مقامی بولی نی ذیل چ چندالی، گھیبی، جنگلی تے چھا چھی لہجے شامل اُن برے اسی کدے انھاں لہجیاں نی ونڈ کراں تاں وت چھا چھی تے گھیبی لہجے نی پورے ضلع توں ہٹ کے آپنی وکھری شناخت اے باقی ضلع نی زبان گھیبی تے چھا چھی نارلا ملا انگ اے جس چ چندالی لہجہ گھیبی نے زیر اثر اے تے جنگلی انھاں دوہاں نال لہجیاں نے زیر اثر اے۔

لسانی تے ادبی لحاظ نال اس ضلع نی سب توں امیر بولی چھا چھی اے۔ گندھارا نی پٹی چ شامل چھھ نے اس علاقے آں ہندوستان نی تاریخ چ بہوں اہمیت رہی۔ شمالی ہندوستان نے قدیم قبائل نے دور نیاں جنگاں توں گھسن کے مغلاں نے عہد تک اس علاقہ آں راہے آسے استعمال کیتا وینا ریا۔ سلطان محمود غزنوی تے راجہ انند پال ناں جنگی معرکہ، سکھ تے افغاناں نی لڑائی، نقلی شاہ شجاع نی کامل خاں نال خونی لڑائی بی علاقہ چھھ نے میداناں چ لڑی گئی جس ناں ذکر تاریخ نیاں کنیاں کتاباں چ موجود اے۔

چھھ نے نائیں نے بارے چ مختلف تحقیق کاراں اپنے اپنے نظریے قائم کیتے ون۔ زیادہ تر نے خیال چ اس علاقہ نی زمی دلدلی ہون نی وجہ نال اس ناں چھھ رکھا گیا کیوں جے یونانی زبان چ چھھ ناں مطلب دلدلی زمی بناوے۔ سکندر خان نے مطابق روالپنڈی گزیٹیئر ۹۲-۱۸۹۳ چ چھھ آں پشتو نے لفظ چ نال جوڑا گیا جس ناں مطلب جزیرہ یا دلدل بنا ہیا۔ غرض ای بی پرانے وقتاں چ چھاج، چج، چھاپ یا شش جے لفظاں توں چھھ بن گیا۔ کنیاں ناں ای آکھناوے جے سکندر اعظم جدوں دریائے سندھ آں پار کر کے اس علاقے چ قدم رکھا ہیا تاں اس ناں شش پیا جو بعد چوں چھھ بن گیا۔

انک گزیٹیئر ۱۹۳۰ء چ دسا گیا بی آثار شناساں نے مطابق اس ناں چھکشا (chuksha) ہیا تے ای پہلی صدی عیسوی چ ٹیکسلانی سلطنت چ شامل ہیا تے کئی صدیاں تک اسی سلطنت ناں حصہ ریا جس ناں جدید ناں ہن چھھ اے۔

پنجابی زبان تے کم کرن والے کھوجیاں اس بولی چھاچی نے حوالے نال کئی مفروضے قائم کیتے۔ محمد آصف خان، ڈاکٹر شہباز ملک، ڈاکٹر احمد حسین تے سلیم خان گھمی جے لسانیات نے ماہراں بی بہوں غلط تے غیر مصدقہ اندازے لا کے چھا چھی بولی نے نویکلے انگ تے اس نی اہمیت آں سمجھنے چ کئی غلط فہمیاں پیدا کیتیاں ون۔ انھاں

ساری غلط فہمیاں فی ردچ ڈاکٹر ارشد محمود ناشاد اوراں علامہ اقبال اوپن یونیورسٹی نے ایم فل سطح نے نصاب آسے ہک بھرواں مقالہ لکھ کے چھاچھی بولی ناں لسانی تے ادبی جائزہ پیش کیتا۔ جس چچ اُنھاں علاقہ چھچھ نی تاریخی اہمیت تے پس منظر نے نال قدیم گندھارا تہذیب فی راج دھانی نے علاقے چوں پھٹن آلی چھاچھی بولی نے آس پاس نیاں دوئیاں بولیاں پوٹھوہاری تے ہندکو نے چھاچھی بولی نال اختلافی تے اشتراکی پہلو آں اُتے تفصیلی گل بات کر کے چھاچھی بولی نے نویکلے انگ ناں اُنھاں بولیاں کولوں نکھیرا کر کے دسا۔ ای کتاب کیوں جے گھیبی تے چھاچھی نے لکھاریاں ناں تذکرہ وے اس توں اتھے کتاب فی ضرورت آسے ڈاکٹر صاحب فی چھاچھی بولی چوں گھیبی تے چھاچھی نانکھیرا پیش کیتا وینا پیا جس نے بارے ڈاکٹر صاحب لکھنیں۔

”چھاچھی۔ گھیبی اختلافات:

۱۔ چھاچی میں ماضی بعید کی شناخت ہیا، ہئی، ہئے وغیرہ سے ہوتی ہے جب کہ گھیبی میں ایہا، ایہی، ایہے وغیرہ مستعمل ہیں۔ مثالیں دیکھیے:

چھاچھی: اوہ نساہیا۔ جاکت پڑھنے ہئے۔ اوہ روئی ہئی۔

گھیبی: ہونسا ایہا۔ جاتک پڑھنے ایہے۔ ہوروئی ایہی۔

۲۔ چھاچھی میں اسم اشارہ الف سے شروع ہوتا ہے جب کہ گھیبی میں ’ہ‘ سے۔
مثالیں دیکھیے:

اردو	چھاچی	گھیبی
یہ	ایہہ	ہی
وہ	اوہ	ہو

اس	اس	ہس
ان	ایہناں	ہناں
اُن	اوہناں	ہُنّاں
اسے	اسّاں	ہسا نہہ
اُسے	اُساں	ہُسا نہہ

۳۔ چھا چھی اور گھیبی بولیوں میں بعض ضما کر کا اختلاف پایا جاتا ہے۔ جیسے:

اردو	چھا چھی	گھیبی
ہمارا	ساڈا	اڈا
تیرا	تینڈا	توہنڈا
تمہارا	تُساں نا	تُنڈا
تمہیں	تُساں	تُسا نہہ
تجھے	تینوں	تُو آ نہہ
تُو	تُوں	تُدھ

۴۔ گھیبی بولی میں ماضی شکّیہ، ماضی تمنائی اور فعل حال میں فعل حال کے آخر میں اکثر 'الف' سے پہلے 'ی' کا اضافہ ہوتا ہے جب کہ چھا چھی میں یہ اضافہ نہیں ہوتا۔ جیسے:

ماضی شکّیہ:

اردو: اُس نے لکھا ہوگا۔ تُو نے پڑھا ہوگا۔

گھیبی: ہُس لکھیا ہوئی۔ تُدھ پڑھیا ہوئی۔

چھا چھی: اُس لکھا ہوئی۔ تُوں پڑھا ہوئی۔

۱۱

ماضی تمنائی:

اردو: وہ کھاتا۔ میں سمجھتا

گھیبی: ہو کھینا۔ میں سمجھینا۔

چھا چھی: اوہ کھانا۔ مائیں سمجھانا۔

فعل حال:

اردو: وہ گاتا ہے۔ میں سوچتا ہوں

گھیبی: ہو گینا وے۔ میں سوچینا واں

چھا چھی: اوہ گانا وے۔ مائیں سوچنا واں۔

۵۔ چھا چھی میں حروف تشبیہ ونگو، وانگن، ونگن، ونگوں استعمال ہوتے ہیں جب کہ گھیبی میں 'آ' حرف تشبیہ ہے۔ مثالیں دیکھیے:

چھا چھی: گھوڑے وانگن نسا۔ چنے ونگو سوہنا۔ توے ونگوں کالا

گھیبی: گھوڑے آرنساں۔ چنے آرسوہناں توے آر کالا

۶۔ گھیبی میں اڑلام (لام اور ژے کی مخلوط آواز) اکثر لفظوں میں شامل رہتی ہے جب کہ چھا چھی میں یہ صورت دکھائی نہیں دیتی۔ مثالیں:

چھا چھی: ہل۔ کھل۔ پنخالی۔ نالی۔

گھیبی: ہل۔ کھل۔ پنخانی۔ نالی۔

(اڑلام کی علامت 'ل' کئی پنجابی ماہرین لسانیات کی تجویز کردہ ہے)“

(ڈاکٹر ارشد محمود ناشاد، چھا چھی بولی، پنجابی ادبی سنگت اٹک، دسمبر ۲۰۰۴ء ص ۲۲)

جندالی بولی:

جندالی بولی تحصیل جند نیاں باراں تحصیلاں جند، چھب، لنگر، تراب، مکھڈ، تھٹھ، ناڑہ پنڈ سلطانی، بسال مٹھال، سکھری، کھنڈا تے جاباچ بولی وینی اے۔ اس بولی اُتے اس نیاں قریبی بولیاں گھیبی تے چھاچھی نے ملے جُلے اثرات اُن۔ گھیبی تے جندالی انھاں دوہاں بولیاں نے بہوں سارا اشتراک اے۔ جیوں

اردو	گھیبی	جندالی
یہ	ہی	ہی
وہ	ہو	ہو
اُس	ہُس	ہُس
انہوں نے	ہُناں	ہُناں
ہمارا	اڈا	اڈا
تیرا	توہنڈا	توہنڈا
تمہارا	یڈا	یڈا
تمہیں	توانہہ	توانہہ

ابھجوں ای انھاں دوہاں بولیاں گھیبی تے جندالی وچ ماضی مطلق، ماضی قریب، ماضی شکئیہ، ماضی تمنائی تے فعل حال چ فعل نے اخیر چ الف توں پہلوں 'ی' ناں اضافہ کیتا وینا وے۔ جیوں

ماضی تمنائی	ماضی شکئیہ	فعل حال
اردو	میں نے لکھا ہوگا	میں کرتا ہوں
گھیبی	میں لکھینا	میں کرینا

جندالی میں کھینا میں لکھیا ہوسی میں کرینا
ماضی بعید آسے گھیبی تے جندالی بولی چ اشتراک پایا وینا وے 'تھا' 'تھے' 'تھی' وغیرہ
آسے جملے نے اخیر چ ایہا، ایہی، ایسے ناں استعمال ہونائے جیوں۔

اردو وہ روتا تھا آمنہ پڑھتی تھی بچے بھاگتے تھے
گھیبی ہو رونا ایہا آمنہ پڑھنی ایہی جاتک نسنے ایسے
جندالی ہو رونا ایہا آمنہ پڑھنی ایہی جاتک نسنے ایسے
جد کہ گھیبی تے جندالی چ حروف تشبیہ نے معاملے چ جنڈنی پٹی چ شامل کچھ گراواں چ
اختلافی صورت موجود اے۔ بسال مٹھال، ناڑہ، پنڈ سلطانی، سکھری تے کھنڈا چ تشبیہ
آسے آنگن (آ-ن-گ-ن-ڑ) استعمال ہونائے مثال نے طور تے:

برف کی طرح ٹھنڈا شہد کی طرح میٹھا چاند کی طرح خوبصورت
برفاں آنگن ٹھنڈا ماکھو آنگن میٹھا چنے آنگن سوہنا
جد کے جنڈ تے اس نے قریبی گراواں چ حرف تشبیہ آسے 'اُن' (اُن-ن-ڑ) استعمال
ہونائے۔ جیوں

برف کی طرح ٹھنڈا شہد کی طرح میٹھا چاند کی طرح خوبصورت
برفاں اُن ٹھنڈا ماکھو اُن میٹھا چنے اُن سوہنا
جنڈالی بولی چ کچھ جملے ویکھو:

توانہہ سمجھیناں پیاں مینڈھی گل ٹڈی سمجھاں چ ننیں آونی
تھلائیں کیوں پے تکلینا مونہہ اُتائیں کر
کدائیں اڈے پے بی آونجوا

جندالی بولی چ جے تک کوئی ادب تے تخلیق نیس ہو یا برے جنڈ نے نویدا احمد ناں جندالی بولی چ مکالمہ ویکھو جساں اسی جندالی بولی فی مثال آسے پیش کر سکے آں۔ ای وکھری گل اے بھئی اس چ بی جندالی ناں خاص لہجہ پوری صحت نال نیس ملنا برے اس توں جندالی بولی نے بعض ضمائر تے لہجہ نال واقفیت ضرور ہو سکئی وے۔

پیو (والد) ”بالیا چاہ پیو اسوہنی جئی کر کے۔ میٹھا ذرا گھٹ پائیں بہوں منڈھ رکھیناں“
 بالا ”چنو چ میٹھا بہوں پا چھوڑینا، ہانڈی چ مرچاں بہوں پا چھوڑینا تے آٹے چ لنوڑ بہوں پا چھوڑینا۔ ہی تے تسانہ نظر آونا برے اج مہینہ ہو گیا مینڈا گھار خراب ہو یا پیا۔ اوہ تے تسانہ نظر نیس آونا۔“

پیو (والد) ”پیو نال ناں مود پے لا بالیا، گھن آن ناں غریبی آں۔ لاہور کوئی ایڈے دور اے۔“

بالا ”آپے گئی ناں۔ آپے آراہی۔ بالاتاں نیس وینا۔“
 پیو (والد) ”ہاں مینڈا کیہڑا کوئی وڈھ نکلے اے۔ اگلیاں تے مینڈھے مونہیں کچھے چنے جئی دھی دتی۔ نیس تاں توں تے سارا جنڈ پھراں تدهاں کوئی گتی وی نیس دینا ہیا۔“
 بالا ”پچھلے داہ سالوں توں ٹڈا ایہا طعنہ سڑینا پیا واں۔ اسی توں الیکشن چ کھلونے نا فیصلہ کیتا، تسی گتی فی گل کرینے ہو۔“

پیو (والد) ”اوہیرا ایویں ناں جھلا بن۔ اڈاوی وٹ ضالچ کر یسیں۔“
 بالا ”تڈی مرضی جساں مرضی وٹ دو۔ میں کوئی تساں آکھا مانہہ وٹ دو۔“
 پیو (والد) ”ہس ٹایم کور آ گیا بھائی۔۔ توں کدور بالیا“

بالا ”بالا اپنے گھار آ گیا۔ جتھوں جدن ٹڈا دل ہو یا تساں بڑت کر کے کڈھ چھوڑا۔ برے والدین او۔۔ باجی مانہہ ماف کردو۔ میں بہوں گستاخیاں کیتیاں بہوں دل دکھایا ٹڈا۔“

پیو (والد) ”خیر اے“

بالا ”خیر کسر تساں بی کوئی نہیں چھوڑی۔ جتھے یڈاوس لگا جتنا یڈاے کولوں ہوسکا تساں
مانہہ بڑت کیتا، تساں مینڈھے جھنڈے چاڑین۔ بھلاوت بھی والدین ہیو یڈا حق بننا جج
مرضی کرو۔ آخر نکا جیا پال پوس کے وڈا کیتا نے“

پیو (والد) ”اڈا حق بننا ایہا“

بالا ”سوہنا حق ادا کیتا نے۔ باراسالاں ناں ہیاں جدن میں گھروں نکلاں۔ ملتانہ حیدرا
باداں وچ رُل رُل کے مزوری کرینا ریاں۔ بھلا خیر اے آخرتسی والدین ہیو۔ چنگای سوچا
ہوسوئیں۔“

پیو (والد) ”کشور آں گھن آن“

بالا ”یڈی سوئی ہلے کشور تے کھلی۔۔ چلو یڈی آخری خاہش بی پوری کرینا۔

جنگی بولی:

جنگی بولی بنیادی طور تے گھسی تے چھا چھی (کیمبل پوری) نے ای زیر اثر اے۔ ای
تحصیل فتح جنگ تے اس نے چواں پاسے نیڑے تریرے و سنے گراواں چ بولی وینی اے
اساں اسی ہکا لہجہ ہونے نی وجہ نال جنگی لہجہ آکھ سنے آں۔ اس توں ہٹ کے ای لہجہ بدل
ویناے تے مختلف گراواں چ ہک وکھری صورت حال نظر آنی اے جساں کسی صورت بی
ہک ای لہجہ قرار نہیں دتا ونج سکنا وے۔ ایہجوں بی آکھا وینا ہی ہرداہ وی کلومیٹر نی دوری
تے لہجہ بدل وینا۔ میں سمجھنا ویاں کہ اساں نے پورے ضلع نے صرف دو ای بنیادی لہجے گھسی
تے چھا چھی ون جنہاں نی آپنی ہک وکھری شناخت اے۔ تے باقی ضلع نی سارے ضلع نی

بولی انھاں دوہاں لہجیاں نے زیر اثر ای اے۔ جیوں

اردو: یہ۔ وہ۔ اس۔ اُس۔ اُنہیں۔ اُسے۔ آپ کو۔ میرا۔ تیرا۔ تجھے¹¹

جنگی: ای۔ اوہ۔ اس۔ اُس۔ اُنھاں۔ اُساں۔ تُساں۔ مینڈھا۔ تہینڈھا۔ مُداں

ایجوں ای جہڑے گراں گھیبی نی پٹی نال لگنے ون اُنھاں چ ماضی مطلق، ماضی قریب،

ماضی شکہ، ماضی تمنائی تے فعل حال چ فعل نے اخیر چ الف توں پہلوں (ی) ناں اضافہ

کیتا وینا، جیوں: میں کھینا، میں لکھیا ہوسی، میں کرینا۔۔۔ وغیرہ

تے تحصیل اٹک نی پٹی نال لگنے گراواں چ ماضی نیاں اُنھاں تریاں حالتاں چ فعل نے اخیر

چ 'ی' ناں کوئی اضافہ نہیں کیتا وینا۔ جیوں چھا چھی بولی وچ استمال ہونائے: میں کھانا، میں

لکھا ہوسی، میں کرنا۔۔۔ وغیرہ

ماضی آسے بی اسی گل آں ساہمنے رکھساں بئی گھیب نی پٹی نال رلنے گراواں چ

(ایہا) جد نے اٹک نی پٹی نال رلنے گراواں چ ماضی آسے (ہیا) بولا ویسی۔ جیوں: اوہ

آکھنا ہیا، آمنہ پڑھنی ہی، جاکت نسنے ہے۔

حرف تشبیہ آسے جنگی بولی (آنگن) ناں لفظ استمال ہونائے۔ جیوں: برفاں آنگن

ٹھڈا، ماکھو آنگن میٹھا۔ وغیرہ

اڑنوں آ لے کجھ لفظ:

11

کون	کون	جانا	وینا
اپنا	اپنا	خوبصورت	سوہنا
پانی	پانی	بیٹھنا	اجنا
کھانا	کھانا	بین	وین
اب	ہن	چلنا	ٹرنا
اپنے	آپنے	آنا جانا	آنا وینا
کہنا	آکھنا	تنگ آ جانا	اک وینا
کی طرح	وانگن	اولے	ایہن
سامنے	ساہمنے	قے کرنا	بوکنا
دیکھنا	ویکھنا	غبارہ	بھکانا
مکھن	مکھن	توڑنا	بھٹنا
آنا	آنا	لٹکنا	لڑکنا
اپنی	آپنی	پونچھنا	پوہجنا
شوہر	جنا	ناپنا	کچھنا

اکھان:

من حرامی تے جُتتاں نے ڈھیر	اَنھاں کُتاواؤ آں بھونکے
کھوتی کولوں تھڑا بھارا	ذاتِ نی کُوکلی تے تھماں نال اڑیکے
دُدھے نی ترہہ پانیے ناہیں لہنی	سوہرے گھار جوانی گُتے نی جائی
گھرے ناں پیر لوہکا ہونائے	جانے آلی کولوں دائی اُباہلی
جھتے بیڑی دُبے حاجی شاہیا وچ	ماءِ مولیٰ تے پیو پیاز پُتر جم پیا شاہ نواز
کُتا گُتے ناویری ہونا	سیک اُتھے ہونا جتھے اگ لگے
رن پرائی تے انھے آں بھوانڑی آئی	اَنھے آں کیہ لوڑاے، دواکھیاں
کنے آں چھوڑ کے کتے کچھ نسنّا	سپے ناڈرا سوتری کولوں بی ڈرنا
کتھے رُمیاں تے کتھے خدا	اُٹھ ناسکاں تے مل مل ماراں
اگے ڈھن پلٹ ہی اُتوں کتے موتر گئے	ڈلھے بیراں ناہلے بی کجھ نہیں گیا
چن چڑھے تے ہر کیں آں دِسنّا	دُورے نے ڈھول سہانے
میں تینڈیاں نمازاں پڑھاں تُوں مینڈے	جساں رب رکھے اُساں کون چکھے
گوزے بھنیں	
اندرا ی سچ تے کوٹھے چڑھ کے نچ	جیہڑے اُتھے بھیڑے اوہ لہور بی
	بھیڑے
کُتا گُتے ناویری ہونا	کر مزوری تے کھا چوری
گکچھڑ چایاں ڈھینا	راہ وینی اے بلانی آگل لگ
جنھاں کھاہدیاں گاجراں ڈھڈ اُنھاں نے پیر	پیٹ نہ پینیاں روٹیاں تے سبھے گلاں کھوٹیاں

سستالایائی تے بھاہنئیں پچھائی منڈیاں ناں	کمانوں نکلا تیر تے زبانوں نکلی گل مرئیں آنی
ماء جمے ناجے پتر کوٹھے نال پلمے	باہرے نی ساری تے گھرے نی ادھی ¹¹
چوروں کولوں پنڈا اباہلی	وگنے داندے آں چکا

رشتیاں نے ناں:

باپ	اجی، پیو، ابا	بھائی	بھرا، لالہ
ماں	ماء، بے بے	بہن	بھین
بیٹا	پتر	بہنوئی	بھنیا
بیٹی	دھی	ہم زلف	سانڈھو
خالہ	ماسی	پھوپھا	پھپھر
خالو	ماسر	جھٹانی	جھٹانی
خالہ زاد	مسیرا	نند	نینان
چچا	چاچا	سر	سوہرا
چچا زاد	داد پوترا	ساس	سس
چچی	چاچی	سوتن	سوکن
خاوند	جنا	بیوہ	رنڈی
داماد	جواترا، جوائی	پوتا	پوترا

بہو	نونہ	نواسا	دوہترا
پھوپھی	پھپھی	عورت	تریمت
بیوی	زنانی، رن	سوتیل بابا	مُتر یا پیو
بھتیجا	بھتر یا	سوتیلی ماں	مُتر کی ماء

بدن نے حصیاں نے ناں:

آنکھ	اکھ	دانت	دند
کان	کن	ٹھوڑی	کھاڑی
ناک	نک	گردن	گچی، منج
ہونٹ	ہوٹھ	گال	کھا کھاں
زبان	جیھ	آنت	آہنڈر، آندُر
ایڑی	گھری	پیشانی	متھا
ران	پٹ	گھٹنا	گوڈا
ٹخنہ	گٹھ	بھویں / ابرو	پر بھٹے
پنڈلی	پونی	پلکیں	پپلیاں
منہ	مونہ	بال	وال
گھبھی	آرک	ہتھیلی	تلی

مہینیاں نے ناں:

جیٹھ	جیٹھ	کاتک	کاتک
بیساکھ	وساکھ	مگھر	مگھر
ہاڑ	ہاڑ	پوہ	پوہ
ساون	سون	ماگھ	مانہہ / ماہ
بھادوں	بھدرا	چھاگن	پھگن
اسوج	اَسو	چیت	چیتُر

لوک ادب ماہیے:

☆ پانی جھول کے پیتا ای
ماہی نیاں سنگتاں مانہہ پر دیسی کیتا ای

☆ کوٹھا کڑیاں تے
آکے مل ماہیا جند سیتیاں گھڑیاں تے

☆ میں کھلی کھلو گئی آں
ہک تیرے بُتے پچھے جھلی کھلی ہو گئی آں

☆ سُرخِ رضائیاں فی

توڑیں نہ چن ماہی اساں اوکھیاں لائیاں فی

۱۱

☆ میرا ماہیا بھدری ناں

نکا نکا سر دُکھنا دم پادے نظری ناں

☆ تار مکیشاں فی

بڑی برباد ہوئی میری جندڑی عیشاں فی

☆ چن چڑکے کھلر گیا

تھوڑی جی میں وگڑی ماہیا سارا وگڑ گیا

☆ پلانچوڑ آئی اس

لگی لگی ہن پھر سیس توں ماہیا ٹور آئی اس

☆ کوئی بُور پھلا ہیاں ناں

ساڈے وانگوں دل ہووی پتا لگی وے جدائیاں ناں

☆ چاندی نے چار گھڑے

کلمہ پڑھ بابو گڈی اٹکو پار چڑھے

☆ حسنہ کول لاڈیرا

۱۱

متھے توں پرت بودی تیرے متھے اُتے ناں میرا

☆ بیلے وچوں راہ نکلے

جدوں تیری یاد آوے ہر ساہ وچوں ہاہ نکلے

☆ چھیری اُتے چھت پاواں

شالائند اں پتر ملے میں سونے ناں گٹ پاواں

☆ سب نکلے تیر ہو کے

جدوں من ہسڑے ماہیا ملے فقیر ہو کے

☆ سگرٹ پینے او

اساں سوا ماہیا تسی لکروں جینے او

☆ سرچیر ارنگنی آں

کھلی دربار اُتے پک ماہیا منگنی آں

(ساوی سر بیلے چوں)

بولیاں

۱۱

جگ ڈھونڈنائے پیہلیاں وانگن
میں بج رکھاں کتھے کج کے

○

گھار آپ وسانے پینن
نی لوکاں اُتے نہیں وسنے

○

تینڈھے آپ حوالے کیتی
میں جندڑی نی پنڈ بنھ کے

○

جدوں آپنا آپ پھرولا
میں مٹی ہويا بھُر بھُر کے

○

اج سچناں وٹایاں اکھیاں
ہن آساں واسے کی اوپرا

○

آساں بھورا بھورا جوڑ بنائی
تے دیوے نال جھگی سڑگئی

(سید نصرت بخاری)

اس مضمون فی تیاری ورتیاں کتاباں

۱۱

- تزک جہانگیری، اعجاز الحق قدوسی، مجلس ترقی ادب لاہور، جلد ۱، ۱۹۶۸ء
- انجم رحمانی، ڈاکٹر، پنجاب تمدنی و معاشرتی جائزہ، الفیصل ناشران کتب لاہور ۱۹۹۸ء
- منظور الحق صدیقی، تاریخ حسن ابدال، اداء تحقیقات پاکستان لاہور ۱۹۷۷ء
- سید نواز علی، تذکرہ رؤسائے پنجاب، جلد دوم ۱۹۴۰ء
- حافظ محمود شیرانی، پنجاب میں اردو، مقتدرہ قومی زبان اسلام آباد ۱۹۹۸ء
- سید محمد لطیف، تاریخ پنجاب، تخلیقات مزنگ روڈ لاہور، ۱۹۹۴ء
- سند باد جہازی، جدید جغرافیہ پنجاب، اردو اکیڈمی پنجاب لاہور، ۱۹۴۰ء
- قمر زمان، پنجاب، پنجابی اور پنجابیت، الحمد پبلی کیشنز لاہور ۲۰۰۳ء
- پروفیسر عزیز الدین احمد، پنجاب اور بیرونی حملہ آور، ظفر سنز لاہور، ۱۹۹۰ء
- نذر صابری، قصہ مشائخ، مجلس نوا درت علمیہ انک ۱۹۸۶ء
- سکندر خان، دامن اباسین، ملی کتب خانہ ویسہ ۲۰۰۴ء
- محمد نواز اعوان، تاریخ سرزمین انک ۲۰۰۵ء
- کرم حیدری، سرزمین پوٹھوہار، وفاق پرنٹنگ پریس راول پنڈی ۱۹۸۰ء
- سید شاہ کمال قادری، قلعہ انک بنارس، (مضمون) انک فیسٹیول ۱۹۹۲ء
- ارشاد محمود ناشاد، ڈاکٹر، چھاچھی بولی، پنجابی ادبی سنگت انک ۲۰۰۴ء
- پروفیسر اشرف حسینی، انک قدیم و جدید تاریخ (مضمون) انک فیسٹیول ۱۹۹۲ء
- کپٹن ریٹائر عبداللہ خان، انک تاریخ و ثقافت (ترجمہ انک گیزٹیر) ادارہ القلم انک ۲۰۱۲ء
- محمد آصف خان، پنجابی زبان دا پچھو کڑ، جون ۱۹۹۶ء لاہور
- عین الحق فرید کوٹی، اردو زبان کی قدیم تاریخ، ارسلان پبلی کیشنز لاہور ۱۹۷۲ء
- ارشاد محمود ناشاد، ڈاکٹر، مہمان مدیر، تہماہی پنجابی ادب (انک نمبر) پنجابی ادبی بورڈ لاہور ۱۹۹۸
- میاں محمد اکرم، ساوی سر بیلے، پنجابی ادبی سنگت انک، ۲۰۰۲ء
- وکپیڈیا، آزاد دائرۃ المعارف
- حسین امجد، طاہر اسیر، جمالیات، (جنوری تا مارچ) جمالیات پبلی کیشنز انک ۲۰۱۸
- سیماب، ارشد ملک، تذکرہ شعرائے انک، جمالیات پبلی کیشن انک ۲۰۱۲ء



شاعراں نا تذڪره

(چها چهي لجه)

قاضی نادر دین

اردو فارسی، پشتوتے چھا چھی زبان نے شاعر قاضی نادر دین شمس آباد گرامیں نے^۱ رہنے والے ہے۔ انھوں نے سلسلہ نسب نے بارے چ راشد علی زئی لکھنے ون

”مولانا قاضی نادر دین بن قاضی جنگ باز بن سید ۱۸۰ء / ۱۲۲۲ھ میں شاہ شجاع درانی کے عہد حکومت میں موضع نقار چیاں تحصیل غازی ضلع ہری پور (ہزارہ) میں پیدا ہوئے۔ آپ کا سلسلہ نسب چشتیہ کے معروف ولی اللہ خواجہ بندہ نواز سید محمد حسین گیسو دراز از چشتی (۸۲۵-۷۲۱ھ - ۱۲۲۲ء مدفون، گلبرگ، حیدر آباد دکن) بن سید یوسف الحسینی سے جا ملتا ہے۔ آپ کا خاندان ”مشوانی سادات“ کے نام سے مشہور ہے، جو گندگر پہاڑ کے دامن اور اس کے قرب وجوار میں آباد ہے۔ معرکہ بالا کوٹ (۱۸۲۷/۱۲۲۲ھ تا ۱۸۳۱ء / ۱۲۲۶ھ) کے بعد اس خانوادے کے ایک بزرگ قاضی جنگ باز قصبہ نقار چیاں، متصل غازی سے ترک سکونت کر کے شمس آباد علاقہ چھچھ میں آکر آباد ہو گئے۔“۱

قاضی نادر دین اپنے وقتاں نے بہوں منے وئے عالم ہے انھوں دین نی خدمت آں اپنی حیاتی ناں مقصد بنایا تے اس آسے اوہ علاقہ چھچھ نے دوئے گراواں چ دین نی تبلیغ آسے سدے وینے ہے۔ انھوں اپنے بزرگاں کولوں دینی تعلیم حاصل کیتی تے وت اس دینی سلسلے آں آپنی آنے آلی نسلاں تک پونچیا جس ناں فیض دو سو سالاں توں ہن تک جاری اے۔ انھوں نی اولاد چ مولانا غلام جیلانی، مولانا قاضی غلام ربانی تے مولانا قاضی فضل الہی بھی دین نے خدمت گاراں چ شامل ہے۔ انھوں نے ہک صاحبزادے مولانا قاضی غلام جیلانی دینی تعلیم آسے مدرسہ عالیہ رام پور چ داخل ہوئے جھتے مولانا ابوطیب مکی تے مولانا منور علی جے عالماں کولوں فیضیاب ہوئے تے کجھ چر اُتھے ہی پڑھایا تے وت مولانا کرامت علی جو نیوری نے سلسلہ تبلیغ نال وابستہ ہو کے بنگال چلے گئے۔ ان نقشبندی سلسلہ چ مولانا سراج

الدین موسیٰ زئی شریف نے بیت ہے۔ مولانا جیلانی شریعت، طریقت تے کئی ہور دینی موضوعات اُتے پنجہ کتاباں لکھیاں۔ اگوں انھاں فی اولاد چوں مولانا انوار الحقؒ تے مولانا زاہد الحسینی ہندوستان گیر شہرت حاصل کیتی۔ مولانا قاضی نادر دین اور راں آپنی شاعری آں بھی دین فی تبلیغ آسے ورتا انھاں ہک قلمی رسالہ ”پندنامہ“ ۱۲۷۲ھ ۱۸۵۶ء (بہ طرز سہ حرفی) یاد گار چھوڑا۔

ہدایت رب نے کیتی
وچ کمالے فی مسیتی

ہجری تھیں صدیاں باراں
ہور بہتر سال شماراں

روز جمعہ تے ماہ رمضان
فضل کریں توں یا رحمانی

فجری توں پیشی تک
ایہہ تکلیف میں جالی (۲)

ملا عبد المجید

ملا عبد المجید ناں تعلق علاقہ چھچھ نے گراں رحموں نال ہیا۔ اُوہک مذہبی خاندان نال تعلق رکھنے ہئے انھاں نے دادا کوہستان سوات توں ہجرت کر کے رحموں پج آڈیرے لائے ہئے۔ ڈاکٹر ارشد محمود ناشاد نے مطابق:

”ملا عبد المجید اپنے وقت کے معروف عالم اور شاعر تھے۔ آپ ۱۲۶۰ھ ۱۸۴۳ء کے لگ بھگ رحموں (علاقہ چھچھ) میں پیدا ہوئے۔ آپ کے آبا و اجداد سوات سے ہجرت کر کے چھچھ میں آئے۔ ملا عبد المجید رحموں کی مسجد میں امامت کا فریضہ ادا کرتے تھے۔ آپ نے لوگوں کے فائدے کی غرض سے عربی فارسی کی کتابوں میں شامل حکایت اور واقعات کا اپنی بولی میں منظوم ترجمہ کیا اور انہیں ’حکایت الابرار‘ کے نام سے ایک کتاب میں یک جا کر دیا۔“ ۳

انھاں نی جم پل کیوں جے ہک دینی گھار ہوئی اس آ سے انھاں ساری عمر دین نی خدمت ای کیتی۔ اُو اخیر لی عمراں تک اپنے گرائیں نی مسیتی نے امام رئے۔ انھاں اپنی شاعری آں بی لوکاں نی بھلائی آ سے ورتا۔ علاقے نے کھوج کاراں نے مطابق ای کتاب ۱۳۰۰ھ پج لکھی گئی۔ ملا عبد المجید اوراں نے ہک پوترے مولوی محمد سعید بھی اپنے وقتاں نے ہگے وئے عالم تے شاعر ہئے۔ انھاں دین نی تعلیم اپنے دادا ملا عبد المجید کولوں ای حاصل کیتی تے ای انھاں ناں فیض ہی ہیا جے مولوی سعید اوراں بھی اپنی ساری حیاتی دین نی خدمت تے تبلیغ پج گزاری نالے انھاں بھی اپنے شعری وصف آں دین تے لوکاں بھلائی آ سے ورتا۔ ملا عبد المجید اوراں نی کتاب ’حکایت الابرار‘ ناں قلمی نسخہ حضور نے ”میرا کتب خانہ“ وچ محفوظ اے۔

۱۱

پہلوں حمد خدا نوں آکھاں نال زباں
جس کیتی گُن فیکون تھیں کل مخلوق عیاں

جے چاہے تاں خلق نوں پل وچ کرے فنا
جے چاہے تاں مر دیاں پل وچ دے اٹھا

کناں باجھ سمیع ہے، اکھیاں باجھ بصیر
وچ ہنیرے روشنی ہر جا وچ خیر

نہ کوئی اس دی جاگھ ہے نہ اس کوئی مکان
ہر جاگہ موجود ہے اوہ قادر سبحان

(۴)

○

مولوی محمد سعید

انہاں نا تعلق کیمبل پور (اٹک) نی تحصیل حضور موضع رحموں نال ہیا۔ اٹھارویں^{۱۱} صدی وچ اسی گرائیں چ محمد دین نے گھار جمے۔ انہاں نے دادا مولوی عبدالمجید پنجابی زبان نے ہگے وئے شاعر ہئے۔ مولوی سعید اوراں دین انہاں کولوں ہی پڑھا۔ اس توں بعد سکولی تعلیم آسے داخل ہوئے برے صرف ترے جماتاں ہی پڑھیاں۔ گرائیں نے اس ان پڑھی دور وچ ترے جماتاں بی اپنی کچھ جاء رکھنی ہنیاں جے اس توں بعد ان گرائیں نے ہک اسکولے چ بہوں عرصے تک پڑھانے رئے۔ ڈاکٹر ارشد محمود ناشاد اپنی کتاب چھا چھی بولی چ انہاں ناں تذکرہ کرنیاں ہوئیاں لکھنے ون:

”مولوی محمد سعید قصبہ رحموں (چھچھ) کے رہنے والے تھے آپ ۱۸۶۷ء میں محمد دین کے گھر پیدا ہوئے آپ کے مولانا ظفر علی خان اور پیر مہر علی شاہ گولڑوی کے ساتھ نہایت اچھے تعلقات تھے۔ آپ کا صرف ایک ہی مطبوعہ کتابچہ ’کرامت‘ جی بابا اٹک والا ملتا ہے جس میں آپ نے اٹک قدیم کے معروف بزرگ جی بابا اٹکی کی کرامات کو پنجابی میں نظم کیا ان کی زبان میں چھا چھی کا مخصوص رنگ چھلکتا دکھائی دیتا ہے۔“ ۵

جدوں اسکول تو فارغ ہوئے تے مراڑیہ گرائیں نی مسیتی نے امام بنے تے اخیر لی عمراں تک دین نی خدمت وچ لگے رئے۔ مولوی محمد سعید اوراں فارسی، اردو، پنجابی تے کیمبل پوری نے چھا چھی لہجے وچ شاعری کیتی۔ انہاں نی تصنیف حضرت جی بابا اٹکی نی کرامت توں متاثر ہو کے ہندو عورت نے اسلام قبول کرنے ناں تذکرہ وئے۔ مولوی محمد سعید نے پوترے عبدالحی خاکی ناں شمار بی علاقہ چھچھ نے شاعراں چ ہونائے۔ مولوی سعید اوری سو سالوں نی عمراں چ ۱۹۶۷ء وچ رحموں چ موئے۔

۱۱

اس زمانے اندر بعضے عابد بن بن بہندے
 دُنْبہ یا کوئی بکرا لیاوے سچیاں اندر رہندے
 ظاہر شکل بزرگاں والی تسبی ست گز لمی
 علم شریعت جانن نائیں مارن جان نکمی
 ظاہر سبز لباس بناون سبزی کل پوشاکاں
 دل وچ گکڑ دنبے وسن کھاون خوب خوراکاں
 راہ فقیر دا جانن نائیں نہ عادت انساناں
 حسد بخیلیوں رجدے نائیں، سارے کم شیطاناں
 (۶)

○

آکھاں صفت خدا وند تائیں لکھاں حمد ثنائیں
 جس کن فیکونوں ظاہر کیتا قدرت سدا سائیں
 چوداں طبق تے دیہنہ چن تارے قدرت نال سنوارے
 خاطر نبی محمد سرور کیتے ایڈ پھارے
 کل خلاق اسدے نوروں ظاہر کیتی ساری
 پیدا کیتے سر جن ہارے کیا خاکی کیا ناری
 کوئی پیغمبر مرسل کیتے شان شریف ودھایا
 کوئی ولی کوئی قطب ربانے کسے نوں غوث بنایا
 (۷)

○

عمر اٹکاں والا

انہاں ناں محمد عمر ہیا برے پشور تے دُوئے علاقیاں چ اُنہاں نی مشہوری^{۱۱}
عمر اٹکاں والے نے نائیں توہی۔ اٹک قلعہ نی قریبی ابادی ملاچی ٹولہ گرائیں نے رہنے
والے ہئے۔ علاقہ چھچھ نے بزرگ محقق سکندر خان اپنی کتاب دامنِ اباسین وچ عمر اٹکاں
والا نے بارے لکھنے ون:

”اصلی نام محمد عمر تھا۔ اٹک کے نوجی گاؤں ملاچی ٹولہ کارہنے والا تھا بدیس وجہ عمر اٹکاں والا
کے نام سے مشہور ہوا۔ ہندکو زبان میں چار بیتہ کہا کرتا تھا۔ تاریخ پیدائش ۱۸۹۶ء
ہے، تاریخ وفات کا وثوق سے علم نہیں۔ لہذا قد ہونے کی وجہ سے بعض لوگ انہیں عمر ٹنگو بھی
کہتے تھے۔ جناب رضا ہمدانی نے اپنی کتاب ’ہندکو چار بیتہ‘ میں ان کا کلام دیا ہے۔ یہ
کتاب ۱۹۷۸ء میں لوک ورثہ اسلام آباد کی طرف سے شائع کی گئی ہے۔“ ۸

عمر اٹکاں والے پشور نال تعلق رکھنے آ لے ہندکو زبان نے مشہور شاعر استاد فقیر جیلانی نے
ہک ہندو شاگرد دُنی چند آں چار بیتے نے مقابلے ج ہر ادا تہیا۔ اس ہار نے نتیجے ج استاد فقیر
جیلانی عمر اٹکاں والے نال مقابلے آ سے پشورتوں ملاچی ٹولہ آئے تے عمر اٹکاں والے واں
ہرا کے اپنے شاگرد دنی ہارنا بدلا گھدا۔ اس توں کچھ عمر استاد فقیر جیلانی نی شاگردی قبول
کر گھدی ہئی۔

عمر اٹکاں والے نی مادری زبان تے ہندکو تے چھا چھی نار لا ملا اثر ہیا، اس واسے
اُنہاں نی شاعری تے اساں ہندکو زبان نا اثر نمایاں نظر آناوے برے کیمبل پوری زبان
نے چھا چھی لہجہ ج بی چار بیتے ملنے ون۔

۱۱

کالی زلف پیچ دارنی سوہنے سینے اتے لٹکی
کالی کالی زلف تیری اے ال ول نی

سپنی دے وانگ پئی وچ گل نی
نال سیاں داوی ڈار، سرتے دُدھ بھری مٹکی

کالی زلف پیچ دارنی سوہنے سینے اتے لٹکی
سیاں دے نل جاویں، چھما چھم نی

عشتے دے خیال گاویں، تو دم پدم نی
پتلی پدم دسیں نال عاشق ویکھدیاں سرچٹکی
کالی زلف پیچ دارنی سوہنے سینے اتے لٹکی
(۹)

سید مہتاب شاہ

شاہ اوری بہوں وڈے عالم دین ہے۔ مقامی روایت نے مطابق اوہ صاحب دیوان شاعر ہئے تے اُنھاں ناں شمار چار بیتہ گو شاعراں چ ہونائے۔ اُن اردو تے پنجابی وچ شعر آکھنے ہئے تے اُنھاں نے چار بیتے فی ہک کتاب ”آمین ختم قرآن شریف“ ہئی۔ سید مہتاب اوراں نے بارے چ علاقہ چھچھ نے بزرگ محقق سکندر خان دامن اباسین چ لکھنے ون:

”آپ کا تعلق شمس آباد سے تھا۔ آپ ایک بلند پایہ عالم دین اور ولی اللہ تھے۔ آپ صاحب دیوان شاعر تھے لیکن آپ کا دیوان ناپید ہے۔ البتہ ایک کتاب ’آمین ختم قرآن شریف‘ بزبان ہند کو موجود ہے۔ آپ کا کلام اردو اور ہند کو چار بیتوں پر مشتمل ہے، آپ کی رحلت ۱۹۱۵ء کے لگ بھگ ہوئی۔ آپ کی اولاد میں سے ایک نامور بیٹے کا نام سید ولات شاہ صاحب ہے جو وقت کے فصیح البیان عالم اور جامع مسجد اٹک شہر (کیمبل پور) کے خطیب تھے۔ دوسرے بیٹے کا نام سید چن پیر تھا جن کے ایک فرزند سید غلام عباس شاہ فاضل دوراں تھے تفنن طبع کے لیے شعر کہتے تھے۔ ان کی وفات ۱۹۷۳-۱۹۷۲ء میں ہوئی۔“ ۱۰

۱۱

بندگی تے لک بن فقیرا
روزی رب وہاب دینائی

نال سارے اسباب دینائی
ہکناں لیف مٹائیاں نی
ہکناں جھگیاں پائیاں نی

ہکناں نوں پیاز تے روٹی
ہکناں نوں کباب دینائی
نال سارے اسباب دینائی
(۱۱)

سید شاہ ولایت

سید شاہ ولایت نا اصل ناں سید محمود شاہ ہیا۔ ای شمس آباد گرائیں نے رہن^{۱۱} والے ہئے انھاں نے بزرگ سید مہتاب شاہ اپنے وقتاں نے عالم دین تے شاعر ہئے۔ سید ولایت شاہ اوراں نے جمنے نے بارے چ ڈاکٹر ارشد محمود ناشاد ”ضلع اٹک دے پنجابی“ شاعر چ ۱۸۷۰ توں ۱۸۸۰ء ناعرصہ لکھاوئے۔ انھاں اپنے بزرگوں کولوں دین پڑھا۔ اس توں بعد اوہ رہنی عمراں تیں کئی جائیاں نی مسیتیاں چ امام رئے۔ کیمبل پور شہر نی جامع مسجد وچ بی امامت کرنے رنیں۔ گولڑہ شریف نے پیر مہر علی شاہ صاحب نے مرید ہئے۔

شاہ ولایت اوراں اردو تے پنجابی وچ شعر آکھے۔ انھاں نی لکھتاں وچ ”عرض شاہ ولایت“ ”ریاض شاہ ولایت“ ”بیاض شاہ ولایت“ ”بیوہ کی فریاد“ ”شراب کے لچھن“ نے علاوہ انھاں نے خطبیاں نا ہک مجموعہ بی شامل اے۔ ۱۹۳۹ء چ سید شاہ ولایت مونسین۔

میں تاں گھر گھر دیواں ہوکا
تُسی سنو وے غافل لوکا

تُساں کھاہدا ڈاہدا دھوکا
لوکو قرضوں جان بچاؤ

میری عرض کرو منظور، لوکوں قرضوں جان بچاؤ

ہو کے بدعت وچ مشغول
تساں کیتے خرچ فضول

۱۱

خفا ہو گئے رب رسول
لوکو قرضو جان بچاؤ

میری عرض کرو منظور، لوکوں قرضوں جان بچاؤ

کسے گھر وچ ہووے شادی
پیسے خرچے نال ازادی

ہوئی شادی وچ بربادی
لوکو قرضوں جان بچاؤ

میری عرض کرو منظور، لوکوں قرضوں جان
بچاؤ (۱۲)

عبدالکریم

عبدالکریم کی جم پل علاقہ چھچھ نے گراں جلالیہ نی اے۔ انھاں نا شمار علاقہ چھچھ^{۱۱} نے اٹھارویں صدی نے چار بیتہ گوشاعراں وچ ہونا وئے۔ کیمبل پورے نے خالص چھاچھی لہجے وچ شاعری کیتی نے۔ بابا عبدالکریم فی شاعری ناں کوئی نمونہ تحریری طور تے نہیں ملنا پر انھاں نے چار بیتے اتھے نے مقامی بزرگاں فی زبانی نویں نسلاں تک پونچپین۔ چھچھ نے مشہور محقق سکندر خان اوراں اپنی ”کتاب دامن اباسین“ وچ انھاں نا ذکر کیتاے۔ ۱۸۴۳ء وچ جدوں علاقہ چھچھ وچ ٹڈی ول ناں فصلاں تے حملہ ہو یا جس فی وجہ توں علاقے نیاں فصلاں برباد ہو گئیاں ہنیاں۔ بابا کریم اوراں اس تباہی آں اپنے چار بیتے وچ بیان کیتا۔

مکڑی بے حساب دوئی پشی ملکھ گما گئی آ
ترئی رتی بھونڈی سب تراں کھکھڑی کھا گئی آ

مکڑی بے حساب سرے ملکھ تے غوغا ہوئی آ
خبر شنکاری تربیلے تے چوپا ہوئی آ

ماری وُس گھیبی کھاڑی امر سر تے غربلا ہوئی آ
چھچھے نے درمیان سارا زور پونگے نا پا گئی آ
آ کھنائے کریم ملکھ بہوں سارا گما گئی آ (۱۳)

گلاب خان

انہاں نی مشہوری پنجابی شاعر نے طور تے بابا گلابا نے نائیں نال اے۔
انہاں نی جم پل کامرہ گرائیں نی اے۔ ڈاکٹر ارشد محمود ناشاد اوری بابا گلاب نے خاندان
تے حیاتی نے بارے چ لکھنے ون:

”بابا گلاب دا تعلق اعوان قوم نال سی تے اوہناں دے وڈے میاں نوالی توں ہجرت کر
کے کامرہ ضلع اٹک وچ آباد ہوئے سن۔ بابا جی ایسے پنڈ وچ جمے۔ اوہناں دا جمن ورہا
۱۸۵۷ء دی جنگ آزادی توں کجھ پہلے دا اے۔ اوہناں دے والد داناں صوبہ خان تے
دادے ہوراں داناں فقیر محمد سی۔ آپ دے دو چھوٹے بھرا وی سن۔ اک داناں محمد تے
دو بے داناں حیات سی۔ بابا محمد وی پنجابی زبان دے گے شاعر سن۔ اوہناں کجھ زندگی
کامرہ وچ گزاری۔ او تھے ای اوہناں داویا ہویا پھیر کجھ ایسے گھریلو واقعات پیش آئے
جنہاں پاروں اک مشہور پنڈ ”کوا“ نقل مکانی کیتی۔ او تھے ای واہی نیجی کرن لگ پئے۔“ ۱۴
بابا گلاب کوئی بی سکولی تعلیم حاصل نہیں کیتی چٹے ان پڑھ ہون نے باوجود انہاں وچ
ہک وڈے شاعر نی صفت ہئی۔ انہاں اپنی سہ حرفی وچ پنجابی نی مذہبی تے صوفیانہ روایت
آں قائم رکھا۔ انہاں نی مشہور نظماں وچ ”چھچھ چوراسی“ تے ہر ونامہ نیں جیہڑیاں پہلی
واری ڈاکٹر ارشد محمود ناشاد اوراں پنجابی ادبی بورڈ نے پرچے ”تمنائی پنجابی ادب“ وچ
چھاپیاں نیں۔ بابا گلاب نی انہاں نظماں وچ اُساں اپنے علاقے نی تاریخ، تے ثقافت
نے بارے چ پتا چلناوے۔

۱۱

چھچھ چوراسی

قعلہ اٹک تے سراں
ملاحی ٹولے ناگھن ناں

اگے جمک تے منصور
لنڈے ونج ماری تلوار

بدھا کابل تے قندھار
سمے دریئے نے چل سال

اگے قاضی تے جتیاں
تاجے باجے آں گھن نال

کراں ویرو تے دھیا
بدھا ہوتی تے مردان (۱۵)

○

منظور عارف

منظور عارف نا ابائی علاقہ تے اکوڑہ خٹک اے پر اُنھاں اپنے نانکے گراں حضور ج ^{۱۱} یکم ستمبر ۱۹۲۴ء آں اس دنیا تے اکھ کھولی۔ جمن توں بعد او اپنے ماؤ پیو نال اکوڑہ خٹک چلے گئے جتھے اُنھاں نی پڑھائی ناں مُڈھ رکھا گیا۔ پنجویں تک اکوڑہ خٹک نے ہک سکول ج پڑھا تے اس توں بعد ڈیرہ اسماعیل خان چلے گے۔ ناویں جماتاں تک مختلف شہراں ج پڑھنے رہے۔ اس توں کچھے جدوں اپنے نانکے گراں مُڑ آئے تے وت گورنمنٹ انٹر کالج کیمبل پور (اٹک) توں میٹرک نا امتحان پاس کیتا۔

منظور عارف ہوراں سکول نے زمانے توں ای شاعری ناشوق پیا تے جدوں گارڈن کالج روال پنڈی گئے تاں ایہہ شوق جنون وچ بدل گیا تے اُنھاں شعر آکھنا شروع کیتا۔ اسی کالج توں ایف اے کیتا تے ہور تعلیم آسے اسی کالج نال جڑے رہے۔

۱۹۴۳ء ج گارڈن کالج نے طالب علم شاعراں ج منظور الہی سائر صدیقی نے ناں نال مشہور ہوئے اس ناں نال اُنھاں نا کلام گارڈن کالج نے پرچے وچ بی چھپنا رہیا۔ منظور عارف اپنے سنگی صادق صبوحی نال رل کے کالج نی ادبی محفلاں تے مشاعریاں نے اہتمام ج سب توں اگے نظر آنا ہیا۔ منظور عارف تلوک چند محروم تے استاد انجم رضوانی نی شاگردی کیتی۔

جمیل ملک بی اس زمانے ج گارڈن کالج وچ یار ہوویں نے طالب علم ہئے پر اوہ منظور عارف توں دو سال جونیر ہئے۔ منظور عارف نال جمیل ملک، طاہر حسن تے ظفر علی احمد نیاں ملاقاتاں استاد انجم رضوانی نے تیکے ”انجمستان“ تے شروع ہوئیاں جیہڑیاں بعد ج استاد ی شاگردی تے دوستی وچ بدل گئیاں۔۔۔ بعد چوں ہری پور ہزارہ توں قنیل شفقانی محلہ شاہ نذر ج آ ڈیرہ الایا۔ قنیل شفقانی ناں شروع ج استاد حکیم شفقانی نے تکیے تے آناوینا ہیا جتھے ظفر علی احمد نی اُنھاں نال دعا سلام ہوگئی بعد چوں استاد انجم رضوانی تے استاد حکیم شفقانی اُنھاں دوہاں تکیاں

تے ملنے والیاں چ قتل شفائی بی رل گئے۔ منظور عارف اپنا ناں قتل شفائی نے مشورے تے منظور الہی سائر صدیقی توں منظور عارف رکھ گھدا، عبد الجلیل ملک (جمیل ملک) تے ظفر علی احمد (احمد ظفر) بن گئے۔ استاد انجم رضوانی تے استاد حکیم شفائی نے تکیے توں ہٹ کے اُنھاں نیاں محفلاں راتی ویلے عبدالعزیز فطرت تے احمد ظفر نے گھار بی جمینیاں ہنیاں جنھاں نے مکے ناکوئی ویلا وقت نیں ہونا ہنیا۔

جمیل ملک اپنے ہک مضمون چ منظور عارف نی اُستادی تے ناقدانہ پکڑناں دسیناں لکھنے نیں جے اوہ اساں دوستاں ناں کلام سننے ہویاں ہی ساڈے شعراں نی اصلاح کر چھوڑنے ہئے ہور تے ہور کئی وار تے اوہ قتل شفائی نے شعراں تے بی فنی اتبارناں انگل رکھ چھوڑنے ہئے کیوں جے اُنھاں وسیب چ گھدی وئی گل ہی خوش آنی ہئی۔ کالج نی زندگی نے اُس ویلے مشاعریاں نی بہوں ہگ ہئی تے منظور عارف ہوراں مشاعرے پڑھنے نا بہوں شوق ہیا۔ اوہ جگر مراد آبادی، احسان دانش، روش صدیقی تے ہور اسی قدے نے وڈے شاعرانہ ہونیاں گج وچ کے شعر پڑھنے تے داد لٹنے ہئے۔

منظور عارف ۱۹۴۵ء چ گارڈن کالج توں بی۔ اے نی ڈگری گھدی۔ بی۔ اے توں بعد محکمہ ایکسٹرنل ٹیکسیشن چ نوکر ہو گئے ای نوکری اُنھاں ہک مہینے بعد چھوڑ دتی تے اس تو بعد لاہور چلے گئے تے ۱۹۴۹ء وچ گورنمنٹ کالج لاہور توں قانون نی ڈگری مکمل کیتی۔ ڈگری گھن کے اُنھہ کیمبل پور (اٹک) آ گئے تے اتھے ضلع کچہری وچ وکالت کرن لگ پئے۔ کچہرے بعد اتھوں راول پنڈی چلے گئے۔ وکالت چھوڑ کے اُنھاں محکمہ مطبوعات چیمبر آف کامرس وچ بی کم کیتا تے جدوں دل اتھوں بی مندا پے گیا تے ریڈیو پاکستان وچ کم کرن لگ پئے۔ اُنھاں اپنی مقامی بولی چھاچھی وچ ریڈیو پاکستان واسے کئی ڈرامے لکھے جیہڑے اُنھاں وقتا چ بہوں پسند کیتے گے ہئے۔ اُنھاں نیں ریڈیائی ڈرامیاں چ ”پنڈیوں آئی لاری“ تے

”ویاہ“ خاص ہے۔ اردو تے چھا چھی بولی وچ شاعری نے نال نال کالم بی لکھے ۱۹۵۱ء وچ روزنامہ ”تعمیر“ راول پنڈی وچ ”مکتوب کیمبل پور“ نے نائیں نال کالم لکھے جس وچ اُنھاں مزدور تے مظلوم طبقے آسے اواز اُٹھائی۔ اس توہٹ کے روزنامہ ”تعمیر“ وچ ای ”میراکالم“ تے روزنامہ ”جنگ“ وچ ”محفلیں“ نے نائیں نال کالم لکھے جیہڑے اُنھاں فی سماجی تے صحافتی خدمت نا ثبوت نیں۔

۱۹۳۵ء وچ سجاد ظہیر ہوراں ترقی پسند ادیبوں فی تنظیم ناں مڈھ لایا تے ڈاکٹر تاثیر، تے ملک راج آنند اُنھاں ناں ساتھ دتا، ہندوستان وچ اس انجمن آں ۱۹۳۶ء آں لکھنؤ کانفرنس وچ بنادتا گیا تے اس ناسب توں پہلا منشور لاہور وچ سجاد ظہیر، ڈاکٹر تاثیر، فیض احمد فیض تے صوفی تبسم ہوراں مرتب کیتا تے پریم چند اس کانفرنس وچ خطبہ صدارت دے کے ترقی پسند ادیبوں فی اس انجمن تے مہر لادتی۔ جدوں اس انجمن فی ہگ پورے ہندوستان وچ پنجاب سنڑیں کیتی گئی تے مولانا حسرت موہانی، احمد علی، کرشن چندر، بیدی، بلونت سنگھ، دیویندر اسر، دیویندر سیتا رتھی، علی سردار جعفری، ن م راشد، ساحر لدھیانوی، اسرار الحق مجاز، احمد ندیم قاسمی، جان نثار اختر، ظہیر کاشمیری، فارغ بخاری، ادا جعفری جے ادیبوں ایس دئیں مونہہ کیتا۔ منظور عارف وچ بی ہک روشن خیال تے ترقی پسند ادیب چھپاویا ہیا او بی ہور نویس شاعراں تے ادیبوں وانگوں ترقی پسند سوچ فی چھتری تلے استحصالی نظام نے خلاف اپنی شاعری وچ حق فی اواز بلند کیتی۔ جدوں اُن ایل۔ ایل۔ بی کرن آستے ایکسپریس اینڈ ٹیکسیشن فی نوکری چھوڑ کے لاہور گئے تے اس ویلے تک ترقی پسند تحریک نے دو دھڑے بن چکے ہے۔ منظور عارف جدید اکھوانے والے ادیبوں نے دھڑے آں چھوڑ کے دویے ترقی پسند ادیبوں نال رل گئے تے اس نے رنگ وچ نظماں، غزلاں لکھیاں۔ منظور عارف نا تعلق ہک پسماندہ علاقے نال ہیا تے اُنھاں فی اردو شاعری ہووے یا اپنے مقامی بولی چھا چھی وچ، اُنھاں فی شاعری نا خمیر اپنے علاقے فی

مٹی چوں اٹھا جیہڑی قومی تے افاقی شکل اختیار کر گئی۔ اس نئیں تچھے علاقے نی تارنخ، سامراجی نظام، زمیندارانہ تے طبقاتی جمع تفریق اے۔ ایہا وجہ وے جے اُنھاں اپنی شاعری^۱ تے تلے طبقے نئیں محنت کش تے مزدوراں نے استحصال نی چھک ہوئی تے اس ناذکر اپنے شعراں چ جی کیتا۔ منظور عارف جدوں چھا چھی بولی چ شعر آکھن لگے تے اُس ویلے تک اُن اردو شاعری چ ترقی پسند شاعر نے طور تے اپنے پیر جما چکے ہئے۔

اس دور چ ترقی پسند تحریک نابلہ زور باقی ہیا۔ پاکستان نے کئی شہراں چ اس نیاں جڑاں پھیلیاں وئیاں۔ پاکستان توں پرے ہندوستان نے شہراں الہ آباد، کانپور تے ہور کئی وڈے شہراں چ مولانا حسرت موہانی تے اُنھاں جے ہور ترقی پسند ادیبیاں کئی کانفرساں کیتاں۔ اس توں پہلے منظور عارف ۱۹۴۹ء چ لاہور چ ترقی پسند ادیبیاں نی کانفرس چ شامل ہوئے۔ جدوں اُن کیمبل پور (اٹک) مڑ کے آئے تے ترقی پسند تحریک نا اتھے بی مڈھ لایا۔ اُنھاں نی پہلی چھا چھی نظم ”مینڈے منے آں بچاؤ“ سب توں پہلی واری ۱۹۵۰ء وچ ”امروز“ لاہور چ چھپی جساں بعد چوں ”نعمیر“ راول پنڈی بی پنجاب نی دہائی چ چھاپا اس نظم ادبی حلقیاں چ بہوں ناں کمایا۔ اس نظم نئیں پس منظر چ بی منظور عارف ہوراں اپنے علاقے نی ثقافت، تلے طبقے نے مصیبتاں نے مارے لوکاں نی تکلیفاں، وڈیریاں تے ہماڑاں نی تفریق تے نویں نسل نی فکر آں محسوس کیتا، ظلم نے خلاف دوہائی تے استحصالی نظام چوں نکلنے نی فکر بی دتی۔ پروفیسر وسیم حیدر اُنھاں نی شخصیت تے مقالہ لکھ کے پنجاب یونیورسٹی چوں ایم۔ اے نی ڈگری گھدی تے غلام علی یاسر علامہ اقبال اوپن یونیورسٹی توں ایم فل نی ڈگری آسے اُنھاں نے ”کلیات“ نی تدوین کیتی۔ اردو شاعری نی کتاب ”لہر لہر دیا“ اُنھاں نی زندگی وچ احمد ندیم قاسمی چھاپی۔ منظور عارف ہوراں ہک وار راول پنڈی وچ دل ناں دورہ بی پیا ہیا۔ اس توں تچھے اُن بہوں کمزور ہو گئے ہئے تے فر کجھ سالوں بعد ۳۰ نومبر ۱۹۸۰ء نی ہک شامی اس دنیا توں رُ گئے۔



منگیو

فی میں کھڑ کھڑ ہساں
 گل کوئی وی نہ دساں
 ماہی پُچھے تے میں نساں
 مینڈے مائیے فی ما
 اج لا گئی اے دا
 ساڈے گھار آکے
 مینڈا ناں چا کے
 مینڈا جھاکا بھن گئی
 مینڈی ما من گئی
 ہُن خواہاں وچ وساں

۱۱

نی میں کھڑ کھڑ ہساں
 گل کوئی وی نہ دساں
 ماہی پُچھے تے میں نساں
 ہُن چھاویں چھاویں چھپاں
 ہُن چڑھ گنیاں دھپاں
 ہُن نیواں نیواں تکاں
 سارے لوکاں کولوں جھکاں
 بس اج ہس گھناں
 اج نس شس گھناں
 اج لٹ گھناں چساں
 نی میں کھڑ کھڑ ہساں
 گل کوئی وی نہ دساں
 ماہی پُچھے تے میں نساں

○

پرایا گھار

۱۱

بھاویں لکھ سَکھ ہوون بھاویں رہونہ گھار پرائے
سیجاں نے پھل کنڈیاں وانگن چُھنے رب بچائے

گھار پرائے جاتک ڈاہڈے، گھبرولے ویکھے
گھار پرائے بڈھیاں رویاں، کڑیاں ہاسے پائے

گھار پرائے سونا چمکے، چاندی لشکاں مارے
گھار پرایا چیز پرائی، مینڈا کی وے مائے

سیٹھ اکھاوے دھیاڑی لکھاں دیوے لکھاں گھنے
ساری راتی دل وچ گننا ریوے پائی پائی

سونا رنگ برنگ پشا کاں ویکھ کے نوکر ہوئی
بھکی بھانی تن تے لیراں گھن کے نکلی مائی

چھوڑ کے گھار پرایا عارف، اپنا گھار بنایا
پھوہڑی اُتے بوری ڈاہی، ڈاہڈی نیندر آئی

گھار پرائے گنن نوالے، کس کس کتنی کھاہدی
غیر نے گھار غلامی ویکھی اپنے گھار آزادی



مینڈے مئے آں بچاؤ

اٹکاں نی زیارتاں تے ونج ونج کے پیر بلنیاں دھپاں وچ ساڑ ساڑ کے
اللہ چن جھولی پایا، دیوے بال بال کے تیل پا پا کے، جھنڈے چاٹر چاٹر کے

جدوں مئے چھیویں سالے وچ پیر دھریا، جوان بھیناں نیاں دلاں وچ وس وس کے
پنجاں پیساں ناں زیارتاں تے تیل گھن گئی مناں نال چا کے، لوکاں دس دس کے

مینڈا سائیں، مینڈی دھیاں مینڈے مئے واسطے مویا، مکاں نیں ڈیریاں تے رُل رُل کے
مناں چھیاں سالاں ناں تے دھیاں جوان بوہے، چیرکاں زور زور تے روواں گھل گھل کے

میں نسواراں پٹیاں، میں نسواراں چھانیاں میں کراڑاں نیں تمباکو اتوں لایاں ڈنیاں
سروں چھیل لاه کے گال پول چھوڑیاں تتی دھپاں وچ اکھیاں نی دوہے گھنیاں

نی میں مختاں مشقتاں ہزار کر کے، دھیاں چاچیاں نے پتراں نے گھار ٹوریاں
گھلے مٹھے والیاں، لمی قدے والیاں، کالے والا والیاں، مسکین گوریاں

مزے نال مینڈے گھرو جواترے دوئے، خان گھن گیا نال ہتھ پھیر پھیر کے
انگریزی فوج وچ ونج بھرتی کرائے، چواں ٹکلیاں پچھے دوآں گھیر گھیر کے

مینڈی پھلاں جنیاں لش لش کرنیاں دھیاں، ہتھوں مہندی بی نہ لاہی، اتوں لام لگ پئی
اُوہ بی لٹی پٹی گنیاں، میں بی لٹی پٹی گئی، اُوہ بی اُجڑ گنیاں، میں بی اُجڑ گئی

اج وت ہک شہری بابو شہروں آکے، لوکاں دس گیا لام ہک ہور لگسی
لکھا ماواں نے کلیجے ہُن ہور بلسُن، لکھاں ہور مر سُن، لہو ہور وگسی

مینڈا مِٹاں اج پورے آں اٹھاراں سالاں نا، لکھ عاجزی کرے سینہ تان سکناے
اج خانان نیاں دھیاں اُسّاں ایجوں تکسُن، جیجوں چودھویں نے چنے آں چکور تکناے

مینڈے پُتر و، بھراؤ مینڈے منے آں بچاؤ، سوہنی جاناں نہ گماؤ ماواں جھیناں نہ رواؤ
جیہڑے بھکھا رکھنیں، جیہڑے ننگا رکھنیں، جیہڑے لام لائن اُنہاں توفان تے اُذاؤ

۱۱

چھچھے نے کُڑیے

شہر کراچی وچ کبھی ڈاہڈی یاد آئی ایس

بھیڑا شہر چھچھے توں دُور

اپنے لیکھووں میں مجبور

دُنیا ٹکٹ کٹا کے بہہ گئی

مار کے سیٹی، مڑ پئی گاڈی، یاد آئی ایس

چھچھے نے کُڑیے

شہر کراچی وچ کبھی ڈاہڈی یاد آئی ایس

اتھے رنگ برنگیاں گُڑیاں

اُچیاں لمیاں، پڑیاں گُڑیاں

میں ٹوڈاں (ڈھونڈاں) تینڈاں کد بُت

تینڈیاں اکھیاں، تینڈی کھاڈی

چھچھے نے کُڑیے

شہر کراچی وچ کبھی ڈاہڈی یاد آئی ایس

(نظم ”چھچھے نے کُڑیے“ وچوں)

○



رب جی ماف کریں

جے کسے آں ویکھاں رَج کے
 کسے تے ڈُل کے نیڑے اَج کے
 چیرا لا کے یا سر گج کے
 مینڈیاں اکھیاں سَر بِل وُنجن
 آنے وینے سا گھل وُنجن
 (نظم ”رب جی ماف کریں“ وچوں) ۱۷



غلام ربانی فروغ

غلام ربانی فروغ یکم مارچ ۱۹۳۲ء وچ کیمبل پور (اٹک) وچ فتح محمد نے گھار^{۱۱} اکھ کھولی۔ بزرگ ریلوے وچ نوکری کرنے ہئے نیں جدوں انھاں نی عمر کوئی پندرہ ہک سال ہئی تے پیونی موتاں نادکھ دیکھنا پیا۔ سکول چھوڑ کے نکی عمراں وچ ای بزرگاں نی جائی ریلوے وچ نوکر ہو گئے۔ ۱۹۵۱ء وچ پرائیویٹ طور تے میٹرک پاس کر کے ایرفورس وچ بھرتی ہو گئے۔ ۱۹۵۸ء آں پنجاب یونیورسٹی توں بی اے کیتا۔ ایرفورس نی نوکری نی مدت پوری کرنے توں بعد ۱۹۷۵ء وچ ریٹائر ہوئے۔ کجھ عرصہ ڈی سی آفس کیمبل پور (اٹک) وچ اسسٹنٹ نے طور تے کم کیتا۔ اس توں بعد انھاں اگے پڑھن آں اہمیت دتی تے پہلوں ایم اے اردو کیتا و ت پنجابی نال ڈوہنگی لگت ہون نی وجہ توں پنجابی وچ ایم اے نی ڈگری حاصل کیتی۔ ۱۹۸۶ء وچ پنجابی نے لیکچرار نے طور تے نوکری مل گئی۔ پہلوں گورنمنٹ کالج پنڈی گھیب وچ پڑھایا و ت گورنمنٹ کالج حضرو وچ تبادلہ ہویا۔ جتھے کجھ سال پڑھانے توں بعد ۱۹۹۲ء وچ نوکری توں ریٹائر ہو گئے۔

۱۹۴۵ء وچ شاعری شروع کیتی۔ انھاں نے استادان وچ ملکھی رام برق دہلوی تے رضا ہمدانی شامل نیں۔ اردو تے پنجابی وچ شاعری کرنے توں علاوہ مقامی بولی کیمبل پوری نے مشہور شاعر نیں۔ پنجابی زبان وچ انھاں ادبی نوعیت نے کجھ مضمون بھی لکھیں۔ شاعری نیاں دو کتاباں چھپ چکیاں نیں۔ ۲۰۰۱ء وچ نعت نی کتاب ”حرفِ نیاز“ تے ۲۰۰۴ء وچ اپنی مقامی زبان کیمبل پوری وچ ”وسنار ہوئے گراں“ چھپی جساں پنجابی نے ادبی حلقیاں وچ بہوں پسند کیتا گیا۔

۱۱

باغ نیلاب

باغ نیلاب پتن بیڑی نا
موڑ مڑے جتھوں سنھوں نا پانی

نوری پیر نی اُچی زارت
دوروں دسے اس نی نشانی

سنھ دریا نا اتھرا پانی
دوروں رولا پانا آوے

نوری پیر نے نیڑے آکے
نال ادب نے چپ ہو جاوے

باغ نیلاب مقام اے پیارا
اٹک نی دھرتی اُتے اُرار اے

ساوی جُوه نظام پورے نی
آمن سامن پرلے پاراے

۱۱

ادھر پہاڑ نا مڈھ سہانا
اُدھر بی دھرتی اُتے بہاراے

کالا چٹا بانکا پربت
واڈیاں کیتا روپ سنگھاراے

یا ایہہ دھرتی آپے سوہنی
یا وت سوہنا مینڈا پیاراے

وسے پیا ایہہ پتن پیارا
بیڑی سلامت جیون مہانے

اس وسنی نی خلقت شالا
مولا پاک نی رحمت مانے (۱۸)

○

تائب رضوی

تائب رضوی نا اصل ناں سید عنایت علی شاہ ہیا۔ ۲۴ جنوری ۱۹۳۴ء چ سید ہدایت شاہ نے گھارشمس آباد وچ اکھ کھولی نیں۔ انھاں نے پرانا سید مہتاب شاہ تے نانا سید ولایت شاہ شاعر تے ہگے وے عالم ہئے۔ تائب رضوی آں شاعری اپنے خاندان نے انھاں بزرگاں نی دین اے۔ انھاں درس نظامی نی تعلیم نال ادیب فاضل تے حکمت نی تعلیم بی حاصل کیتی۔ حکمت نی سند ملے توں بعد کیمبل پور چ اپنا حکیم خانہ بنایا۔ بہوں نکی عمر اں توں ای شعر آکھنے شروع کر دتے ہئے نیں برے انھاں واں شاعری چ اس وقت شہرت ملی جدوں اوہ کیمبل پور توں ادبی مرکز لاہور چلے گئے۔ قتیل شفائی اوراں اپنی آپ بیتی ”گھنگر وٹوٹ گئے“ چ انھاں نی شخصی زندگی نے ہک پہلو آں مذاخ نے طور چ بیان کیتا۔ تائب رضوی نا پنجابی تے چھاچھی کلام کئی رسالیاں چ چھپنا ریا برے انھاں نی کوئی کتاب نہ چھپ سکی۔ تائب رضوی نا ہک مشہور گیت ”تیرا جیوے کیمبل پور کڑیے“ ۷۰ء نی دہائی چ ریڈیو پاکستان ملتان توں تواتر نال نشر ہونا ریا۔ اس گل نا ذکر اٹک توں چھپن والے رسالے ”قدیل“ نے سلسلے چ ڈاکٹر کنول فیروز مینڈھے ناں خط چ کیتا ہیا۔ اس گل توں اُس وقت چ انھاں نی شہرت نا اندازا لایا ونج سکنا اے۔ انھاں واں پنجابی شاعری نی اسی خدمت نے صلے چ ”وارث شاہ“ ایوارڈ دتا گیا۔ حکیم تائب رضوی نی ہک ہور ہگ ای بی اے جے انھاں محترمہ فاطمہ جناح نی پارٹی نی طرفوں صدر ایوب نے خلاف ایکشن لڑا ہیا۔ تائب رضوی نی موت ۵ ستمبر ۱۹۸۲ء آں لاہور وچ ہوئی انھاں واں اُتھے ای ٹاؤن شپ نے قبرستان چ دفنایا گیا۔ موتاں توں بعد ۱۹۸۲ء چ شہزاد احمد پنجاب یونیورسٹی لاہور توں انھاں نی شخصیت تے فن تے مقالہ لکھ کے ایم اے نی ڈگری حاصل کیتی۔

آپنا گراں (لوک گیت)

11

آپنا گراں ہووے
 توتیاں نی چھاں ہووے
 وانے نی منجی اُتے
 سرے تلے بانہہ ہووے
 آپنا گراں ہووے
 جتنے دیہاڑے جیواں
 خوشیاں نا سائیں تھیواں
 لسیاں تے دُده پیواں
 کَلے تے گاں ہووے
 آپنا گراں ہووے
 شملہ اُچیرا رکھاں
 ہتھے چ بٹیرا رکھاں
 حُزرے چ ڈھیرا رکھاں
 سنگیاں چ ناں ہووے
 آپنا گراں ہووے
 چلماں نے سُوٹے لاواں
 ماہیے تے ڈھولے گاواں
 تیرے بوئے تے آواں
 جے تیری ہاں ہووے

۱۱

اڈیک

جدوں بوہا کھڑکے
دل پیا دھڑکے

کی آکھاں کون آیا
کس بوہا کھڑکایا

کوئی چور آیا ہوسی
یا کوئی ہور آیا ہوسی

متے ہووے گھرے والا
مونہوں چٹا دلوں کالا

اٹھاں ونجاں کھولاں بوہا
آہا آہا اوہا اوہا (۱۹)

○

مشتاق عاجز

مشتاق عاجز نے پیو دادے ناں گراں ضلع اٹک نی تحصیل حضروچ سیدن اے¹¹
برے انھاں نا خاندان بہوں چرتوں اٹک شہروچ و سنایا۔ انھاں نی جم کیم اپریل ۱۹۴۴ء
آں تحصیل جنڈوچ ہوئی۔ پڑھائی نامڈھ ایم سی مڈل سکول اٹک توں لگا۔ میٹرک ۱۹۶۰ء چ
پاس کیتی اس توں کچھے گورنمنٹ کالج کیمبل پور اٹک وچ داخل ہوئے جتھوں ۱۹۶۲ء وچ
ایف اے تے ۱۹۶۴ء چ اسی کالج توں گریجویشن کیتی۔

۱۹۶۶ء وچ محکمہ تعلیم نال جڑ گئیں انھاں نی پہلی ڈپٹی ہیڈ ماسٹر نے طور تے جہی
کسراں چ ہوئی۔ نوکری نال پڑھائی نا سلسلہ بی چلنا رہیا تے ۱۹۶۹ء وچ پنجاب یونیورسٹی
توں ایم اے اردو نی ڈگری گھدی۔ ۱۹۷۴ء چ ایم ایڈ کیتا۔

۱۹۷۸ء وچ انھاں اسسٹنٹ ڈسٹرکٹ انسپکٹر سکولز لا دتا گیا۔ ۱۹۸۹ء وچ ڈپٹی
ڈسٹرکٹ ایجوکیشن آفیسر پنڈی گھیب بنادتا گیا۔ ۱۹۹۳ء آں اسی عہدے تے انھاں ناں
تبادلہ اٹک چ ہويا۔ ۱۹۹۴ء وچ ہیڈ ماسٹر بن کے فتح جنگ ہائی سکول چلے گئے تے چار
سال ہیڈ ماسٹری نی ڈپٹی دین توں بعد ۱۹۹۸ء وچ ریٹائرمنٹ گھن کے گھار آ گئے۔

۱۹۶۳ء توں شاعری کرنے پین۔ پہلوں پہل حکیم تائب رضوی نی شاگردی کیتی
اس توں کچھے انھاں کیں استادنی لوڑ نیں پئی۔ اردو تے پنجابی نے چنگے ہلے وئے شاعر نیں
اپنی کیمبل پوری (چھا چھی) وچ شاعری نے نال کہانیاں بی لکھیاں نیں جیہڑیاں ”سہ ماہی
قدیل اٹک“ نے پنجابی گوشے وچ چھپنیاں ال ریاں۔ اس توں علاوہ انھاں نی ہک ادھ
کہانی لاہور نے رسالے ”پنچم“ وچ بی چھی اے پنجابی شاعری نی کتاب ”پھلائی“ نے
نائیں نال چھپ گئی اے جہڑی ادھی نکسالی رنگ وچ اے تے ادھی مقامی بولی چ۔ برے
ہلا تک کہانیاں نی کوئی کتاب نیں چھپ سکی۔

ادب توں ہٹ کے مصوری بی کرنین انھاں کئی کتاباں نے شعراں فی مصوری
 کیتی ۱۹۷۷ء وچ ”جواب شکوہ“ نے پندرہ بند پین اینڈ انک وچ مصور کیتے نیں۔ اپنی
 کتاب ”سپورن“ نے ۱۰ باباں آستے دکھریاں وکھریاں تصویراں بنائیاں۔ ڈاکٹر ارشد
 محمود ناشاد نے کجھ شعراں نیاں تصویراں بی بنائیاں جیہڑیاں ڈاکٹر ناشاد نے مجموعے
 ”رنگ“ وچ شامل ون۔

مشتاق عاجز اوراں نکلے ہونیاں توں ای موسیقی ناں شوق ہیا جوانی وچ گیت غزلاں
 گانے تے بینجو بی وجانے ہئے۔ اردو تے پنجابی شاعری نیاں پنج کتاباں چھپ چکیاں نیں
 ۔ انھاں فی حیاتی تے فن تے ”خراج“ نے نائیں نال کتاب بھی چھا جھی گئی اے۔ کئی ادبی
 تنظیمیں انھاں واں ایوارڈ بی دتے ون، ہن کئی سالاں تے پھیلی اپنی زندگی نے بارے
 وچ کتاب پئے لکھنے ون۔

رستی

مُنی وینا بھڈ، جت لاہی وینا لیلے فی
 کتی وینا رستی، گھانی گھتتی وینا ویلے فی

ڈھیرنا بھنوائی وینا، رستی وٹی وینا وے
 پیرے پیرے ساہے والا پینڈا گھٹتی وینا وے

وٹی وئی رستی پیا ڈھیرنے تے ولنا
 ہولے ہولے عمراں نا دیہوں پیا ڈھلنا

۱۱

ایہا تلہارے نی تے نتھ اسے رسی نی
بھارواں نے گل پئی رسی بے وئی نی

ایہا گلدانویں نی تے ایہا رسی ڈھنگے نی
وچھی سقہ واہداں نی تے بھانویں فتح جنگے نی

وہیڑا میانوالے نا تے بھانویں جتیا لاں نا
داند بھاویں قُطبے تے بھانویں قُطبالاں نا

بھانویں کوئی میلے نے میدان پیا سجنا
بھانویں مٹھا ٹرنا تے بھانویں چنگا بھجنا

بھانویں گل گانیاں تے بھانویں پیاں ٹلیاں
رسیاں نیں بھار وَاں نے گلے نال ولیاں

جیہڑے پاسے دل کرے سائیں رہوے موڑنا
بھار وَاں نی رسی سائیں ہتھوں نہیں چھوڑنا

مک وینا پینڈا جدوں راہ مک وینے ون
رسی کھلھ وینی جدوں ساہ مک وینے ون (۲۰)

ونگاں (گیت)

۱۱

رتیاں پیلیاں ساویاں ونگاں، ونگاں رنگ برنگیاں
کچیاں سنگاں کولوں گُڑیو کچ نیاں ونگاں چنگیاں

ونگاں نے چھنکارے وچوں ڈلھ ڈلھ پینے ہاسے
سوچاں تے فکراں وچ گُڑیو ونگاں دین دلا سے
ونگاں باہجوں وینیاں لگنیاں ہجر وچھوڑے ڈنگیاں
کچ نیاں ونگاں چنگیاں

دُڈھ رڑ کو تاں چھن چھن چھنکن، یاد کراؤن ڈھولا
گھمر پاوے لال مدھانی، گاؤن گاوے ڈولا
ونگاں لگنیاں سجریاں سدھرں بانہواں نال ونگیاں
کچ نیاں ونگاں چنگیاں

ونگاں والی بانہہ ایوں لگنی جیویں پھلّاں نی ڈالی
گوریاں بانہواں ونگاں باجھوں وِسنیاں خال مخالی
اس عمراں نہیں چنگیاں لگنیاں بانہواں ننگ مُتنگیاں
کچ نیاں ونگاں چنگیاں

جے کوئی تینڈھی بانہہ چا پئے، ویکھیں ونگ نہ بھجے
ما نو پُیو کولوں کیس بی تینڈھا ہتھ نہیں منگا جے

ونگ امانت اُس فی کُڑیے جس ایہہ باہواں منگیاں
کچ نیاں ونگاں چنگیاں

۱۱

ایہہ گل مانہہ ونگیاری دسی ونگیارے سمجھائی
ونگاں نانہہ چھنکواویں کُڑیے ہر ویلے ہر جائی
نہیں تاں بدنانویں فی سولی ساہواں رہسن ٹنگیاں
کچ نیاں ونگاں

چنگیاں (۲۱)

○

کوکلے

ہکا کھیڈ سَکھلی جاتی
کوکلے کھیڈے نال حیاتی
کولیاں نال پرائیاں کدھاں
کل بی کالیاں کرنا رہیاں
اَج بی چٹیاں ورقیاں اُتے
کالے کوکلے پانا پیاں (۲۲)

○

غزل

۱۱

رب سوہنے نیاں بے پروائیاں
 ہچیاں لال پوشاکاں پائیاں
 بھلکھے سیں گئے رب نے بندے
 رَج رَج کھاہدا مچھیاں گائیاں
 نوکراں واسے پھوہڑی تر ڈا
 کُتیاں واسے نرم تُلایاں
 سدھے کم اچٹھے ہو گئے
 ویلے آن اچٹھیاں چائیاں
 بُوہے آن غریبی بیٹھی
 کنڈ چا کیتی بھیناں بھائیاں
 بن وینا ڈھڈے نا کوہتھر
 کیہ چٹنی کیہ دُدھ ملائیاں
 مٹھی نظری جے کوئی تے
 اُس نیاں گلاں بی مٹھیاں
 ساہے نا سیت وساہ نہیں عاجز
 کنیں فی آگڑ، کیہہ وڈیاں (۲۳)

شیخ محمد سلیمان

انہاں نے پیو دادے ناں گراں تے کامل پور موسیٰ ہیا برے کالو خورد چ بھی^{۱۱}
 انہاں نے برزگاں نیاں بہوں زمیناں ہیاں جس کرا انہاں نے دادے اوراں کالو خورد چ
 ای پکے ڈھیرے لائے۔ جتھے ۱۵ مئی ۱۹۴۶ء چ شیخ محمد سلیمان نی جم ہوئی۔ پیو ناں شیخ
 عبدالعزیز صدیقی اے۔ انہاں ناں پیشہ بھی زمینداری رہیا۔

شیخ سلیمان اوراں پنجویں تک اپنی گرائیں نے پرائمری سکول پڑھا، وت شمس آباد نے
 ہکی سکول چ داخل ہوئے جتھوں ۱۹۶۱ء چ اٹھویں پاس کیتی۔ اٹھویں توں بعد اوہ کراچی
 چلے گئے ہئے تے ناویں اُتھے ای پڑھی۔ اس توں بعد ان اپنے گراں مُڑ آئے تے شادی
 خان نے ہائی سکول چ داخل ہو گئے جتھوں ۱۹۶۳ء دسویں پاس کیتی۔ اس توں کچھ اوہ ہک
 واری وت کراچی چلے گئے جتھے اوہ علی آٹوموبائلز کمپنی چ کلرک نی نوکری کرن لگ پئے
 ۔ نوکری نے نال پڑھائی بی کرنے رئے تے ۱۹۶۶ء چ اسلامیہ کالج (گرو مندر) کراچی
 توں ایف اے کیتا۔ ۱۹۷۰ء چ کراچی یونیورسٹی توں بی اے کیتا۔

۱۱ اپریل ۱۹۸۷ء چ نوکری ختم ہون توں پہلوں ای انہاں ریٹائرمنٹ چا گھدی
 تے اپنے گراں مُڑ آئے۔ کجھ عرصے نی بیکاری توں بعد راول پنڈی چلے گئے جتھے ۲۰۱۷ء
 تک آٹوموبائلز چ نوکر رئے۔

نکے ہونیاں توں ای شعر آکھن لگ پے ہئے۔ سکول چ بیت بازی نے مقابلیاں چ
 بھی حصہ گھننے رئے۔ شاعری نے نال کجھ اخباراں چ کالم بی لکھنے رکین۔ انہاں نے کالم
 ہفتہ وار اخبار ”ندائے وقت“ چ ”بقدر ظرف“ تے ”روالپنڈی ویوز“ وچ ”ابلیس کی ڈائری“
 نے عنوان نال چھپنے رکین۔



اسی کیچے لوک آں

اسی کیچے لوک آں
 اسی ایچے لوک آں
 جھتے کتھے ظلم ہووے
 اکھاں نال ویکھ کے
 کناں نال سُن کے
 ڈورے بن وینے
 آں

انھے ہو وینے آں
 دڑ وٹ وینے آں
 پرے ہٹ وینے آں
 اسی کیچے لوک آں
 اسی ایچے لوک آں



میاں بابے ناں حجرہ

۱۱

اس جگہ نی ہر شے فانی اے کر سوچ و چار تے غور اتھے
 جو کل ہیا اوہ اج نہیں اے رہیا، سدا نہ ہک ای دور اتھے
 کل رنگ ہیا گچھ ہور اتھے، اج رنگ تے روپ اے ہور اتھے
 رب جانے آنیاں وقتاں واں کی ڈھنگ ہوسی کی طور اتھے
 اوہ ویلہ مہر محبتاں ناں تے یاری یار نبھانے ہے
 اوہ ساتھی غمیاں خوشیاں نے دکھ سکھ سب مل ونڈانے ہے
 ہر مشکل غم مصیبت وچ ہک دوجے نے کم آنے ہے
 اوہ لوک ہے وڈیاں دلاں نے تے سارے بھار ہی چانے ہے
 اوہ وقت گیا اوہ سیت گئی اوہ میت گئے اوہ یار گئے
 گچھ مر کے مٹی وچ مل گئے تے اپنا وقت گزار گئے
 کوئی جینے جی ای گم گئے نے لوک انہاں وسر و سار گئے
 جو اکا دکا رہ گئے نے چپ بیٹھے نے تھک ہار گئے
 ہک حجرہ میاں بابے ناں جتھے رل مل سارے آنے ہے
 اوہ رونق میلے یاراں نے جتھے سارے من پر چانے ہے
 اوہ سنگی ساتھی یار سجن جتھے ڈھولے مایہے گانے ہے
 ہک جاہگاں جو کچھ پک ونجے مل بہہ کے سارے کھانے ہے
 کی لکھاں شان اس حجرے نی ای حجرہ عالی شان بی اے
 ای حجرہ کالو کوٹھے نی تاریخ بی تے پہچان بی اے (۱۶)

(نظم میاں بابے ناں حجرہ چوں)

توقیر چغتائی

توقیر چغتائی نانائ محمد مشاق اے۔ ۱۳ مئی ۱۹۶۱ء وچ مولوی حافظ عبدالقیوم^{۱۱} نے گھارا کھولی۔ انھاں نی جم پل بوٹا گراں نی اے تے پنجویں جماتاں تک اسی گرائیں نے ہک پرائمری سکول چ پڑھا۔ اٹھویں گورنمنٹ مڈل سکول اکھوڑی تو پاس کیتی تے وت گورنمنٹ پائلٹ سکینڈری سکول اٹک شہر وچ داخل ہوئے جتھوں میٹرک پاس کیتی۔ ایف اے توں بعد کراچی یونیورسٹی توں پرائیویٹ طور تے بی اے کیتا۔ ایم اے نی ڈگری وفاقی اردو یونیورسٹی کراچی توں ماس کمیونیکیشن چ گھدی۔ کجھ چر پرائیویٹ طور تے کراچی وچ کم کیتا فرپاکستان نیوی وچ نوکری کیتی۔

پنجابی نے ہلے وے شاعر تے کہانی کار اُن۔ پنجابی توں علاوہ اردو زبان وچ بی لکھا نیں پر انھاں نی ہلک پنجابی زبان وچ ای اے۔ انھاں نی پہلی پنجابی کہانی ۱۹۸۰ء وچ ”لہراں“ رسالے وچ چھپی۔ ۱۹۹۰ء توں کچھ جدوں امرتا پریم انھاں نیاں کہانیاں ”ناگ منی“ چ چھاپیاں تاں انھاں نی مشہوری پاکستان توں بعد بھارت وچ بی ہوئی۔ بعد چ نظماں تے کہانیاں ”تماہی پنجابی ادب“ ”آرسی“ ”سانجھ“ ”اجیت“ ”نواں زمانہ“ تے ”پریت لاری“ انڈیا وچ چھپیاں۔ توقیر چغتائی اوراں کراچی تھیٹر آسے بی لکھاتے اس وچ اداکاری بی کیتی۔ ۱۹۹۰ء وچ علی رضی نال رل کے کراچی ٹیلی ویژن وچ ”سچی کہانیاں“ نے نائیں نال ڈرامے چ کم کیتا۔

ادب نے نال صحافت بی کیتی ۱۹۸۹ء وچ حضور ضلع اٹک توں چھپنے آ لے علمی تے ادبی رسالے ”سماج“ آسے کراچی توں معاون مدیر نے طور تے کم کیتا۔ کراچی توں ”نچھلی“ ”رُت“ تے ”وارث شاہ“ نے نائیں نال پنجابی رسالے چھاپے۔ ۱۹۹۰ء توں بارہ سال تک کراچی توں چھپنے آ لے سیاسی، ادبی تے سماجی رسالہ ”جفاکش“ نے ایڈیٹر

رہیں۔ ہک سال ”المشرق“ اسلام آباد تے ترے سال روز نامہ ایکسپریس کراچی نے ایڈیٹر رکین۔

جون ایلیا تے ذاہدہ حناناں ”روشن خیال“ وچ کم کیتا۔ ماہنامہ ”باغ“ کراچی، ”قومی اخبار“ کراچی، ہور کجھ دُوئے اخباراں وچ بی کم کیتا۔ سماء ٹی وی آسے کم کرن توں علاوہ کجھ سال توں ایف ایم ریڈیو کراچی توں اپنے علاقائی لہجے وچ ”اپنی دھرتی اپنے لوگ“ نے ناخیں نال ہک پروگرام کرنے پئین۔ پنجابی کہانیاں نی ہک کتاب ”اخیر لاہنجو“ اُتے انڈیانی ہک یونیورسٹی وچ ایم اے نامتوالہ لکھا گیتے نالے ہک کہانی آں یونیورسٹی نے نصاب وچ شامل کیتا گیا۔

کتاباں: ۱۔ وچھوڑا (شاعری)

۲۔ اخیر لاہنجو (کہانیاں)

۳۔ ولوہنا (شاعری)

۴۔ لانگھا (کہانیاں)

مندری

کوئی نہ تکتے جتھے رکھاں

تو نڈی مندری کتھے رکھاں

جو بے نے وچ پا کے رکھاں

سینے نے نال لا کے رکھاں

ساریاں کولوں چھپ چھپ تکاں

تو نڈی مندری کتھے رکھاں

مندری کتھے گم نہ ونجے

۱۱

مندری نی گل دُھم نا ونجے
 ہر ویلے اس گل توں جھکاں
 تونڈی مندری کدھرے رکھاں
 تھیوے وچ توں نظری آویں
 راتی آویں فزری آویں
 تونڈا ویڑھا مینڈیاں اکھاں
 تونڈی مندری کتھے رکھاں (۲۴)

○

ٹکڑے

ٹکڑے آندے پن کے
 ولے ناٹھوٹھا گھن کے
 گُمیا گجھ بدراتی نا
 دیواڈ سکے راتی نا
 دُھواں رووے باقی نا
 رہ گیا مان چواتی نا
 بوٹی بوٹی رنھ کے
 ٹکڑے آندے پن کے
 کتا بھونکے گلیاں چ
 رویا کوئی چھلیاں چ
 کنڈے پوڑ کے تلیاں چ

مریا کوئی تسلیاں چ

زرے دلا سے گھن کے

ٹکڑے آندے پن کے (۲۵)

کھگ

ہڈیاں اُتے

نظری ہک ہک رگ آنی اے

بابے آں ہُن کھگ آنی اے

آندرد اندے نی پوچھل نپ کے

بنے اُتوں واہنا یا

موڈھے تے ڈھائی منی بوری

چانا یا

غنی خوشی تے

لوتے ناکٹوا کھانا یا

ہون تے نچھ بی جے آونجے

نکے وچوں جھگ آنی اے

بابے آں ہُن کھگ آنی اے (۲۶)

○

ثقلین عباس

سید ثقلین عباس شاہ ۳ ستمبر ۱۹۶۷ء آں تحصیل فتح جنگ نے ہک گراں ہمک وچ ^{۱۱}جے۔ انہاں نے بزرگ سید شاہ فردوس صاحب بہوں چنگے تے نامی استاد ہئے۔ ثقلین عباس میٹرک ناں امتحان گورنمنٹ پائیلٹ سکینڈری سکول اٹک توں ۱۹۸۳ء وچ پاس کیتا۔ میٹرک توں بعد گورنمنٹ کالج اٹک وچ داخل ہوئے جتھوں ۱۹۸۵ء وچ ایف اے ناں امتحان پاس کیتا تے بی اے ۱۹۸۷ء وچ کیتا۔ بی اے کرن توں بعد کجھ سال پڑھائی توں دوری رہی تے وت ۱۹۹۵ء آں پنجاب یونیورسٹی لاہور توں پرائیویٹ طور وچ ایم اے اردو نی ڈگری گھدی۔

۱۹۹۵ء وچ انہاں واں ایلمینٹری انگلش ٹیچر نے طور تے نوکری مل گئی۔ انہاں نی پہلی تقرری گورنمنٹ بوائز پرائمری سکول ڈھوک پٹہ یونین کنسل اکھوڑی وچ ہوئی جتھے ۱۴ ستمبر ۱۹۹۵ء توں ۱۹ نومبر ۲۰۰۸ء تک پڑھایا۔ وت انہاں نا تبادلہ ای ایس ٹی نے طور تے گورنمنٹ ہائی سکول ماڑی کنجور ہو یا جتھے ۲۳ جون ۲۰۱۷ء تک پڑھانے رہے۔ ہن ہک سال توں گورنمنٹ بوائز ایلمینٹری سکول بروٹھہ وچ ایس ایس ٹی ڈپٹی انجام دینے پئے ون۔

۱۹۸۷ء توں شعروادب نال جڑے وئیں۔ شاعری وچ (مرحوم) حکیم حیدر واسطی انہاں نے استاد ہئے۔ اٹک نی ادبی تنظیم ”قندیل ادب“ نے اساسی رکن رئیں۔ ہن تحریک ادب اٹک نال جڑے وئیں۔ ۲۰۱۷ء توں مشتاق عاجز صاحب نی سرپرستی وچ اٹک توں ہک چھ ماہی پنجابی رسالہ ”فنگاں“ چھاپنا شروع کیتا۔ اس رسالے نے چھپن نال اپنی ماں بولی ناں مان ودھاتے نالے اس بولی وچ لکھن ناں رجحان بھی پیدا ہو یا۔ ثقلین عباس شاہ بہوں چرتوں اردو زبان وچ شعر آکھنے پئیں ہن کجھ عرصے توں انہاں بی مقامی بولی وچ لکھن نی متھ گھدی اے تے بہوں جلدی ”ورھے نی رات“ نے نائیں نال کیمبل پوری بولی وچ شاعری نی کتاب اساں نے ہتھے وچ ہو سی۔

وچھوڑا

۱۱

مینڈے جو بے چوٹے گئے
 مونہہ سرمٹی مٹی
 گھریاں اُتے پنیاں پھٹاڑاں
 ہتھاں اُتے چھالے
 وال بی جڑ کے لبھاں ہوئے
 اکھیاں ہوئیاں آلے
 ہک واری جے توں مل ونجیں
 جندڑی سرت سنبھالے (۲۷)

○

بختاں فی کتاب

اس نے ورقے ورقے اُتے لکھیا وے پچھتاوا
 اس تے چھاپیاں بوٹیاں اُتے پترنیں کوئی ساوا
 نالے ڈنگ پھڑنگیاں لیکاں ہور کہانی چھوون
 نا سمجھی آں سمجھن آلیاں اکھیاں ڈاھڈیاں روون
 ٹھپ کے رکھ وچ آلے اندر، جندڑی ہو گئی جھلی
 دے جوگی گل نئیں انجم دیوے کون تسلی

سید نصرت بخاری

کامرہ کلاں اٹک شہرتوں کچھ میل دور ہک قدیم گراں وے، نصرت بخاری نی جم^{۱۱} پل اسی گرائیں نی اے انھاں ۶ جون ۱۹۶۸ء آں سید لعل شاہ بخاری نے گھارا کھکھولی تے اسی گرائیں نی گلایاں تے میداناں وچ کرکٹ کھیڈنیاں وڈے ہوئے۔ نکلیاں جماتاں اسی گرائیں نے ہک سکول وچ پاس کیتیاں وت گورنمنٹ پائلٹ سکینڈری سکول اٹک شہر وچ داخل ہوئیں۔ ۱۹۸۶ء وچ اتھوں میٹرک کیتی۔ میٹرک توں بعد ایر فورس وچ سلیکشن ہوئی برے کرکٹ نے شوق وچ انھاں ای نوکری نہیں کیتی۔ اس توں بعد گورنمنٹ کالج وچ داخل ہوئیں تے ۱۹۸۹ء وچ ایف اے کیتی۔

۱۹۹۳ء وچ پی ٹی سی ٹیچر نے طور تے ایرونیٹکل کمپلکس کامرہ نے ہک اردو میڈیم سکول وچ نوکر ہوئے۔ وت انھاں نا تبادلہ ای ایس ٹی نے طور تے برہان ہو یا جتھے دو سال پڑھانے توں بعد وت کامرہ ہائی سکول وچ مُر آئے۔ نوکری نال پرائیویٹ طور تے پڑھنے رئے۔ ۱۹۹۵ء پنجاب یونیورسٹی توں بی اے کیتا۔ ۲۰۰۳ء پنجاب یونیورسٹی توں ایم اے کیتا۔

۲۰۰۹ء وچ پبلک سروس کمیشن نا امتحان پاس کر کے گورنمنٹ کالج حضور وچ لیکچرر لگے۔ ۲۰۱۱ء وچ علامہ اقبال اوپن یونیورسٹی توں ایم فل اردو نی ڈگری گھدی۔ دسمبر ۲۰۰۵ء وچ حضور توں گورنمنٹ پوسٹ گریجویٹ کالج اٹک وچ بدلی ہوئی جتھے ہُن بی پڑھانے پئیں۔ ۹۰ توں بعد شاعری شروع کیتی بعد چوں افسانہ نگاری تے تحقیق آلے پاسے نکل آئے۔ اٹک نے رسالیاں تے اخباراں تے کم توں علاوہ اٹک نی شخصیات تے وچ کتاب چھاپی نیں۔ اردو شاعری تے کہانیاں نی کتاب بی چھپی۔

سرگودھا یونیورسٹی توں انھاں نی اردو کہانیاں اُتے ایم اے نا تھیسس لکھا گیا۔ تے

ہُن ہک ہور یونی ورٹی چ انھاں نی شخصیت اُتے ایم فل کیتا وینا پیا۔ کجھ عرصے توں اپنی مقامی بولی کیمبل پوری چ لکھنے پینیں۔ انھاں نیاں کہانیاں تے شاعری ہک مقامی پنجاہی رسالے ”ونگاں“ وچ چھپنیاں رہنیاں نیں۔

اپنی بولی

اپنی بولی مٹھی گولی
اس نی لذت اس نا ذلیقہ
جیہجیوں کڑیاں واسے پیرکا
جیہجیوں ٹھڈی واپئی وگے
سیدی دل وچ آ کے لگے
نہ کوئی ڈر ہے نہ کوئی جھا کا
جیہجاسو چا اوہجوں آکھا (۲۸)



برما

کیڑیاں وانگن خلقت موئی
دنیا انھی گنگی ہوئی
بندے بھورے بھورے ہو گئے
کناں والے ڈورے ہو گئے
چیکاں مارے گل خدائی
کیں آں بھی آواز نیں آئی

اللہ توں تاں حاضر حضور ایں

برما کولوں کتنا دور ایں (۲۹)

۱۱

بولیاں

جگ ڈھونڈنائے پیہلیاں وانگن
میں بج رکھاں کتھے کج کے

○

گھار آپ وسانے پینن
نی لوکاں اُتے نئیں وسنے

○

تینڈھے آپ حوالے کیتی
میں جندڑی نی پنڈ بنھ کے

○

جدوں آپنا آپ پھرولا
میں مٹی ہويا بھُر بھُر کے

○

اج سچناں وٹایاں اکھیاں
ہن اَساں واسے کی اوپرا

○

اَساں بھورا بھورا جوڑ بنائی
تے دیوے نال جھگی سڑ گئی (۳۰)

آغا جہانگیر بخاری

۱۱

اصل ناں سید جہانگیر بخاری اے۔ انہاں نی جم ۱۹۶۸ء چ سید رفیق بخاری نے گھار کیمبل پور (اٹک) چ ہوئی۔ انہاں نے ابا جی سکول ٹیچر ہئے جس کر کے انہاں ناں قیام مختلف شہراں چ رہیا۔

سید جہانگیر بخاری اوراں نی پڑھائی ناں مڈھ اپنے گھارتوں لگا۔ ۱۹۷۳ء چ صوبہ سرحد (کے پی کے) ضلع نوشہرہ نے ہک گراں مندوری چ داخلہ گھدا جتھے پنجویں تک پڑھا۔ ۱۹۷۸ء چ کیمبل پور (اٹک) نی صدر تحصیل نے گورنمنٹ پائیلیٹ سکول چ داخل ہوئے برے ہک سال بعد اپنے بزرگاں نال بھیرہ خانپور چلے گئے جتھے اٹھویں جماعتاں تک پڑھائی کیتی۔

۱۹۸۲ء چ مندوری نظام پور ضلع نوشہرہ چلے گئے۔ ۱۹۸۴ء جی ہائی سکول توں داویں پاس کیتی۔ میٹرک کرن توں بعد گورنمنٹ کالج نوشہرہ ناں رُخ کیتا جتھے چودھویں تک پڑھنے رئے۔ اس دوران انہاں کمپیوٹر چ مہارت ناں شوق پیدا ہو یا جس آسے انہاں کالج توں بعد ناں ٹائم مقرر کیتا۔

۱۹۸۸ء چ گریجویشن کرن نے نال نال انہاں کمپیوٹر نی تعلیم بھی مکمل کر گھدی۔ ماسٹر ڈگری حاصل کرن توں علاوہ ان خطاطی، گرافک ڈیزائننگ، ویب ڈویلپنگ تے فوٹو گرافی چ بھی بہوں مہارت رکھنے ون۔ جس کر کے انہاں اٹک کے کئی رسالیاں نے سرورق بھی ڈیزائن کیتین۔ اس توں علاوہ علم نجوم، اعداد، جفر تے دست شناسی چ بھی دلچسپی رکھنیں۔

۱۹۰۸ء چ ”ضو“ نے نائیں نال ہک پرچہ بھی شائع کیتا۔ وکپیڈ یا اُتے اردو، فارسی تے پنجابی زبان وچ انہاں نے لکھے وئے کئی تحقیقی مضمون موجود اُن نالے وکپیڈ یا تے

نائب مدیر نے طور تے انہاں نیاں خدمات بہوں اہم اُن۔ اردو، پنجابی تے انگریزی چ کالم نگاری نے نال کہانیاں بھی لکھنے ون خاص کر کے مقامی لہجے کیمبل پوری چ انہاں^{۱۱} نیاں نظماں ”ونگاں“ اٹک چ چھپنیاں رہنیاں ون۔

انہاں واں ای اعزاز بھی حاصل اے جے ۱۹۸۲ء نے قومی سیرت کوئز چ اول آئے ون۔ سن ۱۹۱۸ء چ بین الویکی مقابلے وچ اردو چ پہلے تے پوری دنیا وچ پنجویں نمبر تے آئے ون۔ اس توں علاوہ اپنے والد سید رفیق بخاری نی لکھی نصابی کتاب ”ضلع اٹک“ ناں دوہا ایڈیشن ۱۹۹۲ء کجھ اضافے نال چھاپا۔

پنجواں درویش

گوڑ کتاباں پڑھیاں کوئی نہ
فاضلاں والی گل بی کوئی نہ

زیر زبر نہ پیش آں لوکو
میں پنجواں درویش آں لوکو

گلاں کرنا چناں نال
ساری رونق انہاں نال

نہ کم تے نہ پیش آں لوکو
میں پنجواں درویش آں لوکو

نہ جیداداں نہ اولاداں
نہ میں جوڑاں نہ کچھ منگاں

۱۱

ہکی حال ہمیش آں لوکو
میں پنجاواں درویش آں لوکو

میں سمجھاواں سوکھی جئی
سنڑناں اگوں اوکھی جئی

جھلیاں نے درویش آں لوکو
میں پنجاواں درویش آں لوکو

دُکھڑے نچن آسے پاسے
وریاں توں مول نہ ہاسے

بے درداں نا خویش آں لوکو
میں پنجاواں درویش آں لوکو

جمیل حیات

۱۱

۲ مئی ۱۹۷۷ء آں اکھوڑی وچ جمے ون۔ نکلیاں جماعتاں تک اکھوڑی وچ پڑھنے
رئے۔ داہویں ہائی سکول جی کسراں توں ۱۹۹۳ء وچ پاس کیتی۔ اس توں پچھوں گورنمنٹ
پوسٹ گریجویٹ کالج اٹک وچ داخل ہونین جتھوں ۱۹۹۶ء وچ ایف اے تے ۱۹۹۸ء وچ بی
اے نا امتحان پاس کیتا۔

پنجاب یونیورسٹی لاہور توں ایم اے انگریزی آسے امتحان دتا برے ہکی پرپے
چوں رہ گئے ہئے تے وت انھاں انگریزی آں چھوڑ کے ۲۰۰۵ء وچ ایم اے اردو فی سند
گھدی۔ ۲۰۱۱ء وچ علامہ اقبال اوپن یونیورسٹی اسلام آباد توں سلطان محمود بسمل فی شخصیت
تے شاعری تے مقالہ لکھ کے ایم فل فی کیتا۔

۲۰۱۵ء وچ علامہ اقبال اوپن یونیورسٹی اسلام آباد چوں ای ”غالب شناسی کی
روایت میں سید معین الرحمن کا مقام و مرتبہ“ نے نائیں نال پی ایچ۔ ڈی آسے مقالہ
لکھا۔ ۲۰۰۳ء پرائمری اسکول ماسٹر نے طور تے ڈھوک فتح خان اٹک توں نوکری شروع
کیتی۔ ۲۰۰۹ء تک اسی اسکول وچ پڑھانے رئے۔

۲۰۰۹ء وچ ای اردو لیکچرر آسے پبلک سروس کمیشن نا امتحان پاس کر کے گورنمنٹ
انٹر کالج باہتر وچ چلے گئے تے ہُن تکر اُتھے ای پڑھانے پئے ون۔ ادب فی ابتدا شاعری
توں کیتی۔ شاعری نے نال افسانے تے تحقیقی مضمون بی انڈیا، پاکستان نے کئی پرچیاں
چھپنے رہنے ون۔

یاد ناد یوا

۱۱

کی دسناں وچھڑ کے تینڈے توں
 میں کنج گزارا کیتا وے
 جس ویلے رورو و تھکیاں واں
 تاں گھٹ صبر نا پیتا وے
 جے ویکھاں سوہنا مونہہ توںڈا
 گجھ وقت سکھلا لگ ونجے
 توںڈی یاد چے ہن تاں رورو کے
 اکھیاں ناں پانی سک گیا وے
 اتوں مینے ہن لوکاں نے
 بس زور دے نامک گیا وے
 ترے سال تھیں آج دسناں واں
 میں توںڈا راہ پیا تکناں واں
 اس دل نے خالی کوٹھے وچ
 تینڈی یاد ناد یوا بلنا وے
 جے پیارنا تیل نہ تھدھ پایا
 ایہہ دیوا چھیکڑ جھجھ ویسی (۳۱)



گھیبی لہجہ

محمد اظہار الحق

محمد اظہار الحق ۱۴ فروری ۱۹۴۸ء آں تحصیل فتح جنگ نے گراں جھنڈیاں وچ
جے۔ انہاں نے ابا جی حافظ محمد ظہور الحق تے دادا مولوی غلام محمد اپنے وقتاں نے عالم تے
فارسی نے استاد ہئے۔ حافظ محمد ظہور الحق اردو تے فارسی نے صاحب دیوان شاعر ہئے
۔ شروع وچ انہاں اپنے دادا تے ابا جی کولوں گھرے چ ای پڑھا انہاں بزرگاں نی تربیت
ناں محمد اظہار الحق نی شخصیت تے بہوں اثر رہیا۔ گورنمنٹ کالج راول پنڈی توں بچھے
نمبراں نال بی اے کیتا تے فیڈرل گورنمنٹ نی طرفوں سکالرشپ تے ڈھا کہ یونیورسٹی
توں ایم اے اکناکس کیتا۔ بعد وچ پنجاب یونیورسٹی توں ایم اے عربی کیتا۔

۱۹۷۲ء وچ سی ایس ایس ناں امتحان پاس کر کے سول سروس جوائن کیتی۔ ملٹری
اکاؤنٹنٹ جنرل، ایڈیشنل سیکرٹری ملٹری فنانس توں بعد ۲۰۰۸ء وچ ایڈیشنل آڈیٹر
جنرل پاکستان ریٹائر ہوئے۔

شاعری نی پہلی کتاب ”دیوارِ آب“ ۱۹۷۵ء وچ چھپی جساں آدم جی ایوارڈ دتا
گیا۔ انہاں نی ہک ہور کتاب ”پانی پر بچھا تخت“ آں ۲۰۰۳ء وچ علامہ اقبال ایوارڈ دتا
گیا۔ شاعری نی دوئیاں کتاباں ”غدر“ تے ”پری ذاد“ نے نائیں نال چھپیاں۔ شاعری نی
کلیات ”کئی موسم مجھ پر گزر گئے“ ۲۰۱۲ء وچ چھپی جس نی بہوں مشہوری ہوئی۔ ۲۰۱۰ء
وچ یاسمین حمید اوراں اکسفورڈ یونیورسٹی پریس آسے انہاں نی نظماں نا انگریزی زبان وچ
ترجمہ کیتا۔

۱۹۹۹ء آں کالم لکھنے شروع کیتے روزنامہ جنگ، دنیا، جناح تے کئی ہور اخباراں وچ
’تلخ نوائی‘ نے نائیں نال کالم لکھنے رئے۔ کجھ عرصے توں مختلف ٹی وی چینلاں تے تجزیہ
کار نے طور تے پروگراماں وچ نظر آنے رہنے ون۔ انہاں نے کالم پاکستان توں علاوہ کئی

ہور ملکاں نے اردو تے انگریزی اخباراں وچ بی چھپنیں۔ کالم نگاری تے اردو شاعری نال
اپنی مقامی بولی کیمبل پوری نے گھسی لہجے وچ بی شاعری کیتی نے برے ہن تک اٹھاں نی
مقامی بولی وچ کوئی کتاب نیں چھپی اے۔

تو ہنڈا دیو ابلنار ہسی

تو ہنڈا دیو ابلنار ہسی

نہ کوئی سورج نہ کوئی چن اے

نہ کوئی اک اے نہ انگارہ

نہ اسماناں اُتے تارہ

ہر پاسے ہک انھی رات اے

اس راتی وچ

تو ہنڈا دیو ابلنار ہسی

تو ہنڈے دیہڑے تخت نہ تاج اے

نہ دربار نہ فوجاں کوئی

وت بھی ساری اقلیماں تے

تو ہنڈا اسکے چلنار ہسی

تو ہنڈا دیو ابلنار ہسی

خلقت ہووے یا زمانہ

جیہڑا تو ہنڈے نور توں دُوراے

رونا رہسی

ہتھ افسوس نے ملنا رہی

۱۱

تو ہنڈا دیو ابلنا رہی

اے پیغمبر نے موڈھے تے پیٹھن آ لے

جھکھڑ وچ نیں تو ہنڈے تنبو

سختی وچ نیں تو ہنڈے بچے

تو ہنڈی تر یہہ تو ہنڈی تکلیفاں

میں ایہہ اگ سیکنا رہساں

تو ہنڈا دیو ابلنا رہی (۳۲)

○

اپنا آپ بچاونا

پہلے کانس تھلے ڈھٹھی وت مڑھنی ترٹی

وت پیٹی آں زنگ لگاتے سوتاں کھا دیاں گئیاں

مینڈا کل وڑیواو لیبا

ترے گھڑے تے ہک گھڑونجی

ہک وانے نی منجی

جس تے ہک تلانی میلی

موریاں آلی

اُتے کرنے واسے کھیس

ڈبیاں ڈبیاں چٹا

جس نادھاگا، دادی

۱۱

اپنے ہتھاں نال
 اکھیاں گال کے کیتا
 ترے اٹاں فی چلھ
 گوئے چارتے ہک چواتی
 دھکھے مینڈے نال
 ساری راتی

لُونے آلا وارا
 ہک پرانی لُونکی
 جس نے خاناں اندر
 ہر دل، رتیاں مرچاں، لُون تے ثابت دھنیا
 تھوڑا تھوڑا ججے بھی ایہہ
 اے وے مینڈا گل وڑووا
 وت بھی

جتھے ونجناں ہووے
 باہروں جندر ماریں
 چورتے ڈاکو کوئی نہیں آونا
 سَنھ کسے نہیں لاوونی
 اپنا آپ بچا ونا، اپنے کولوں

توقیر چغتائی

۱۱
(پچھان صفحہ ۱۱۰)

میں پہاڑے چوں نہر نہیں کڈھنی
کھٹ کے راہ کڈھیاں
اوہ نہ ملاتاں سر نہیں بھننا
اگلا پہاڑ کھٹیاں
سدھا ویڑے نے وچ ونج کے
چٹی گل کریاں
جے اُس کوئی جواب نہ دتا
وت ہک پہاڑ بھنیاں

○

بو کے کڈھ کڈھ بڈھے تھی گئے
وت بی مُشک نہ مکی
اس پھیرے تاں
کتا کڈھ کے باہر سٹیاں
گندی کھوہی پاک کریاں

ملک نذیر سانول

ملک سانول ۱۲۰ گست ۱۹۶۴ء وچ گلی جاگیر تحصیل فتح جنگ وچ جنم۔
پرائمری گلی جاگیر، اٹھویں تک ملال ہائی سکول تے میٹرک ایلٹ ہائی سکول مورگاہ چوں
پاس کیتی اس توں بعد گورڈن کالج راول پنڈی وچ داخل ہوئے جتھے انٹر تک پڑھا۔

۱۹۸۵ء وچ اورینٹ پیٹرولیم وچ ملازم ہوئے جتھے ہن تک اپنی نوکری پوری
پئے کرنین۔ لکھنے ناں شوق انھاں کالج نے زمانے توں ڈاکٹر مرزا حامد بیگ نی شفقت نال
ہویا۔ علاقائی لہجے گھیبی وچ ۱۹۸۵ء توں شعر آکھنا شروع کیتا۔ ”حلقہ ارباب ذوق“ کھوڑ
تے فتح جنگ نی ادبی تنظیمیں نے رکن ون۔ اس توں علاوہ ہیومن رائٹس آبزور، رائٹر کنسل
کوٹ سلطان نے رکن بی رنن۔

۲۰۰۱ء وچ شاعری نی کتاب ”عملاں ائی“ چھپی۔ علاقائی لہجے گھیبی وچ
شاعری نی ہک ہور کتاب ”سریاں نی خشبو“ نے نائیں نال چھنے آسے تیار اے۔ علاقہ
گھیب نی تاریخ ادب تے ثقافت تے بہوں عرصے توں کم پئے کرنین اس کتاب ناناں
انھاں پہلوں کھیری مورت نی پٹی نے تاریخ پاروں ”چورگلی“ رکھا ہیا برے ہن ای کتاب
بہوں جلدی ”گھیب وسیب“ نے نائیں نال چھنے آلی اے۔ گھیبی بولی نی ایس جڑت تے
خدمت آں ویکھ کے علاقے نے دُوئے شاعراں وچ بی مقامی بولی گھیبی آ لے پاسے
دھیان ہویا۔



لوکو مینڈی ہک گل منھو
مینڈے مونییاں پیر نا نہہ منھو

نساں بی تے کدھر ویساں
کھجوں بھاریاں پڑیاں چیساں

بک بک پا کے من مونہہ کیہتی
اُچی ڈھیری کنج ہٹیاں

نا نہہ کوئی بوہا نا نہہ ای باری
کوئی نا نہہ سانویں شکل پیاری

جے کرساں کس ا کرساں
میں موئی نی ہک تاں منھو
مینڈا مونییاں نا نہہ منھو (۳۳)



راول راٹھ

راول راٹھ نا اصل ناں محمد حسین اے۔ ۸ اکتوبر ۱۹۶۴ء چ کوٹ ملیار کیمبل پور
اٹک چ جمے ون۔ بچپن وچ ای اپنے خاندان نال کراچی چلے گئے ہئے۔ اُتھے ای
انہاں اپنی پڑھائی نامڈ لایا تے ۱۹۸۸ء اردو وچ ایم اے کیتا۔

۱۹۸۳ء توں لکھنا شروع کیتا۔ ۱۹۸۷ء وچ جانن نے نائیں نال ادبی لٹری شروع
کیتی۔ کراچی توں ای ہک ہفتہ وار اخبار شروع کیتا جس وچ کالم بی لکھے۔ بعد چوں انہاں
کالماں واں ۱۹۹۶ء چ کتابی شکل دتی۔

۲۰۰۰ء چ ”کد مگسن چھٹیاں قہر دیاں“ نے نائیں نال پنجابی شاعری نی کتاب
لاہور توں چھپی۔ ۲۰۰۲ء چ لندن چ ہون والی عالمی کانفرس وچ شرکت کیتی۔ ۲۰۰۴ء چ
ورک ویزے تے لندن چلے گئے جتھے ہفتہ وار پنجابی اخبار ”اواز قوم“ چ ۲۰۱۲ء تک کم کیتا
۔ پہلے اس نے سب ایڈیٹر تے وت دو سال ایڈیٹر رہے۔

۲۰۱۶ء چ شاعری نی پہلی کتاب کجھ اضافے نال دوبارہ چھپی۔ جنوری ۲۰۱۹ء چ
شاعری نی دوئی کتاب ”کعبہ من نے اندر“ پنجابی مرکز لاہور توں چھپی۔

چچھاں مڑ کے تکیا اج میں

لکھ نہ دے

ویہڑے نے وچ کھلرے بھانڈے

چلی وچ اے ٹھڈی چھائی

رب جانے کہیں ڈھنگر ساڑے

یا ساڑ گئے نے ہڈیاں

کجھ وی تے ننیں لکھیا کتھے



نہ ای چھپرے نی کانس وچ

نہ ای یار پساری اندر

کہیں پاسے کوئی چھٹی لبھے

نہ ای لکھی ہک لکیر

کدھی نے بنیرے اُتے

ہر ہک پاسے

باندربٹھے

کھڑکھڑ کر کے

ہسنے پئے ون

جاکت بیٹھے رونے پئے ون

بابے سارے لہو وچ لہڑے

کپڑے بیٹھے دھونے پئے ون

راول ہوری بھار ہکلا

ڈھونے پئے ون



ڈاکٹر ارشد محمود ناشاد

ارشد محمود ناشاد یکم جنوری ۱۹۷۰ء آں اصضر علی نے گھار پنڈی گھیب نے ہک^{۱۱} گراں ڈومیاں وچ اکھکھولی۔ ۱۹۸۶ء وچ میٹرک ایف جی پبلک ہائی سکول اٹک چوں پاس کیتی۔ ایس توں بعد گورنمنٹ کالج اٹک وچ داخل ہوئے جتھوں ۱۹۸۸ء وچ ایف اے تے ۱۹۹۱ء وچ بی اے نامتحان پاس کیتا۔ ۱۹۹۳ء وچ پنجاب یونیورسٹی توں ایم اے اردو نی ڈگری حاصل کیتی۔

۱۹۹۴ء وچ استاد نے طور تے اورینٹل ڈگری کالج توں نوکری شروع کیتی۔ نوکری نال تعلیم ناں سلسلہ بی جاری رکھا۔ ۱۹۹۵ء وچ ایم اے پنجابی اسی یونیورسٹی توں کیتی۔ ہک سال گوجرانوالہ وچ پڑھان توں بعد گورنمنٹ کامرس کالج اٹک وچ آگئے اتھے انھاں طالب علماں وچ ادب نی لگن پیدا کرنے آسے کالج میگزین ”امکان“ جاری کیتا جس نے اُن پہلے مدیر ہئے۔

۲۰۰۶ء وچ پنجاب یونیورسٹی توں پی ایچ ڈی نی ڈگری آسے ”اردو غزل کا تکنیکی، ہیتی اور عروضی سفر“ نے موضوع تے مقالہ لکھا۔ ڈاکٹریٹ کرن توں بعد ۲۰۰۷ء وچ کامرس کالج اٹک توں علامہ اقبال اوپن یونیورسٹی نے شعبہ اردو وچ پونہج گئے جتھے ہن تک اپنی ڈپٹی انجام پئے دینین۔

ادبی سفر نی شروعات شاعری توں کیتی انھاں نے استاد مرحوم اصغر بریلوی تے نذر صابری نیں۔ ماہر علم عروض ہون نال تحقیق وچ عالمگیر شہرت حاصل کیتی۔ پنجابی ادبی سنگت اٹک تے سرمد اکادمی انھاں نے اشاعتی ادارے ہن جس نے نائیں تلے کئی کتاباں چھاپیاں۔ ملکی سطح توں ہٹ کے انھاں نیاں اپنے ضلع آسے بہوں ادبی خدمات ہن۔ اردو شاعری تے تحقیق توں علاوہ پنجابی وچ بی لکھنیں مقامی بولی نے گھیبی لہجے نے مقبول شاعر

ہن۔ مختلف موضوعات اُتے اردو تے پنجابی نیاں بہوں ساریاں کتاباں چھپ چکیاں
 ۱۱

اُڈیک

ون (۳۴)

کالک رنگی تے بدروپی

دل نی تختی

جس نے اُتے

کانی وگی

حرصاں آلی لو بھاں آلی

ڈنگ پھڑنگیاں لیکاپنیاں

کوہجیاں کوہجیاں شکلاں بنیاں

کس آں دساں

کس آں آکھاں

کبھجوں دھو و آں

کالک رنگی دل نی تختی

گاجی رگڑے

پوچالاوے

سدھیاں سدھیاں لیکاں تھیکے

سوہنے سوہنے اوکرے پاوے

ہکا الف پڑھاوے (۳۵)



منزلاں توں دُورا ڈیاں لوکاں ناکبت

صدیاں تے زمانیاں توں

اسی اپنیاں وڈو ڈیریاں نے

کھریاں ناکھڑا مچ کے

ڈنگ پھرنکیاں راہواں اُتے ٹرنے رہے آں

کچیاں تے گُساہریاں جائیاں نے دھکے دھوڑے کھا کے

اپنا جھٹ لکھینے رہے آں

برے جے تائیں اڈاپنیڈ امگیا نہیں

جیوں

کھوہے نے چوگردے پھرنے، اکھیاں بدھے

داند نے ناں پنیڈ اگھٹ نہیں تھینا

ویلا بنجے ای لکھنا رہنآ

ہکی کھوہے نے چوگردے بھونیاں بھونیاں (۳۶)

وٹر

۱۱

دل ناگھلا ڈلھا کھیتر
 جے وترے وچ ہووے
 سدھراں نیاں گندلاں پھٹن
 ہاڈاں سٹے کدھن
 آساں نے پھل کھڑ کھڑ ہسن
 میریاں اُتے ہالی وسن (۳۷)

○

چھیکڑ

چار چھیرے بھانڑ بنے
 اندر تین تندور
 ہاڈاں نار کھڑ سک گیا
 نواں نہ لتھا بُور
 خلقت ڈھک ڈھک نیڑے ہوئی
 ماہیا اکھیوں دُور
 ویلے نی چکی وچ پس کے
 سُفنے چورم چور (۳۸)

○

شازیہ اکبر

انہاں نی جم پل اٹک نی تحصیل فتح جنگ نی اے۔ ۲۳ مئی ۱۹۷۵ء چ محمد اکبر^{۱۱} نے گھارا کھولی۔ فتح جنگ نے ہک پرائمری سکول چ پنجویں تک پڑھا۔ میٹرک ۱۹۹۰ء چ گرلز ہائی سکول فتح جنگ توں کیتی۔ اس توں بعد گورنمنٹ گرلز کالج فتح جنگ توں ۱۹۹۲ء چ ایف اے تے ۱۹۹۶ء چ بی اے کیتا۔ ۲۰۰۰ء چ پنجاب یونیورسٹی توں ایم اے۔ ۲۰۰۸ء چ ایم ایڈ تے ۲۰۱۷ء چ ”عصمت چغتائی اور ممتاز شریں کے افسانوں میں تصویر عورت“ نے موضوع تے مقالہ لکھ کے نمل یونیورسٹی اسلام آباد توں ایم فل اردو کیتا۔ ہن نمل یونیورسٹی ای توں ”نسائی زبان و محاورہ“ نے موضوع تے پی ایچ ڈی پئے کرنے ون۔ نوکری نی ابتدا ۱۹۹۷ء چ پرائمری سکول توں انگریزی نی استانی نے طور تے کیتی۔ ۲۰۰۷ء چ سکیڈری سکول ٹیچر رہیں، ۲۰۰۸ء چ سبجیکٹ سپیشلسٹ نے طور تے کوٹ فتح خان پڑھایا۔ ۲۰۱۳ء سینئر سبجیکٹ سپیشلسٹ گورنمنٹ ٹیچنگ ٹریننگ کالج اسلام آباد چلے گئے۔

شاعری ناشوق سکول نے زمانے توں ہیا۔ جدوں کالج چ گئے تاں کالج نے رسالے چ لکھنا شروع کیتا نالے کالج نے مشاعراں چ بی حصہ گھدا۔ اردو تے پنجابی وچ شعر آکھنے ون۔ اپنی مقامی بولی گھیبی چ نظماں تے ماہیے انہاں نی شاعری نا اٹاشہ وے۔ شاعری نے نال کھیڈاں نال بھی دلچسپی رئی جس نی وجہ توں کالج نی کھیڈاں چ کئی انعام جتے۔

انڈ

۱۱

پانی ترونکاں
 ویہڑے نے وچ منجیاں ڈاہواں
 ٹولی اُتے پھل سجاواں
 سُرمہ لیکاں
 سیس نواواں

نالے چٹا چولا پاواں
 کھوہ تے بھجنی بھجنی جاواں
 کھڑکھر ہستاں ککلی پاواں
 ساوے مُنگ نی دالی اُتے
 دیسی گھیو نی دھونڑی لاواں
 لگ لاواں تندوری تے میں
 نالے بانگی لگڑ کوہاواں
 چلھے نیڑے رکھ رکھ بھانڈے
 رنگی پیڑھی نال دُھکاواں

○

ماہیے

ککراں نیاں پھلیاں نیں
 سن کے ماہیے نا

اَساں راہواں ملیاں نیں

○

زمی اُتے پالیکاں

تہینڈیاں یاداں نیں

میں بھارو پئی شیکاں

○

وٹ پائیاں باتاں نیں

دیوے بال دیو

عیداں شہراتاں نیں

○

باری نیاں درزاں نیں

ایہہ دُکھنیں سجرے

ایہہ دُونگیاں مرضاں نیں

○

تندوری اگ لاواں

تونڈی منگالی تے

میں بیٹھی لگ لاواں

○

۱۱

عرفان راجہ

اصل ناں محمد عرفان اے ۱۹۸۰ء چ محمد داؤد نے گھار کھوڑ چ جمے۔ انھاں میٹرک تک تعلیم حاصل کیتی۔ اردو چ کہانیاں لکھنے نے نال پنجابی چ شعر بی آکھنے ون۔ اپنی مقامی بولی گھیبی نے بہوں بچھے شاعر اُن۔ ۲۰۰۴ء چ حلقہ ارباب ذوق کھوڑ نے رکن بنے ۲۰۰۷ء توں ۲۰۱۵ء تک اس تنظیم نے جوائنٹ سیکرٹری رہے ۲۰۱۵ء توں ہن تک حلقہ ارباب ذوق نے سیکرٹری ون۔ ہن تک انھاں نی کوئی کتاب تے نیں چھپی برے انھاں نے افسانے تے شاعری کئی ادبی رسالیاں چ چھپنے رہنے ون۔

غزل

اُسی نِکے وَڈی بُھکھ
رَولا بَن گئی اُڈی بُھکھ
لَک جوانی چ اُوکڑ گیا
ڈنگی کر گئی ہڈی بُھکھ
وٹے چولہے چاڑے وین
نئیں پئی ہونی ٹھڈی بُھکھ
سکیاں ڈھڈاں نال عرفان
اساں رج کے کڈی بُھکھ



غزل

اڈا دُور گراں فقیرا
 دھلنی وینی چھاں فقیرا
 سارے ویکھ کے ہسنے راہن
 رونے پئے آں تاں فقیرا
 اندر سدر بھکھنی را ہنی
 دھکھنا راہنا ہاں فقیرا
 جوگی بنڑ کے پھرنے پئے آں
 مت کوئی آکھے ہاں فقیرا
 کالا کُتا بھوکنا راہنی
 اڈنے راہن کاں فقیرا
 اڈی عرضی، اُس نی مرضی
 اڈے دئیوں ہاں فقیرا
 سُن عرفانَ فی اللہ اللہ
 ایہہ سدھا ناں فقیرا

۱۱

عقیل ملک

۱۲ مئی ۱۹۸۲ء آں ملک احمد خان نے گھار پنڈی گھیب چ جمے۔ میٹرک
۱۹۹۶ء چ پنڈی گھیب توں پاس کیتی۔ ۱۹۹۸ء چ گورنمنٹ ٹیکنیکل کالج سیٹلائیٹ ٹاؤن
راول پنڈی توں ایف اے کیتا۔

۱۹۹۹ء چ سول ڈارفٹ مین ناڈ پلومہ گورنمنٹ ٹیکنیکل کالج پنڈی گھیب توں
کیتا۔ ۲۰۰۲ء چ بی اے کرن توں بعد پاک فضائیہ چ نوکر ہو گئے۔

۲۰۰۳ء چ ”کوہاٹ ویوز اینڈ نیوز“ نے ایڈیٹر رئے۔ ۲۰۰۴ء چ حلقہ ارباب
ذوق نے سیکرٹری رئے۔ ۲۰۰۵ء جوائنٹ سیکرٹری حلقہ ارباب ذوق راول پنڈی
بنے۔ ۲۰۰۶ء توں ۲۰۰۸ء جوائنٹ سیکرٹری حلقہ ارباب ذوق اسلام آباد رئے۔ ۲۰۱۱ء
چ سخنور فورم کراچی نے صدر بنے۔

۲۰۱۲ء توں ۲۰۱۳ء جوائنٹ سیکرٹری حلقہ ارباب ذوق کراچی کم کیتا۔
۱۵۔ ۲۰۱۴ سیکرٹری حلقہ ارباب ذوق سرگودھا رئے ون۔ عالمی ادبی تنظیم کولاج نے بانی
رکن ون۔

۲۰۱۵ء ”زر خواب“ نے نائیں نال شاعری فی کتاب چھپی۔ اردو شاعری نے
نال اپنی مقامی بولی گھیبی بی شعر آ کھنے ون۔



غزل

بن بھمیری بھیکنا مینڈے اندر بھکھنی بھاہ
دلے نی نکی کوٹھڑی میں گھینا اوکھے ساہ

کھیتڑ کوکاں مارنیاں میں سدھراں سٹیاں کھوہ
فصلے منجی ڈاھونی مینڈا رکھا نال وواہ

ہتھی پیری چھاڑے میں وت وی نچ نچ گاں
پا کے عشقی چوڑی مانہہ لدھی سدھی راہ

جندڑی پھاتی ٹوکرے میں پھڑکاں کنج عقیل
فلکے لا کے سوترّا توں دتا سگوں پھاہ





غزل

کھیکھن پٹے تو نڈے دل آں رتجھن آسے
رہا ہن تے ککھ نئی پلے آکھن آسے

ہک گگٹھی نے پوٹے وچوں کنڈے نختے
سرگھی ویلے نختی آئی اوہ چگن آسے

مڑ پرتی کے گلاں مینڈے سرتے پنیاں
جدوی میں چنگیائی کیتی دن آسے

گڑیاں بالے ہو کے بھر کے چیرکاں مارن
تلاں دے کے اتھرو پوجھے ہسن آسے



ڪهاني ڪار

(چهاڇهي لڄه)

انھا کھوہ

۱۱

مشتاق عاجز (پچھان صفحہ ۱۰۱)

چوکیدارے فی کتاباں چ اس ناناں غلام محمد ولد اللہ داد لکھاویا ہیابرے حویلی چ پیر
 پاون لگیاں اوہ آپناں بہوں پاک تے بہوں وڈیاں شانناں والا ادھاناں در شاہیوں
 باہرای چھوڑ گیا تے ڈیڈھویں چ وڑنیاں ای نرا مرا غلام رہ گیا۔ اس سیانپ کیتی نیں تاں
 غلام بی نا نہر رہنا۔ غلام محمد توں گھانمر بن وینا۔ اسان اپنے پیونا قصہ یاد ہیا جیہڑا پورا
 ناں گھدی گھدی حویلی ونج وڑا ہیا تے وت چوہدری اس کولوں ادھاناں کھس کے رہے
 ادھے آں کوڑی نال داد و بنا چھوڑا ہیا۔ اس حویلی چ کوئی بی کمی تے کاما سدھے تے ثبوتے
 نائیں والا نیں ہیا۔ کوئی قوبا ہیا تے کوئی شٹو، کوئی لاہیا تے کوئی سلو، کوئی خا قاتے کوئی
 دادو۔ نوکراں نے ناں تے حلے وگاڑناں چوہدریاں ناجدی پشتی کم ہیا برے چوہدری مثال
 اوراں فی عادت بہوں چنگی ہی۔ ایہناں کمیاں جمیاں نیاں دھیاں بھیناں تے زانیاں فی
 بہوں عزت کرنے ہے۔ نوکر آں کھوہرا اُبرانناں تے ویہروہیر پینا برے نوکر یا نیاں ہس
 کے بلاناں تے سوہنے سوار کے ناں گھنے۔ پھلاں مصلنی آں پھولاں رانی، چنو بھٹھیری
 آں چن بی بی، شادو آں شاہزادی تے حسنو آں حسن پری آکھناں۔ اوہناں جتنا جتنا ناں
 سوار نا ایہناں اتنا اتنا اپنا آپ سوار ناں تے مچ مچ پیناں۔

حسنو غلام فی ماء تے دادو فی زانی ہی۔ جناں تریمت دوہیں، سارے نوکراں
 نوکرانیاں کولوں نکھڑے وئے تے نتھرے وئے رج کے سوہنے تے سرتھے۔ ہک چوہدری
 اوراں نا خاص نوکر تے دوئی چوہدرہانی اوراں فی خاص نوکر یاں۔ آپے چوں بی دوہاں نا
 رج کے مٹھاج ہیا تے ہک سیت بی بکی دوئے تے وساہ نیں کرنے ہے۔ دادو حسنو آں
 آپے نال حویلی کھڑے تہاڑی ساری اُساں نظری چ رکھے تے نماشاں نال گھن کے

آوئے۔ بہوں سکھی تے خوش باش پئے و سنے ہئے برے بھیڑی نظر کھا گئی۔ دادو چوہدری اوراں نال شکار تے گیا تے رتی دندی توں تلے ونج پیا۔ چوہنہراں والی ترڑاں^۱ تے لگا۔ سرے نی سٹ گھن گئی تے جاہگاں تے مر گیا۔ جانو تے اسنی ننانوں چنوکجھ ہور گل بی اڈائی برے ڈاکٹری ملاحظہ بی ہو یا تے پولیس بی آئی۔ ساریاں ہکا ہی گل متھی بی مارا کیس نہیں، دندی توں ڈھے کے قضائیوں مویاے۔ دادو مناں مٹی تلے دبا گیا تے حسنو اجر گئی۔ دوئی جمعراتی تک روٹی ٹکڑا چوہدریاں نے گھروں آنا ریا تے وت ہک دیہاڑے چوہدریانی اوراں حسنو آں حویلی سد بھیجا۔ چلیپے کولوں پہلوں ہی پھوہڑی چائی گئی تے حسنو جاکتے آں نانی کول چھوڑ کے حویلی ونج پوہی۔ چوہدریانی نے بھراؤنا ویاہ تیار ہیا تے اوہناں پیکے ونجناں ہیا۔ اُن تاں گھرے نی سام سبھال حسنو نے حوالے کر کے پیکے ٹر گئے۔ برے حسنو آں پے وختا گیا۔ دادو نے جینیاں حویلی ویناں تے دیگری نماشاں تک کم کرنا ہور گل ہی برے ہن دیہوں لتھے تک حویلی چ رہناں بلنی اگی چ چھال مارناں ہیا۔ نانہہ اگے جوگی رہی تے نانہہ پچھے جوگی۔ غلام آں نانکے چھوڑ کے فزری ونجے تے ڈرنی کمنی دیگری نماشان تک کم کرے۔ دیہوں لہوے کے نہیں تے گھرے دیس نئے۔ شکرنا کلمہ پڑھے تے ویلے نال ای غلام آں گھینی اگلے اندروڑ کے پکے جندرے کنجیاں مار گئے۔ چار پنچ دیہاڑے گئی تاں کجھ ڈرجھا کا بی لہہ گیا تے حوصلہ بی ہو گیا جے چوہدریانی ہوری بی مڑنے ای والے ہوسن۔ حسنو چنگے ویلے آں پی اڈیکنی ہی تے بھیڑی لکھت کجھ ہور ای پی آکھنی ہی۔ ستواں اٹھواں دیہاڑا ہیا نماشاں نی نماز پڑھی گئی برے حسن و نہ مڑی ۔ کفتاں نی نماز بی پڑھی گئی برے حسنو نا کوئی پیانینواں نہیں۔ ڈھوڈ بھس پئے گئی۔ ہتھوں پچھ ہتھوں پچھ ہس نے گھارو یکھ ہس نے گھارو یکھ، لہنے ونج چڑنے ونج بتیاں گھن کے سارا گراں نکل پیا تے فز رہوئی تاں پتا لگا جے حسنو تاں انھے کھوہے چ ڈھٹھی پی اے۔ آکھنین

غلام نی دادی بی اسی انھے کھوہے چ ڈھے کے موئی ہئی۔ اُساں بی حویلی چ کوپلا ہو گیا
 ہیا۔ ابھجوں ای وڈی چوہدریانی اوری آپنے ہمار پیو آں مرنائیں تے جیہڑا کمیاں نے گھار
 جمائیں اس چوہدریاں نی حویلی وینائی وینائیں۔ جمیلاں بی آپنے سرے سکے تے بہوں
 راکھویں جند جسے سمیت حویلی وینا پے گیا۔ چوہدری مثال تے بی بی زینت اوری بڈھے
 ہو گئے ہئے تے ہن حویلی چ انہاں نے پتر چوہدری جلال تے اوہناں نی نو نہہ بی بی زرینہ
 اوراں ناراج ہیا۔

چوہدری جلال اوری تاں پیو کولوں بی چپہ ودھ ای چنگے نکلے۔ جمیلاں جیہجی نہاتی دھوتی
 وئی حویلی ونجے اوہجی ہی نہاتی دھوتی وئی گھار آرہوے۔ بس بی بی زرینہ اوراں نے اگے
 کچھے ہونی رہوے تے چوہدری اوراں نا کوئی مزمان آوے تاں سوہنے چجاں و صفاں نال
 چاہ پانی تے لسی مکھن باہر بھجوا دیوے چوہدری اوراں تاں اس نے ہتھاں نی چاہ چ اوہ
 لذت آئی جے ہور کینڈھے ہتھاں نی چاہ واں ہتھ ای نا نہہ لاؤن۔ سیا نے آکھنیں سپے نا
 ڈنگا ویا سوتری کولوں بی ڈرنا رہناے۔ جمیلاں دیگری تک نا نہہ آوے تاں غلام نے دے
 آں ہتھ پے ونجے۔ برے غلام جتنا ڈرپوک ہیا جمیلاں اتنی نڈرہئی۔ غلام بھاویں خفا ای
 ہوسی برے اوہ خوش باش ہئی۔

غلام نے ویا ہے آں پنج چھیں سال ہو گئے برے جاکت کڑی کوئی نا نہہ
 ہو یا۔ جمیلاں تاں کھکھ پرواہ نیں ہئی برے غلام آں جھورا جیا لگ گیا تے اوہ کچھ خفا
 جیہا رہن لگ پیا۔ غلام نا ودھی وئی داڑھی، پُھنڈے وے والاں تے پیلیاں دنداں نال
 ہسنا جمیلاں اینویں بی چنگا نیں لگنا ہیا۔ اس شکر کیتا جے اس ہا سے کولوں جان چھٹی۔ غلام ہر
 ویلے مونہہ لڑکائی رکھے تے جمیلاں ہر ویلے ہسنی کھیڈنی تے پُھت پُھت کرنی
 رہوے۔ غلام دیہاڑا دیہاڑا گھٹی گیا تے جمیلاں راتی دیہاڑی کھڑنی گئی۔ ہک دیہاڑے

جمیلاں غلام آں دس بیٹھی جے بی بی اوراں نے گھار جاکت کڑی ہونے والائے۔ گل
دسنیاں اوہ آپ بی دلیگر جئی ہوئی برے غلام آں تاں ایوں لگا جیوں جمیلاں اسّاں¹¹ وڈی
ساری گاہل کڈھی ہووے۔ اگے وت کدے کدے مشکی صبونیں نال نھا کے دھوتے وئے
چیرے پاگینا ہیا ہن اس گلواں بی رہ گیا۔

بی بی زرینہ اوراں شہرے نی وڈی اسپتالاں چ داخل ہونا عیس جتھے دایاں ناکم
ڈاکٹر نیاں کرنیاں۔ اوہناں نیاں شہروینے نیاں تیاریاں تے غلام نی جان وڑوڑ کے پئی نکلی
اے۔ پتانیں کتنے دیہاڑے لگن اسپتالاں چ۔ چوہدری جلال اوراں تاں کینڈھے
ہتھاں نی پکی وئی شے بی نیں سکھانی۔ چنونی دھی پینو پچھی خاصی روٹی کٹوی کر گیننی اے
برے چوہدری اوری تاں۔۔۔ بی بی اوراں داخل کرا کے چوہدری اوری مڑ آئے
اُن۔۔۔ کیہہ ہنسی۔۔۔ لگی حویلی، چوہدری اوراں نی ہانڈی روٹی، کویلاتے انھا کھوہ۔ غلام
آں دادی نی کہانی تے ماؤنی موت یاد آئی تاں اس نیاں چیکاں نکل گئیاں۔۔۔۔۔ اللہ
نانہہ کرے۔ کدے جمیلاں بی۔۔۔؟ اوہ تاں جینے جوگا نانہہ رہسی۔ اج پہلا دیہاڑائے
چوہدری اوراں نی چاہ روٹی نا۔ جمیلاں نماشاں تک نانہہ آئی تاں وت؟۔۔۔ برے اوہ مڑ
آئی اے۔ جینی جاگنی تے ہسنی کھیڈ نی۔ چوکاں نال روپے بی بدھے وئیس ہتھے چ بھجیاں
ویاں بوٹیاں نا بھانڈا بی چایا ویاس۔ غلام کھلیں اں چ ہو گیا۔ دوہاں بھجیاں ویاں بوٹیاں
نال روٹی کھاہدی۔ جمیلاں نادل کیتا بی غلام آں چتاوے جے چوہدری جلال اوراں ناویاہ
پکیری عمراں چ تے غلام نے ویاہے کولوں کچھے ہو یائے تے اج بی بی زرینہ
اوری۔۔۔ برے ڈرے نال چپ رہی۔ اس دسناں کیتا جے ہن اسّاں بی جاکت کڑی
کھڈانے ناہوں وڈا شوق اے برے غلام لپھ لپھٹ کے سیں رہیا تے جمیلاں نی رات
دلیلاں چ لگھ گئی۔ اج دوا دیہاڑا۔ کلہوکی دیہاڑ، رات تاں خیر خیر انویں لگھ گئی اے۔ پتہ

تے پانی بھرن ویناں تا پینو زینو و نیاں، پنڈاں چیریاں نیاں دھون و نیاں تاں پینو زینو و نیاں۔۔۔ جمیلاں تاں بس بی بی اوراں نے کچ رہناں تے لوڑ پوے تاں چوہدری اوراں نی خدمت کرنی۔

اٹھوری ہک لکھی تاں شہروں خوشی نی خبر آ گئی۔ چوہدری اوراں نے گھار خدا وارث بھیج دتا ہیا۔ اج تاں ساری حویلی ای جمیلاں آر خوشی نال پئی اڈنی ہئی۔ باہر قوبے، شنو، لاسی، سلو تے خاتے اوراں نے پتر بھتریئے پئے نچنے ہئے تے اندر پھلاں، چنو، شادو تے حسنو اوراں نیا دھیاں نو نہاں ہاں۔ باہر بخشے مراشے نے مزے بنے پئے تے اندر بنی مراشٹی نے۔ چوہدری جلال اوری باہر وینین تاں اکھیاں نوٹ کے گڈی نوٹاں نی اڈا آنن تے اندر آنن تاں ہکی ہکی نی اکھی چ اکھ پا کے سراں توں نوٹ واری وینین۔ جمیلاں نے تاں پیکیاں سوہریاں ساری حیا تی چ اتنے نوٹ نا نہہ ویکھے ہوسن جتنے اج چوہدری جلال اوراں جمیلاں نے سرے توں وار کے ویلاں چ دے چھوڑے۔ اس خوشی چ ننیں بے گیا تاں غلام۔ چوہدری نی جھولی چ سجرا پھل کھڑا ہیا، برے غلام نے سینے چ کوئی پرانا پھٹ تازہ ہو گیا۔ اس نی جمیلاں بی تے اپنی جمیلاں واسے اساں بی جاکتے کڑی ناچرو کنناں چاء ہیا۔ لوک حویلی چ نچنے گانے رہے تے اوہ گھار ہکلا بہہ کے رونا کر لانا رہیا۔ اس نے دلوں دعا نکلی۔ ”نیلی چھتری والیا! جیہجوں چوہدری نی جھولی لال پایا ای ابھجوں ای مینڈی جمیلاں بی ہک کھڈوناں چاہ دے۔۔۔“ ہک ایوں دل خفا دوا خوف۔۔۔ کیہڑے ویلے ڈھول ڈھمکا کسی تے کیہڑے ویلے جمیلاں آسی۔ شکراے بخشے نا ڈھول و جناں بند ہو یائے۔۔۔ بنی نی ڈوھلکی بی چپ کر گئی اے۔ ہن تاں پینو تے زینو آں آیاں بی بہوں سارا ویلا لکھ گئے۔ جمیلاں کیوں ننیں پئی آنی۔ سیتی سیتی آں انھے کھوہے ناخیال آوے تے غلام نادل ڈب ونجے۔ برے شکراے پینو آ کے دس گئی اے بے لوک

سارے چلے گین۔ جمیلاں ہن کوئی کوئی چلھ تندوری تاسی۔ کجھ اُن پانی پکاسی تے چوہدری اوراں رجا کے آسی۔ اس نادل کیتا جے اٹھے تے ونج کے جمیلاں حویلیوں گھن آوے برے اس نیاں تاں لتاں چ ساہ ای نیں ہیا۔ اس پیر پٹا برے پیراں نال جیوں منیں منیں نیاں تراڑاں بدھیاں ویاں ہیاں۔ حیلہ کرنا ای پیا ہیا جے بوہے نی کھڑک تے کنجی نی شڑنگ ہوئی تے جمیلاں شپ کر کے ویہڑے آوڑی غلام آں سارے دکھ بھل گئے تے کد کے منجی توں اٹھ کھلوتا۔ چوہدری اوراں نوکراں واسے مٹھے تے سلونے چولاں نیاں دیگاں پکوانیاں ہیاں۔ جمیلاں بہوں سارے چول آندے ہئے دوآں رل کے کھاہدے جمیلاں اجا حویلی نی رونقاں نیاں گلاں کرنی پئی ہئی جے غلام سیں گیا۔

چوہدریانی اوری گھار آگئے تے جمیلاں چوہدری اوراں نی خدمت چھوڑ کے اونہاں نی خدمت تے لگ پئی۔ ہن جمیلاں ویلے نال مڑ آنی ہئی تے غلام بہوں سکھے چ ہیا۔ چوہدری اوراں نادھیان بی اپنے جمال دئیں ہو گیا تے جمیلاں ناکم لوہکا ہو گیا۔ مہینے ترے چار لکھے تاں جیونی دائی غلام آں خوش خبری سنائی۔ غلام تاں خوشی نال اڈ پیا۔ نیلی چھتری والے سن گدی ہئی۔ ہن ماملہ ہو رہو گیا۔ غلام خوش تے جمیلاں دلگیر۔ غلام خوشی نال پھنڈ گیا تے جمیلاں خفگی نال جھونس گئی۔ غلام اساں منجی توں تلے نانہہ لوہن دیوے۔ جمیلاں کتنے کتنے دیہاڑے حویلی نہ ونجے تے چوہدری اوراں ناسدا بی نانہہ آوے۔

چوہدری اوراں نا جمال نواں ہک مہیناں نا ہو یا تاں جیونی ماؤ نے ہتھاں چ جمیلاں نی دھی جھی۔ چٹی گوری تے موٹی ڈھوٹی۔ گڈی نی گڈی تے ماؤ کولوں ودھ کے سوہنی۔ چوہدری اوراں غلام نے ہتھ گھروگی گھیو بی بھیجا، ماکھو شکر بی تے کجھ پیسہ ٹکہ بی۔ نال ای آکھ بھیجا جے کڑی ناناں اوہ آپ آکے رکھسن۔ وہو یں دیہاڑے چوہدری اوری

آگئے۔ کڑی آں ہتھاں تے چایا تے منجی تے بہہ گئے۔ جمیلاں منجی توں اٹھ کے پیراں چ بہہ گئی برے چوہدری اوراں ہتھوں نپ کے منجی تے بہوا چھوڑی۔ کڑی نیاں اکھیاں¹¹ ماؤ کولوں بی سوہنیاں تے وڈیاں ہیاں۔ اوہناں کڑی ناناں غزالہ رکھاتے مبارکی دے کے ٹر گئے نال ای آکھ گئے جے جمیلاں نے حویلی آنے نی کوئی لوڑ نیس۔ جمیلاں والا کم ہن شنونی دھی شکلیاں کرکری۔

شہرے چ وڈے کالج نا پرنسپل چوہدری اوراں ناسگی ہیا۔ اوہناں نے گھروں بی کیس اسکو لے چ پڑھانے ہیے۔ چھڑے چھانڈ ہئے نانہہ دھیانا پترا۔ دوئیں ول نوکری تے چلے ونجن تاں گھرے آں جنڈرا لگ ونجے۔ اوہناں کے واسے صاف سرتھی زنانی لوڑ ہئی تے چوہدری اوراں ایہناں لارا لایا ویا ہیا۔ جمیلاں چلیہا نہاتی تاں چوہدری جلال اوراں غلام آں حکم سنایا جمیلاں ایہناں نے گھار گھن ونجے۔ ہتھ بدھے غلام ڈھل ای نانہہ لائی دوے دیہاڑے ای ماؤ دھیو آں چوہدریانی آں ملی تے نانہہ چوہدریانی غزالہ آں ویکھا۔ جمیلاں کوٹھی چ کمرہ مل گیا تے غلام آپنے کوٹھے آں جنڈرا مار کے چوہدریاں نی کوٹھڑی چ ونج ڈیرا لایا۔ جمیلاں شہرونج آبادی لائی تے غلام ناداد کا گھارا جڑ گیا۔ جمیلاں نی تنخواہ بی لگ گئی تے چوہدری اوراں بی مہینہ واری سنھ چھوڑی۔ غلام مہینے نے مہینے جمیلاں تے غزالہ واسے خرچہ پٹھہ تے نکاشکا گھن ونجے تے رات دیہاڑہ کے مڑا وے۔ سکھے نی لکھنیاں ڈھل ای کیہڑی لگنی اے۔ اکھینے پھنکارے چ اٹھا ہراں سال لکھ گئے۔ ویکھنیاں ای ویکھنیاں غزالہ جوان ہو گئی۔ بارہاں جماعتاں بی پاس کر گئی تے پڑھی گڑھی وئی شہری کڑی بن گئی۔ ایہناں اٹھاراں سالاں چ گراں تاں گرائیں نال رہیا اس نانکے داد کے گرائیں ناراہ بی نانہہ ویکھا برے ماؤ پیونا گھار ویکھنے واسے لیڑ پائی رکھا۔ جاں پیونا ل گراں وینے نی ضد کرے تاں ما آکھ چھوڑے ”جس ویلے بی کوئی غمی خوشی ہوئی دھیو آں ضرور کھڑساں۔“ پتا

نئیں انہاں اٹھاراں سلاں چ گراں خوشی ہوئی ای نئیں یا ماؤ اس کولوں چھپانی رہی۔ پیو جاں بی آوے دھی کچھے ابا! گراں کوئی غمی شادی نئیں ہوئی؟ پیو کولوں پہلوں ماؤ آکھ چھوڑے¹¹ جھلیے دھئے! جس دیہاڑے کجھ ہو یا نالے ویساں،“

اج پرنسپل صاحب تے بیگم صاحبہ کمال کوٹ وینے پیہن۔ جمیلاں کھڈی چھری نال کوہی وئی ککڑی آر پئی تڑفنی اے۔ کدھر صاحب اوری چھوڑ ای نانہہ ونجن۔ غزالہ سہیلیاں نال بزار گئی وئی اے۔ اللہ جانے کیہڑے ویلے آسی۔ صاحب اوری تاں بہوں اباہلین۔ غزالہ اندر وڑنی گئی تاں ماؤ آکھا ”دھئے ترکھ کر۔ گراں وینا ئیں۔“ ککڑی چڑی ہئی خوشی نال سبھن سبھاو نلگ پئی۔ اس مسکیننی آں کیہہ سہی ہیا جے گراں ماتم ہو یا پیائے، چوہدری جلال اوراں دے نادورہ پیا تے اوہ فوت ہو گئیں۔ صاحب اوراں جمیلاں آکھا اسی مڑاواں تسی ماء دھی دیہاں چلے ونجو برے جمیلاں اوہناں نے پیرنپ گدے تے ہتھ جوڑ کے منت کیتی۔ ”صاحب جی! مینڈھاتے غزالہ نا ویناں بہوں ضروری اے۔ اسی مادھی انہاں نے نمک خور آں۔ دیدن نانہہ کیئی تاں دیہاڑے قیامت نے چوہدری اوراں کیہہ مونہہ دکھاساں۔“ غزالہ بی آکھا ”میڈم چراں کچھو کوئی غمی شادی نی خبر آئی اے۔ اللہ جانے وت کتنے سال گرائیں چ کجھ نانہہ ہووے۔ مانہہ پیو نا گھار ویکھنے نا بہوں وڈا چاء وے۔ اج نانہہ گئیاں تاں وت کون کھڑی۔ بیگم صاحبہ اُساں غزالہ تے بی ترس آگیا چوہدری اوراں فی نمک حلال نانہہ نوکریانی نارونا بی نانہہ ویکھ سکی۔ ایہناں صاحب اوراں منا گداتے اس ماؤ دھیو آں بی ناں گھن گئے۔ حویلی چ غوغا مچا ویاے۔ نیڑے تریڑے نیاں ملکیا نیاں بی بی اوراں نال پلگھاں تے بیٹھیاں ویان تے نوکریاں پیراں چ بہہ کے وئیں پیاں کرنیاں۔

جمیلاں سدھی منجی کول ونج پوچی۔ اس کھلیاں وین پائے۔ اس نے وین ہوراں نوکریاں کولوں کجھ وکھرے تے اوپرے ای پیئے۔ جمیلاں نہوں وین پائے برے دے

نی بھڑاس نانہہ کڈسکی۔ ذرا چپ ہوئی تاں غزالہ پچھا ”امی! ایہہ مینڈھانا نکا گھاراے؟
 جمیلاں سر ہلا کے دسیا۔ نیں۔ جھلی کڑی فٹ پچھا ”ابو اوراں نانے؟ جمیلاں نی چیک لکل گئی
 تے اس غزالہ آں سینے نال چموڑ گدا۔ وت روئی تے رونیاں رونیاں پتانیں کیہہ کجھ آکھنی
 رہی۔ غزالہ ناکن اس نے مونہیں نے بہوں نیڑے ہیا برے اس نے پلے کجھ نانہہ
 پیا۔ جمیلاں رو دھو کے منجی کولوں ہٹی تاں ڈرے نال کم گئی۔ چوہدری ہانی اوری بڑ بڑ غزالہ
 دائیں پئے تکلنے ہئے۔ غزالہ نیانی گھٹ تے چوہدریانی زیادہ پئی لگنی ہئی۔ جمیلاں غزالہ آں
 بانہوں نپ کے باہرے دئیں چھکاتے ویڑے چوں نکلنے والی کیتی۔ ماء دھی ڈیڈھویں ج
 پوچھیاں کے نیں تاں ٹھاہ پٹھاہ غزالہ ناہان کہاں تے غزالہ آرای سوہنا ہک جوان نڈھا آن
 مجاہم ہو یا۔ غلام اس ناچمڑے نافیشنی بکس چایا ویا نال اے۔ اس فٹ زنانی تے
 دھیو آں دسا۔ ”چوہدری جلال اوراں نے صاحبزادے جمال اورین۔ ہنی پئے آنین۔ شکر
 اے جنازے آں آن پوچھین۔“ غلام گل کرنیاں کرنیاں ہک قدم اگے ودھ کے چوہدری
 اوراں نے کجھے کھلور ہیا۔ جمیلاں جھوکھا کیتا تے غزالہ سلام۔ جمیلاں باہر نکلنے واسے دھوس
 دتی برے چوہدری جمال تے غلام راہ ڈکی کھلے ہئے۔ نکے چوہدری اوراں پیونی موت
 بھل گئی۔ انہاں غزالہ سرے توں پیراں تک تے وت پیراں توں سرے تک مسکنیاں
 مسکنیاں ویکھا۔ منج ذرا کجھے موڑی تے وت سچے پاسے سرے نا اشارہ کر کے ہولے جیا
 پچھا ”ایہہ کون اے تے کینڈھی دھی وے۔“ نڈھے نیاں اکھیاں ج چمک ویکھ کے جمیلاں
 نی اکھیاں اگے، اگے ای ہنیراجیہا آیا ویا ہیا اے۔ جس ویلے غلام چیرا ہو کے چھاتی تے
 ہتھ مار کے آکھا ”ایہہ۔۔۔ مینڈھی دھی وے چوہدری جی۔۔۔ مینڈھی۔۔۔ تاں جمیلاں
 ایوں لگا جیوں اساں آپنی دھیو سمیت کمال کوٹ نے انھے کھو ہے ج ڈھٹھیاں اٹھارواں
 سال ہو گئے ہوون۔ (۳۹)

پروین ملک

۱۱

پروین ملک نے جم پل شیش باغ اٹک نی اے انھاں ۱۸ اگست ۱۹۴۸ء آں ملک فضل داد نے گھارا کھولی۔ انھاں نے ابا جی ڈسٹرکٹ بورڈ اٹک وچ نوکر ہئے تے امی جی اوری مقامی پرائمری سکول وچ استانی لگے وئے ہئے جتھے نکلیاں جماتاں وچ پروین ملک نی پڑھائی انھاں نے چھوڑ دی ہوئی۔ پروین ملک اوری اسی گرائیں نے محول وچ وڈے ہوئیں۔ اس ویلے ضلع نے گرائیں محول وچ عورتاں نا پڑھائی آ لے پاسے بہوں گھٹ رجحان ہیا۔ میٹرک توں کچھ جدوں پروین ملک گورنمنٹ کالج کیمبل پورا اٹک وچ داخل ہوئیں اس ویلے کالج وچ کڑیاں جاکت اکھٹے پڑھنے ہئے۔ گورنمنٹ کالج کیمبل پورا وچ بی اے تک پڑھا ۱۹۶۸ء وچ اُنھ لاہور چلے گئے ہئے جتھوں صحافت وچ ایم اے نی ڈگری گھدی۔ کہانی سننے تے سنانے ناں شوق نکی عمراں ہی توں ہیا نا لے اسی عمراں انھاں بچیاں نے رسالے ”تعلیم و تربیت“ تے ”بچوں کی دنیا“ پڑھنے ناں موقع ملا جس توں کتاباں پڑھنے ناں چسکا پیا، میٹرک تک ابن صفی نے ناول تو اترا ناں پڑھے نیں۔ گورنمنٹ کالج کیمبل پورا وچ انھاں ناں ادبی شوق اگے ودھا۔ اُن کالج نے رسالے ”مشعل“ نی طالب علم ایڈیٹر بھی رہیں تے نا لے اس وچ آپے بی لکھنے رہیں۔ ۱۹۷۰ء وچ صحافت شروع کیتی پہلوں ”روزنامہ“ آزاد“ تے ہفت روزہ ”نصرت“ نی سب ایڈیٹر رہیں بعد وچ ریڈیو آسے فیچر تے ڈرامے لکھے۔ ۱۹۸۸ء توں ۱۹۹۸ء تک ”پنجاب رت“ نے ناں نال کالم لکھے نا لے ریڈیو تے پڑھے بی۔ اس توں علاوہ ٹیلی ویژن آسے ”لمیاں واٹاں“ ”کہیہ جاناں میں کون“ ”نکے نکے دکھ“ ”جنگ“ تے کئی دُورے سکرین پلے لکھے نا لے لاہور ٹی وی توں ”لکھاری“ نے ناں نال ہک پروگرام نی میزبانی بی کیتی۔ پروین ملک ۱۹۷۳ء وچ پریس انفارمیشن ڈیپارٹمنٹ وزارت اطلاعات راولپنڈی وچ اسسٹنٹ انفارمیشن افسر

رہیں۔ ۱۹۸۰ء آٹھ ہفت روزہ ”پاک جمہوریت“ ڈائریکٹوریٹ فلمز اینڈ پبلیکیشنز وزارت اطلاعات لاہور میں سب ایڈیٹر مین بعد چوں اسی رسالے کی ایڈیٹر نے طور^۱ تے کم کیتا۔ ۱۹۹۲ء وچ پریس انفارمیشن وزارت اطلاعات کی ڈپٹی ڈائریکٹر نے عہدے تے رمین۔ ماہ نامہ ”ماہ نو“ کی چیف ایڈیٹر توں علاوہ ۱۹۸۳ء توں ۱۹۸۵ء تک ہک مہینہ وار رسالہ ”پلک“ کی چھاپا۔ ۱۹۹۵ء وچ سارنگ پبلیکیشنز نے نائیں نال اپنا ہک ادارہ بنایا جس نے نائیں تے ڈھائی سوتوں ودھ کتاباں چھاپیاں نے۔ بعد وچ پنجابی ادبی بورڈ نال جڑ گئے۔ پنجابی ادب وچ انھاں نا ہک خاص مقام اے، مقامی بولی کیمبل پوری وچ کہانیاں توں علاوہ اردو زبان وچ ناول لکھے تے ترجمے بھی کیتے۔ پاکستان ٹیلی ویژن کی طرفوں ۱۹۸۸ء وچ ڈرامہ ”نکے نکے دکھ“ تے انھاں ریجنل ایوارڈ، پنجابی ادبی سوسائٹی کی طرفوں ریڈیو، ٹی وی آسے لکھنے تے میزبانی اُتے ایوارڈ دتا گیا۔ کہانیاں کی کتاب ”نکے نکے دکھ“ تے مسعود کھڑپوش کی طرفوں بی ایوارڈ دتا گیا۔ (۴۰)

کتاباں:

- ۱۔ کیمہ جاناں میں کون (کیمبل پوری تے پنجابی کہانیاں) ۱۹۸۴ء
- ۲۔ نکے نکے دکھ (کہانیاں)

مٹی ناں بت

¶
پروین ملک

سکینہ ---- نی سکینہ ---- اٹھ نی کے ویلا ہو گیا۔“ بے بے ایجوں تر پھلاٹ مچایا
جے سکینہ تر بھک کے اٹھ بیٹھی۔

”کے ہو یا۔“ اوہ سمجھی پتہ نیس کوٹھڑی وچوں سپ نکل آ یا یا، وچھی کھل گئی اے تے
گائیں نیاں تھناں پے گئی اے۔ پر کجھ بی نیس ہو یا ایہا۔ سارے ڈنگر آ پناں کلیاں تے
بدھے وئے ایہے۔ چلیہا نی چوں گوڑھا گوڑھا دھواں نکل کے ہولے ہولے ادھر ادھر کھلرنا
وینا ایہا۔ ہلے دیہوں نہیں چڑھا ایہا پر چا نا ویکھ کے بیری اتوں چڑیاں چڑچڑ کر نیاں اڈی
وینیاں ایہاں۔ سکینہ واں کوڑجیہی چڑھن لگ پئی۔

”توبہ۔۔۔۔۔“ چڑیاں کاں جا گئے نہیں جے بے بے رولا پا دینی اے۔ اٹھ نی
سکیناں۔ ایڈا سوہنا خواب پئی ویکھنی ایہی آں سارا بھلا دتاس۔“ اوہ اکڑیاں بھنی
چیلسانی دئیں ٹر پئی۔

”تدھاں کتنی وار سمجھایا نڈھیاں آر نہ ٹریا کر۔“ بے بے رڑکا چھوڑ کے واز
دتی۔“ آپنی چاچی دئیں ویکھ کیجوں چندگا لیس۔“

”چاچی“ سکینہ دند پیہہ کے ہولے جیہا اتنا آکھ سکی نہیں تاں دل کرنا ایہاں آکھے۔“ چاچی
نی چندگا لے وچ تبینڈھا بی بہوں سارا ہتھ اے بے بے۔“ پر اس نی بے بے بہوں جابر
ایہی۔ سکینہ تاں سکینہ اس ناں اباوی بے بے کولوں کن مارنا ایہا۔ اوہ چنی دھروکئی چلیہا نی
دئیں چلی گئی۔ چاچی چلی کول بیٹھی پھوکاں مار مار کے اگ بالنے نی کوشش کرنی پئی ایہی۔

”ہٹ چاچی! تبینڈے کولوں اگ نہیں بل سکنی۔ میں بالنی آں۔“ سکینہ دو ترے
پھوکاں ماریاں تے گوھیاں تے لکڑیاں وچوں بھڑک کر کے المبا نکل پیا۔“ تکا ای

چاچی۔ اگ ایہجوں بلنی اے۔ کدے ٹھڈیاں ساہواں نال بی اگ بلی اے۔

”ہاں سچ آکھنی ایس پر۔۔۔۔۔ چاچی وت ہک اساس بھریا۔ ہلا ونج توں منہ ہتھ دھو کے آ۔ میں تھینڈھے آستے روٹی پکائی آں“۔ سکینہ گھڑے وچوں پانی گھن کے کھرے تے آ بیٹھی۔ دوروں کدھروں ڈھول وجنے نی واز آنی پئی ایہی شید کوئی جنج چڑھن لگی اے تے وت سکینہ واں پتہ نہیں کیوں ہک پرانی گل یاد آ گئی۔ ایہجوں ای واجیاں گاجیاں نال اس نے چاچے ناں ویہ ہوئیا ایہا۔ اوہ گوٹے آلے کپڑے پا کے جنجاں نال گئی ایہی۔ جدوں ووہٹی گھر آ گئی تاں سکینہ نی بے بے بسم اللہ کر کے اس ناں گنھڈ چائیاتے آسے پاسے بیٹھیاں زنائیاں واں ایہجوں لگا جے بجلی جیہی چمک گئی اے۔ ووہٹی بی سوہنی ایہی تے اس ناناں بی ماؤ چن کے رکھا ایہا۔ چاننی۔۔۔ تھوڑی ڈھل تاں ساریاں اُبرای نہ سکیاں۔ اخیر ہکی زنائی نی واز نکلی۔ ”اللہ ہسنا و سنار کھس۔ ووہٹی تے چنے ناں ٹوٹا وے۔“

”آمین“ سکینہ نی بے بے جواب دتا۔ اس توں بعد ساریاں زنائیاں واری واری سلامیاں دینیاں گیناں پر سکینہ دور بیٹھی ہک سار چاچی دئیں ویکھی گئی۔ ”سکینہ روٹی پک گئی آ۔“ چاچی نی واز آئی تاں سکینہ ناں تراہ جیہا نکل گیا۔ اوہ ترکھی ترکھی مونہیں تے پانی ناچھٹا مار کے چاچی کول ونج بیٹھی، پر چاچی کول اجھنا کوئی سوکھا کم نہیں ایہا۔ اس نے چیڑے اتنے میلے ہونے ایسے جے تند نہیں دسی ایہی تے اس نالوں اتنی اوپری جیہی بو آئی ایہی جس ناں نکھیرا کرنا اوکھا ہووینا ایہا بئی ایہہ کیہڑی شئی نی بواے۔ سکینہ واں ابُت جیہا آ گیا تے اوہ روٹی گھن کے باہر منجی تے آ بیٹھی۔ کوئی دیہاڑے ایسے چاچی جس پاسوں لگھ وینی ایہی خشبوئیاں نیں ہلے آنے ایسے۔ کدے اوہ گلاب ناں پھل لگنی ایہی تے کدے چمبے ناں بوٹا۔ جدوں اوہ وزگاں چھنکائی کوئی کم کرنی پئی ہونی ایہی تاں سکینہ واں اوہ کم بھی سوہنا لگن لگ پینا ایہا۔ اوہناں دیہاڑیاں وچ جدوں بی ونگیاری آئی ایہی سکینہ ضد کر کے وزگاں پانی

ایہی تے وت چاچی آراوہناں واں چھنکانے نی کوشش کرنی ایہی پر کوئی دو سال ای لکھے ہوسن جے اس پینگھاں ناں لڑای ترٹ گیا جس تے سکینہ نہ چاچی پئی جھوٹی ایہی۔¹¹

چاچا کہیں کمے آستے آپنیاں پیراں تے ٹر کے ہسنا کھیڈنا شہر گیا تے دُونیاں نے موڈھیاں تے مڑ کے آیا۔ منجی ویکھ کے چاچی ہک دم مٹی نی مورت بن گئی نہ اس ونگاں بھنیاں نہ وال کھولے نہ وین کیتے۔ بس ہوٹھ گھٹ کے جتھے بیٹھی ایہی بیٹھی رہی۔ گرائیں نیاں زنائیاں بہتیرا اس نے گلے لگ کے روئیاں تے وین کیتے پر اس نیاں اکھیاں اوہجوں ای سکیاں رہیاں۔ اخیر تھک ہار کے ساریاں ادھر ادھر بہہ رہیاں۔ جس ویلے منجی چائی گئی تاں اوہ ساریاں ہکی دوئے نال گوشیاں وچ گلاں کرن لگ پیاں۔ سکینہ نے کول نیازو نی ماء بیٹھی ایہی آکھن لگی۔ ”جنا کرو ایسی“۔ سکینہ واں پہلی وار کوڑ چڑھی۔ ”ایہہ کیوں نہیں رونی۔ دو چار اتھر وکیر چھوڑے تاں کے دسے کدے تاں چاچا گھر چرکا مڑے آتاں بی رون لگ پئی ایہی۔ جے ایہہ رو پوے تاں ایہناں ساریاں نیاں زباناں تاں بند ہو وئجن“۔ سکینہ نے ابا کے چاچی نیں سرے تے ہتھ رکھاتے اکھیاں پونجھنا باہر چلا گیا۔ وت چاچی ناں وڈا بھرا اندر آیا۔ چاچی نیں پیکے بس بھراؤ ناں دم ای ایہا ہور نہ ماپیونہ بھین بھرا۔ کوئی بی نہیں ایہا۔ اس آ کے چاچی آں بلایا۔ ”چاننی“ اوہ ہک دم اٹھی تے اس نے گلے لگ کے ڈھائیں مار مار کے رون لگ پئی اوہ ہکی ساہ آکھنی وینی ہی۔ ”میں ہن کے کراں۔۔۔ میں ہن کے کراں“۔ بھرا آپ بی رونا پیا ایہا اس نے سرے تے ہتھ پھیر کے آکھن لگا۔ ”دھیے بھینے! کاٹھ نی ہانڈی ہکا واراگی تے چڑھنی اے۔ جیٹھے تے جھانی نی خدمت کریں۔ ہن اوہا تینڈے آپنے نیں“۔ اتنا آکھ کے اوہ بی باہر چلا گیا تے چاچی جتھے کھلتی ویسی ایہی او تھے ای ڈھے پئی۔ سکینہ نیں چاچے آں مونییاں بہوں سارا چر ہو گیا ایہا۔ ہن چاچی کم کار بی کرنی ایہی۔ کھانی پینی بی ایہی۔ پر اس ونگاں لاہ کے رکھ چھوڑیاں

ایہاں تے کوئی ہا سہ آئی گل سن کے اگلے دئیں ایجوں دیکھنی ایہی جے اوہ آپ ای شرمندہ ہووینا ایہاں۔ سکینہ ناں ابا سویلے ناں گھروں گیا کدھرے راتی ویلے مڑ کے آناں ایہا نہیں تاں ساری دیہاڑی باہر ڈھوکاں تے ای رہنا ایہا۔ کیوں جے ہلے نے ڈنگر تے گھوڑیاں باہر ہی ہونے ایسے۔ نالے ترے چار بندے جیہڑے واہی راہی آستے سکینہ اوراں کول نوکر ایسے اوہ بی او تھے ای ہونے ایسے۔ ساری دیہاڑی کوئی ناں کوئی آناں ویناں ای رہنا ایہا اس واسطے سکینہ ناں ابا کدے کدے ای دیہاڑی ویلے گھر آناں ایہا۔ پر ہن کجھ دیہاڑیاں توں سکینہ نے ابا ناں ٹورا پھیرا گھرے دئیں ودھ گیا ایہا۔ پہلوں تاں اس نی بے بے شید کوئی خیال ای نہیں کیتا پر ہکی دیہاڑے پتہ نہیں کیجوں اس نیاں نظراں سکینہ نے ابا نیاں نظراں نے کچھ کچھ ٹرنیاں جتھے اپڑیاں او تھے چاننی بیٹھی کروشیے نال کجھ بنانی پئی ایہی۔ سکینہ ناں ابا تاں پھر ٹر کے باہر نکل گیا۔ پر اس نی بے بے ایجوں اندر باہر پھرن لگ پئی جیجوں اس نی کوئی شے گم گئی ہووے۔ کتنے ای دیہاڑے اوہ ایجوں ای رہی۔ تے وت اندر ای اندر کہیں فیصلے تے پہنچ گئی۔ چاچی جس ویلے آپنیاں چیریاں آلا بکسا کھولنی ایہی سکینہ آ کے اس نے کول بہہ رہنی ایہی۔ بکسے وچوں ایڈی سوہنی خشبو آنی ایہی تے رنگ برنگے چیرے چنگے لگنے ایسے جے سکینہ ناں او تھوں ہٹنے تے دل نہیں کرنا ایہا۔ اس دیہاڑے بی چاچی بکسا کھول کے سارے چیرے باہر کڈھے تے وت اوہناں واں چھنڈ چھنڈ کے بکسے وچ رکھن لگ پئی۔ سکینہ کول ای بیٹھی ایہی۔ چاچی سادا مقیش آلا چیرا کھولیا۔ ”چاچی! ایہہ چیرا تہ کدے بی نہیں سرے تے کیتا۔“

”ہاں سکینہ!“ چاچی اوہ چیرا ہتھے وچ گھن کے اس دئیں دیکھی وینی ایہی وت ہولے ہولے اس نے ہتھ سرے دئیں گئے تے چنے نے آس پاس تاریاں گھیرا پا گھدا۔ باہروں پیراں نی واز آئی تے چاچی ہک دم چوراں آرا دھرا دھر تنکن لگ پئی۔ سکینہ نی

بے بے کچھ ڈھل بو ہے وچ کھلتی رہی۔ وت آکھن لگی۔ ”سکینہ توں باہر ونج اساں کوئی گل کرنی ایس۔“ چاچی ناں رنگ ہک دم پیلا ہر دل ہو گیا تے اوہ چیرے ناں ہک پلامروٹن¹ لگ پئی۔ سکینہ باہر نکل آئی پر اوہ حیران ای ہی اج بے بے کبھڑی ایجی گل کرنی ایس جیہڑی اس نے سامنے نہیں ہو سکنی۔ اوہ بوھے نال کھلورہی۔

”چاننی! توں مینڈی نکئی بھینوں بجاو یس توں سمجھیں نہ سمجھیں پر میں تینڈے نالوں وڈی آں۔ مانہہ پتہ وے وختے آلیاں کجھوں مٹی نال مٹی ہونا پینا وے۔۔ سائیاں خصماں آلیاں دنیا نہیں بخشنی توں تاں ہوئی بے نصیب۔ جے ہک واری ماڑا ناں نکل ونجے تاں بندہ نہ دین جوگانہ دنیا جوگا۔ مرداں ناں کے وے اوہناں وال تاں بہتیریاں۔۔۔“

”آپا۔۔۔ ہک دم چاچی۔ ججوں چیک ماری۔“ مانہہ معاف کر دے مانہہ معاف کر دے۔۔۔ پتہ نہیں اوہ کیڑی گلاں نی معافی پئی منگنی ایہی سکینہ بوھے نی وتھاں چوں جھاتی ماری۔ اس نی بے بے نیاں اکھیاں وچ بی اتھر وایہے اوہ اپنیاں پیراں تے ڈھٹھی وئی چاچی آں پئی اٹھانی ایہی۔

”شودھیے! تینڈی کوئی وختے جوگی عمر تاں نہیں ایہی۔ پر اس رب سوہنے نی مرضی۔“ اس دیہاڑے توں بعد چاچی بکسے دئیں نہیں گئی۔ ہولے ہولے سکینہ نے ابے نیں گھرے دئیں پھیرے گھٹن گئے پرہن اوہ گلاں گلاں تے چاچی آں جھڑک چھوڑنا ایہا۔ کوئی کم نہ ہو یا ہو وے اوہ جھٹ آکھنا ایہا۔ ”چاننی جے ایہہ وے اس کولوں کم کرایا کرناں ساری دیہاڑی کے کرنی رہنی اے۔“ ہک دو واری سکینہ سنیا اوہ اس نی بے بے آں آکھنا پیا ایہا۔

”اس آں زرا دبا کے رکھا کر، جے کوئی وادھا گھاٹا ہو گیا تاں قیامت آ لے دیہاڑے میں بھراؤ آں کے جواب دیساں۔“ تے وت کرنیاں کرنیاں ہو یا کے جے ودھ چوئے رڑکنے توں گھن کے گوھے تھپسنے تک سارے کم چاچی نے حوالے ہو گئے۔ ایجوں اوہ آپے ای ہر ویلے کیس نہ کیس کے وچ رجھی ای رہنی ایہی پر وت بی سکینہ نے ابے نے متھے توں مچڑ

نہیں لہنا ایہا۔ سکینہ سوچنی ایہی پتہ نہیں چاچی کولوں کے قصور ہو گیا وے ابا اس نال اتنا خفا رہن لگ پیا۔ پہلوں تاں اوہ اس تے بہوں خوش ایہا آنیاں وینیاں اس نے سرے تے ہتھ پھیر کے اساس بھرنا ہونا ایہا پرہن۔۔۔ اے نے غصے جیجوں چاچی ناں رہیا کھیا ساہ بی پی گھدا ایہا۔ بولنی تاں اوہ پہلوں بی گھٹ ای ایہی پرہن اُ کی چپ لگ گئی ایہس۔ پر سکینہ واں لگنا ایہا اس نے اندر کوئی دھواں جیہا دکھنا رہنا وے جیہڑا اس آں سرے توں گھن کے پیراں تک جھلوسی وینا ایہا۔ کدے کدے سکینہ واں بہوں کوڑ چرہنی ایہی۔ ایہہ چاچی زندگی ایجوں کیوں پئی کٹنی اے جیجوں عمر قید نی سزا بھگتانی پئی اے۔ اس ناں کدے دل نہیں کیتا کدے اپنے چیریاں گھنیاں واں ہک نظر ویکھ ای گھنے۔ بوئی ناں بھبکا جیہا آئیاتے سکینہ آپنیاں خیالاں وچوں باہر نکل آئی، چاچی اس نیں کول کھلتی وئی ایہی۔

”سکینہ تر کھ کر۔ اندرونج کے بہہ رہو۔ کدھرے اوہ لوک آنہ ونجن۔“ ”آگئے تاں کیہہ ہوسی۔“ سکینہ انج بے فکری نال بیٹھی وہی ایہی جیجوں اوہ لوک اس آں ویکھنے آستے نیں پئے آنے۔ ”بھیڑی گل اے نا۔ اوہ آکھسن گڑی ایڈی بے شرم ایں جے ساہمنے ای آن بیٹھی اے۔“

”چاچی ہک گل آکھاں؟“ سکینہ ناں دھیان کیں ہوری پا سے ای ایہا۔ چاچی پریشان جیہی ہو گئی۔ یا اللہ اس گڑی نیاں کناں وچ تاں ہن تک شرنا نیاں وچن لگ پینیاں چاہی نیاں ایہان۔ پرایہہ ایجوں چپ چپیتی بیٹھی اے جیجوں اس سارے معاملے نال اس ناں کوئی واسطہ ای نیں۔ کدھرے کوئی ہو رگل تاں نیں؟ ایہہ سوچ کے اس آں کنہنی جیہی آگئی تے اوہ سکینہ نے کول ای منجی تے بہہ گئی۔

”کے گل اے سکینہ توں ہر ویلے کے سوچنی رہنی ایں۔“

”چاچی توں نہ منیں مانہہ تینڈھا خیال آنار ہناں وے۔“

”مینڈھا خیال؟“ چاچی حیران رہ گئی۔ مینڈھے بارے کے خیال تدھاں آسکنا وے۔“

”چاچی توں سچ مچ اتنی بھولی ایس یا بھولی بنی ایس۔“

۱۱

”کے مطلب؟“

”تدھاں کجھ پتہ نہیں دنیا مینڈھے نال کے کیتا۔ ایہناں مینڈھے بے تے وچوں

روح کڈ گدی تے توں ذرا بی نہ بولی۔“

”اللہ فی مرضی ایہجوں ای ایہی سکینہ۔ اس وچ بندے شودھے ناں کیہہ دوش۔“

”ایہہ اللہ فی مرضی نہیں۔ اس نیاں بندیاں فی مرضی ایہی۔ مینڈی بے بے تے ابا مینڈھا ویاہ نہیں

کر سکے ایہے؟ جے ایہہ نہیں بی کر سکے ایہے تاں تدھاں جینیاں بندیاں آرتاں رہن دیون آ۔“

”چپ کر سکینہ۔ تدھاں خدا ناں واسطہ۔“ چاچی نے اتھروا ج ڈلھ ڈلھ پئے پئے

ایہے۔ سکینہ فی اواز سن کے اس فی بے بے بی کول آن کھلوتی۔

”کیہہ ہوئی ای فی۔ کیوں رولا پائی وئی ای۔“ سکینہ سر اچا کر کے بے بے دےیں ویکھا کجھ

ڈھل اس نیاں اکھیاں وچ اکھیاں پا کے ویکھنی رہی تے وت بولی۔ ”بے بے مانہہ ویکھنے آستے

کوئی بی نہ آوے۔ منع کر چھوڑا و ہناں واں۔ ایہہ نہ ہووے اتھے مینڈھے بی کوئی جیٹھ تے جٹھانی

ہون جیہڑے مانہہ جینیاں جی مار چھوڑن۔“

”کے پئی آکھنی ایس فی۔ اللہ نہ کرے مینڈھے تے کوئی وادھا گھاٹا بنے۔“ اس فی بے بے ذرا کم

جیہی گئی۔ ”کیوں میں مینڈی دھی آں تاں واسطے۔ ایہہ کینڈی دھی نہیں ایہی۔؟ تساں

اس نال کے کیتی اے۔“

سکینہ زندگی وچ پہلی واری بے بے نیاں اکھیاں وچ اکھیاں پا کے گل کرنی پئی ایہی تے

چاچی آں ایہجوں لگنا پیا ایہا، ایہہ اواز اس نے تنے فی، منے فی ساری زنگالی لاھی کھڑنی

اے۔ اس فی روح قطرہ قطرہ کر کے مڑنی آئی اے تے اوہ ہن نرا مٹی نان بت نہیں۔ جینی

جاگنی زنائی بنی وینی اے۔ (۴۱)

ڈاکٹر مرزا حامد بیگ

۱۱

اصل ناں حامد حسین اے۔ انہاں ناگراں موضع کمالہ وئے جیہڑا ضلع اٹک نے علاقہ چھچھ وچ اے۔ انہاں نے ابا جی سندھ نے محکمہ پولیس وچ ڈی ایس پی ہئے۔ ماؤنی طرفوں انہاں نی لڑی حضرت جی بابا اٹکی نال ونج ملنی اے۔ ڈاکٹر مرزا حامد بیگ ۲۹ اگست ۱۹۴۹ء وچ کراچی وچ جمے۔ پرائمری توں ایف اے تک نی پڑھائی ناں بہوں سارا حصہ اُتھے ہی لکھا اس وچکار اوہ سیالکوٹ تے اپنے علاقے نے گراں شمس آباد وچ ہک سال تک پڑھنے رہیں۔ میٹرک ۱۹۶۶ء وچ ڈی سی ہائی سکول نواب شاہ توں کیتی۔ ۱۹۶۸ء وچ اسلامیہ کالج سکھرتوں ایف اے پاس کیتی۔ ۱۹۷۱ء وچ گورنمنٹ کالج کیمبل پور اٹک توں بی اے پاس کیتا۔ ۱۹۷۲ء وچ اورینٹل کالج لاہور توں ایم اے نی ڈگری گھدی۔ ۱۹۷۶ء وچ ”اردو ادب میں انگریزی سے نشری تراجم“ تے مقالہ لکھ کے پنجاب یونیورسٹی توں پی ایچ۔ ڈی نی ڈگری گھدی۔ کالج نے زمانے وچ بیڈمنٹن کھیڈنے رہیں۔ فلماں دیکھنے ناں شوق نکلے ہونیاں ناہیا اسی شوق انہاں فلم انڈسٹری وچ پوہچا دیتا، کجھ عرصہ گل فلم کارپوریشن وچ رحیم گل نے اسسٹنٹ ڈائریکٹر نے طور تے کم کیتا۔ اس توں علاوہ ریڈیو تے ٹی وی آسے لکھاتے نالے اپنے لکھے وئے ڈرامے آں وچ ادکاری بی کیتی۔ پڑھائی توں بعد فروری ۱۹۷۴ء توں اکتوبر ۱۹۷۴ء تک پنجاب یونیورسٹی وچ ریسرچ سکالر رہے۔ ۳۰ اکتوبر ۱۹۷۴ء وچ انہاں واں گورنمنٹ ڈگری کالج وچ لیکچرر نی نوکری مل گئی۔ دسمبر ۱۹۷۶ء وچ انہاں نا تبادلہ گارڈن کالج راول پنڈی ہويا۔ ۱۹۸۹ء وچ اسسٹنٹ پروفیسر نے طور تے گورنمنٹ کالج سیٹلائٹ ٹاؤن راول پنڈی آگئے۔ ۱۹۹۲ء وچ گورنمنٹ پوسٹ گریجویٹ کالج اٹک وچ تبادلہ ہويا چار سال تک اُتھے اسسٹنٹ پروفیسر رہے۔ ۱۹۹۸ء وچ ایسوسی ایٹ پروفیسر بنے تے اردو ڈیپارٹمنٹ نے ہیڈ بنادے

گئے۔ جنوری ۱۹۹۸ء چ اسی عہدے تے پوسٹ گریجویٹ اسلامیہ کالج لاہور چ بدلی ہوئی جتھے بعد چوں پروفیسر تے ہیڈ آف اردو ڈیپارٹمنٹ اگست ۲۰۰۹ء تک اپنا فرض پورا کیتا۔ اس توں علاوہ ۱۹۷۴ء توں ہلا تک مختلف وقتاں چ علامہ اقبال اوپن یونیورسٹی اسلام آباد، گورنمنٹ کالج یونیورسٹی فیصل آباد، پشاور یونیورسٹی تے پنجاب یونیورسٹی لاہور نے ایم فل تے پی ایچ ڈی لیول نے نگران تے خارجی ممتحن رہے رکن۔ پاکستان وچ تے پاکستان توں باہر کنیاں ملکاں نے سیمیناراں چ ریسرچ سکالرنے طور تے گنیں۔ انھاں پہلی کہانی تاں لکھی جدوں اوہ ستویں جماتاں چ پڑھنے ہئے۔ برے سٹھ نے داہے چ افسانہ نگار نے طور تے ساہمنے آئے۔ ۷۰ نے داہے چ علامتی افسانہ نگار نے طور تے مشہوری ہوئی۔ انھاں دوہے علامتی تے تجریدی افسانہ نگاراں کولوں کہانی لکھنے نا اپنا ہک وکھرا وسیب اختیار کیتا جس نی وجہ توں علامتی افسانے وچ انھاں نی اپنی ہک وکھری شناخت اے۔ انھاں نی شخصیت تے کم اُتے پاکستان تے انڈیا نے کنیاں رسالیاں چ نمبر چھپین تے ایم اے ایم فل نے مقالے لکھے گنیں۔ انھاں نی تحقیقی، تنقیدی کم تے افسانے نیاں کتاباں اردو ادب وچ ہک خاص مقام رکھنیاں۔ مرزا حامد بیگ مقامی بولی نے پہلے افسانہ نگار اُن جنہاں نے افسانیاں نی پہلی کتاب ”قصہ کہانی“ ۱۹۸۴ء کیمبل پوری زبان نے چھا چھی لہجے چ چھی۔

اعزاز تے ایوارڈ:

۱۔ سول صدارتی ایوارڈ (تمغہ امتیاز) گورنمنٹ آف پاکستان (۲۰۱۰ء)

۲۔ پاکستان رائٹر گلڈ ایوارڈ، چھا چھی ”قصہ کہانی“ (۱۹۸۴ء)

۳۔ نیشنل بک کونسل پاکستان ایوارڈ، ”گناہ کی مزدوری“ (۱۹۹۱ء)

۴۔ نیشنل بک کونسل پاکستان ایوارڈ، ”مصطفیٰ زیدی کی کہانی“ (۱۹۹۳ء)

قصہ کہانی

۱۱

ڈاکٹر مرزا حامد بیگ

مکئی گل ای اے کہ میں کدے بی اُدھار گھسن کے واپس نہیں کیتا۔ میرا خیال ہیا اُدھار گھدا ای اس واسے وینا کہ واپس نہ کیتا جُلے۔ میں پچھلے پنجاں سالاں نی بیکاری نے دِناں وچ اتنا اک اُدھار گھسن چکا واں کہ واپس کرنے تے آواں تاں اگلے پنج سال بھکھا بیٹھا رہواں۔ برے اج میں ستاہراں روپیاں نامنی آڈر بھیج کے دو سال پہلوں کھاہدے ہوئے اُدھار کھانے نا بل ادا کرنا چاہناں، صرف ہک بل جس نا کدے کسی نہیں پچھا۔ برے جس مانہہ ہر ویلے اپٹھا لٹکا ئی رکھا ہیا۔

ہن اُس ہوٹلے ناں پتہ مانہہ پوری طرح یاد نہیں رہیا، برے میں ای جاننا کہ ایہہ پیسے اُساں پونج ولسن۔ میرے جیہا بندہ اس نے پیسے نہیں مار سکا تاں ہو ر کوئی نہیں مار سکنا۔ گجھ عرصہ پہلوں اس شہر چوں آنیاں آخری دیہاڑے، کاؤنٹر تے پئے ہوئے رجسٹر تے دستخط کرنیاں، میں اُس نال جھوٹھا وعدہ کیتا ہیا کہ گھار پونچنیاں ای سارے پیسے بھجوا دیساں، تے اُس جواب دتا ہیا۔ اوہ یرا میرے پیسے کدھر نہیں وینے۔ بے غم رہو۔ میرے ہوئے تے آپے پونج ولسن۔ تے میں اس ویلے سوچیا ہیا۔ ”توں بی بے غم رہو۔ میں کدے اُدھار واپس کرنے واسے نہیں گھدا۔“ برے اج پہلی تنخواہ لہھی اے تاں اوہ یاد آیا اے۔ میں اپٹھا لٹکایا ہوا اُس ناں پتہ یاد کرناں۔

میں اپنے آپ اں اج پہلی واری اتنا کمزور پیا ویکھناں میں اس تنخواہ چوں ہک پیسہ بی اُدھار لائے چ ضائع نہیں کرنا چاہناں۔ برے کیہ کراں میں بے بس آں تے اوہ پیا آکھنا اے ”یرا میرے پیسے کدھر نہیں وینے۔“

اج تنخواہ گھننے ویلے دستخط کرنیاں مانہہ اُس نے کاؤنٹر تے پئے ہوئے رجسٹر نے

دستخطاں، وت ہک واری سرے نے بھار کر دیتا اے، میں اُس نے ہوٹلے وچ اپنا پہلا دیہاڑا یاد کرناں واں۔ اس دیہاڑے کسی پاسوں روٹی نی درک نہیں ہئی تے میں اُس شہر ناں ماتر پتر ہکی کئی جیہی بند ہئی نی مہاٹھاں تے بیٹھا ہو یاں اس ہوٹلے نے اندر باہر ہونیاں لوکاں واں پیا ویکھنا ہیاں۔ پتہ نہیں کجھوں تے کہیہ سوچ کے میں بی اندر وڑ گیا ہیاں تے رج کے روٹی کھادی ہئی۔ بعد وچ چاء پی کے آرام نال کاؤنٹر نے کولوں ہو کے باہر نکل آیاں۔ اس بی پچھوں واز نہیں دتی۔ میں پورے ست دیہاڑے روٹی کھانا رہیاں تے اس جنے نے پترے پرتا یا نہیں۔

آخری دیہاڑے میں آپ ای کاؤنٹر تے کھلو گیاں۔ اوہ مانہہ کھلوتا ویکھ کے دوئے پاسے ویکھنے آں لگ پیا۔۔۔ ”میں گھار پونچھیاں ای سارے پیسے بھجوادیاں۔“
 ”اوہ یرامیرے پیسے کدے آپے پونچھ ویسن۔“
 میں اُتھے ہکی سنگیے نال گل کیتی تاں ہس پیا، آکھن لگا:

”میں تاں جدواں پہلوں دسا ای نہیں ہیا کہ غریب نابال مارا ویسی۔ سچ پچھیں تاں ویلے بے ویلے میں بی اُتھوں ای پیا کھاناں۔ برے یار لوک اکھنائے۔ اوہ اپنا کھادا پیتا جدواں چاہوے رکھا گھنے۔“

وت اُس مانہہ ہک کہانی سنائی کہ ہوٹلے والے ناہکا پتر ہیا۔ عُمر ہو سیں کوئی ستا ہراں سال۔ بڑا سوہنا۔۔۔۔ اوہ گم گیا۔ پورے پندھراں دیہاڑیاں بعد شہر نے ہکی بندمکانے چوں ہک لاش لہھی، بالکل ننگی۔ شناخت کرنے تے پتہ لگا کہ اسی نا پتر اے۔ لوکاں ناٹھا ٹھاں مارنا سمندر، جس وچ اوہ ہکلا، ہر بندے نے مونہیں دائیں پیا ویکھنا ہیا۔ کسی بندے اس نی اکھی چوں اتھرو کر نیاں نہیں دیکھا ہکا چپ۔

رولا پیا۔ پلس والیاں پچھ گچھ کیتی۔ اس توں پچھا گیا کہ کسی تے شک اگیا تاں

دس۔ اوہ آکھن لگا۔ ”میری کسی نال دشمنی نہیں، میں کس تے شک کراں؟“
 گجھ لوکاں واں اسی نے ہوٹلے تے کم کرنے والے ہکی بڈھے نو کرے تے شک ہیا
 ۔ برے اس ناہکا جواب ہیا: ”میں کس تے شک کراں۔ اس بندے تاں میرے پترے
 آں اپنے ہتھاں وچ کھڑایا اے۔ ای اس نے پیو نی جاگھاں اے۔ تسی آپ دسو میں اس
 تے کیجوں شک کراں؟“

گل پرانی ہوگئی تے لوک بھل بھلا گئے۔

اوہ نو کر چپ چپ ہون لگا۔ ویکھنیاں ویکھنیاں اس نے سرے نے سارے وال چٹے
 ہو گئے تے لوکاں چاء دینیاں اس نے ہتھ کمں لگے۔

ہکی دیہاڑے اوہ صبح ہوٹلے تے آیا۔ شامیں محلے نیاں بندیاں واں اس نی کوٹھڑی
 چوں اُس نی لاش لہھی۔ اس ہوٹلے نی ای چھری نال اپنی گچی لاسٹی ہئی۔ اس موتاں نے
 گواہ محلے نے نکے نکے دو بچے ہئے جینہاں نے سامنے دیہاڑی ویلے اس مرنیاں اقرار
 کیتا کہ ہوٹلے والے نے پترے نا قاتل میں ای آں۔

اس گلاں بڑے دیہاڑے ہو گئے نیں۔ ویکھ کے دسو میرے سرے نے وال چٹے
 تے نہیں پئے ہونے۔ میں کمنیاں ہتھاں نال منی آڈر۔ لکھناں۔ (۴۲)

لیاقت سیماب

¶

انہاں نا اصل ناں لیاقت خان اے۔ ۱۴ اپریل ۱۹۵۵ء واں اٹک نے ہکی گرائیں شکر درہ چ سکندر خان نے گھار جے ون۔ پنجابی ادب نال انہاں نی شروع توں لگت اے اس آسے پنجابی چ ایم اے کیتا تے نالے پنجابی زبان وچ ای لکھن ناں چسکا پیا

-

۱۹۷۰ توں پنجابی چ پئے لکھنے ون شروع چ شاعری آلے پاسے زور ہیا بعد چوں اپنی مقامی بولی کیمبل پوری چ کہانیاں بھی لکھن لگ پئے۔ انہاں نیاں کہانیاں ”سہ ماہی قتدیل“ نے گوشے پنجاب رنگ وچ بی چھپیاں۔ گورنمنٹ پوسٹ گریجویٹ کالج اٹک توں لیکچرار اسسٹنٹ ریٹائر ہوئیں۔

پنجابی زبان وچ کہانیاں نی کتاب ”کچیاں تنداں“ تے شاعری نی کتاب ”جل بن مچھلی“ بہوں عرصے توں چھاپن ناں ارادہ رکھنیں برے ہلہ تک انہاں نی کوئی کتاب نہیں چھپی اے۔ کجھ سال پہلوں اپنے گرائیں نے ہک شاعر شیر بہادر پنچھی نی شاعری نی کتاب چھاپی نیں اس توں علاوہ انہاں نا کوئی ہو ر کم ساہمنے نیں آیا۔ (۴۳)

کچیاں تنداں

۱۱

لیاقت سیماب

دوروں ڈھولکی نی اواز تے پئی آنی ہئی پر جس ویلے ڈھول گجاتاں اس نی دھک
مینڈے دے وچ لگی پتہ نئی جے میں مکھن بابے نے پترے نے ویا ہے تے وینے واسے
کیوں اتنا ابا ہلا تھی پیا۔

ویہڑے وچ نڑیاں تے ساوے پتراں او تے گرائیں نے سارے لوک سب
سیت کے چوکیاں بنا کے ایٹھے وئے ایسے۔ میں بی ہک چوکی نال اج ریا تے روٹی ورتا نے
والیاں مینڈھے ساہمنے لوتے ناں طباق تے ٹکرے نی نوکری آرکھی۔ میں مضمان ای سہی
پروت بی روٹی کھا کے مہرا جے آں سلامی دینا بی تاں ضروری ایہا۔ میں پکچھائی مہراج
کتھے وے۔ تاں ہک بندے مکھن بابے دئیں اشارہ کیتا جیہڑا ڈھولے نے ڈنے تے بر بلا
کھیڈنا پیا ایہا۔ مانہہ اوپرا جیہا ویکھ کے اوہ مینڈھے کول آیا تے مانہہ لاڈے نال جالاہ
گدا۔ ہک نکا جیہا جاکت جیہڑا مے پنجاں اک سالان ناں ہوسی، رتہ چیرا
ولہٹا ویا، بانہواں وچ گائیاں ناں چھج، سرے تے پھمڑیاں والا سہراتے ہتھے وچ لوہے
نی کھونڈی نی وئی ایہی جس وچ لوہے نے چھلے پئے چھنکنے ایسے تے ہک ہور بندے نے
موہڈیاں تے ایٹھا ویا ایہا۔ مانہہ دسا گیا بئی اے مکھن بابے ناں پتر باز خان اے تے
اسے ناں ای ویاہ اے۔ اتنی نکئی جیہی عمراں چ ویاہ، میں حیران تاں ہو یاں پر اس ویلے
مینڈھی حیرت چک گئی جدوں ایہہ گل میں سنی بئی بوہٹی نی عمر تریہہ سال اے۔ مینڈھا منہ
کھلاناں کھلا رہ گیا تے ہور کچھ پکچھن جو گانہ ریا۔

گل گھلی بئی بوہٹی پہلوں بی مکھن بابے نی نونہہ ایہی۔ جس ناں ویاہ یاہراں
سال پہلوں مکھن بابے نے پترے سلیم نال ہو یا ایہا تے ویا ہے نے چھ مہینے پچھوں سلیم

تے اس فی ماء دوویں ہک حادثے چ مر گئے۔ جوان پترے فی منجی گھروں نگلی تاں مکھن بابا گوڈیاں بھار ڈھٹھا۔ اس دنیا تے سوائے ہک پترے نے ہو رکورا ایہا۔ سلیم ای تاں اس نے بڈھپے فی ٹیک تے اکھیاں فی لوا ایہا۔

سٹھ سالان فی عمراں وچ اوہ ایہجا سوڑ کبھجوں سہہ سکنا ایہا۔ جوان پترے فی موتاں ماپیوناں لک تروڑ دینی اے تے ایہجا دکھ تاں خدا کالے کافراں بی نہ دیوے۔ مکھن بابے آں سرت آئی اس فی نو نہہ حمیداں پواندی اجھ کے اس نیاں تلیاں پئی ملنی ایہی۔ ”سر تاں چا ابا“ حمیدہ اساں تسلی دتی ”میں جدوں تائیں جینی آں تینڈھے موہڈھے نال موہڈھا لاکے کھلساں تینڈھا پتر بن کے تینڈھے نال رہساں۔“ حمیداں اُساں ڈاہڈی دل بھری بھنائی۔

ہک ویلا آیا جے حمیداں نے ماپیو سوچن لگ پئے ہی دھیاں فی ذات اے جوان جہان کوئی رنڈیا کبھجوں کٹھی جوانی وچ رنڈیا تاں جیوں پہاڑے آں دھکا دینا اے۔ برادری نے چارجی اکٹھے تھی کے مکھن بابے کول گئے ہی اوہ حمیداں اس نے ماپیوناں ٹور دیوے۔ اس شوہدھے ناں کیہڑاوس چلنا ایہا۔ بس سرسٹ کے رون لگ پیا۔ حمیداں چپ چپیتی سر جنو آں تے رکھ کے سنی پئی ایہی۔ دھیاں تاں موئی وئی مچھی ہونیاں نیں، اگی وچ سٹویا پانے وچ ایہناں کیہڑا رعدراے۔ دھیاں ماپیو نے گھار ہوون تاں ایہناں نیاں خدمت گار سوہرتے گیاں تاں اوہناں نیاں تابعدار، وفا کرنا تاں ایہناں وچ گٹ گٹ کے بھرا ہویا اے جرگے ناں فیصلہ سن کے حمیداں موئی وئی مچھی توں مچھری وئی شیر فی بن گئی اس جنو آں توں سر چایا تے جرگے نے سواں کھل گئی۔

”بھانویں اُتا تھلے تے تھلا اُتے تھی ونجے میں مکھن بابے آں لگا سٹ کے کیں پاسے نہ ویساں۔“ ایہجوں لگنا پیا ایہا جیہجوں اس نے اندر ڈھاڈی بلنی پئی ہووے اس نیاں

اکھیاں وچوں جیوں او انڈے پئے نکلنے ہوون۔ اپنے پیو نے موہڈیاں تے سر رکھ رو رو کے اس ندیاں نیل چاڑھ دتے رو رو کے جدوں دے نی ہواڑ کسی تھی تے پیو نی جھولی وچ سر سٹ دتاتے اپنے پیو آں یاد دیوایا اس ای آکھیا ایہائی جتھے اس نی ڈولی پئی وینی اے منجی وی اسے ای گھروں نکلسی تے ہن اوہ اتھے ای جیسی تے اتھے ہی مرسی۔ بھانویں دنیا دوتھی ونجے میں مکھن بابے آں سٹ کے کیس پاسے نہ ویسی۔ جرگے والیاں ناں تراہ نکل گیا ایڈی شرماکل تے چپ چپیتی کڑی وچ اتنی جرآت کتھوں آگئی اے۔ تے چھیکڑ حمیداں سوہرے نے کول ای رہ گئی۔

ویلا حمیداں تے مکھن نے پھٹاں تے پھاہے رکھنا ریا تے سلیم ناں پہلا ورہا آگیا۔ اس راتی حمیداں ڈاہڈی کس چڑھی جس نال اس ناں حبثہ بلن لگ پیا۔ مکھن بابے آں ہتھ پیر پے گئے۔ اوہ حمیداں ناں سراپنی جھولی وچ رکھ کے دبانا ریا مکھن جدوں وی پترے ناں ورہا آوے تاں حمیداں آپنے کول ہجا کے اپنا سوڑ گلاں نال کڈھ چھوڑے پر پانی نی تریہہ دودھے نال تاں نیں لاہنی، وت بی اوہ سب کجھ وسار کے حمیداں نے کھاہڑے لگا رہیا تے پترے نے رو لے گھٹ تھینے گئے۔۔۔۔۔ سیانے آکھنے نیں بی زمین نامنہ بہوں ٹھنڈا ہونا وے۔

حمیداں کجھ سُر ت آئی اوہ اوکھاں نال اٹھ کے اجھرئی ”بابا میں تداں کتنی کوچنگی لگنی آں۔“ مکھن دھاڑا دھاڑا کر کے رون لگ پیا ”دھیے اے وی کوئی کچھن والی گل اے۔“ اوہ ذرا سنبھلا ”مینڈھے بے وچ تاں تینڈھے نال ای ساہ اے۔ تداں کجھ تھی گیا تاں میں اُکا ہی مک ویساں پر گل کی اے مینڈھے کولوں اے کیوں پچھاوے“ حمیداں نی اکھیاں تاڑے لگ گیاں تے ہک واری وت اوہ بے سرت تھی گئی مکھن دوڑ کے پانی ناٹھل بھر آندا تے حمیداں نے سرے تلے ٹیک دے کے اُساں کھلا کیتا حمیداں اکھیاں پٹیاں تے

ہکا چھیک لاکے بٹھل بھراویا پی گئی ”بابا میں تینڈھے کول ہک شرط تے رہ سکنی آں“ حمیداں نے منہ تے نکلی جی ویسی آگئی۔ سلیم نے مرن توں پچھوں اج پہلی واری اوہ ذرا جلی ہسی ایہی۔ مکھن آں کوئی ات گت نیں پئی آئی ایہی بئی حمیداں کی واویلیاں پئی ماری اے۔ ”بابا پتہ ای بئی میں کیوں تینڈھے کول رہ پئی آں۔“ حمیداں نا جھک تھی مکھن نے ساہمنے اجھ رئی تے اس نے جواب دینے کولوں پہلوں ای اُبر پئی ”بابا توں ویاہ کر گن“ ایہہ سن کے مکھن نے پیراں تھلوں زمی نکل گئی تے اس ناں اُتا ساہ اُتے، تے تھلا ساہ تھلے رہ گیا ”حمیداں جھلی تاں نیں تھی گئی اس میں کوئی ویائے جوگا آں۔“ اس نی گل گلے وچ پھس گئی ”پتر میں تداں کوئی اوکھ سوڑتاں نیں دتا تے وت۔۔۔۔۔“

”وت کجھ بی نیں بس میں جیہڑی گل متھی وئی اے اوہائی ہوسی۔“ حمیداں ہک نوں عزم نال گل کیتی۔ ”بابا گل ایہہ وے بئی ایہجوں حیاتی کدوں تائیں گذری۔ اللہ نے دیونہہ پھیر ویں نیں۔ جے اللہ تداں کوئی پتر چا دیوے تاں اساں دوہاں نی حیاتی سکھلی کٹ ونجے۔“

مکھن ناتراہ نکل گیا بئی حمیداں جی بھولی تے شرماکل کڑی چ اتنی جرات کجھوں پئے گئی تے دوئی گل ایہہ وے بئی میں تاں اپھل بوٹاواں جساں ہن کوئی بوروی نیں لگ سکنا ترے تھ سالان ناں بڈھا تاں ہن کھا بڈا ایٹھا تے نالے اس بڈھپے وچ مانہہ کور پچھسی الٹا لوکاں نیاں گلاں بن ویں۔ زمانہ تاں کھوتے نی مثال اے اگوں لنگوتاں چک پانا تے پچھوں لنگوتاں لت ماری۔ پر حمیداں آپنی این منوا کے رہی۔

چھپے کنے مکھن ناں ویاہ تھی گیا۔ اللہ کول کوئی تھوہڑتاں نیں نالے نیت صاف تے بیڑے پار۔ ہئی بھئی تے ہکا گل پئی تھینی ائی، رہنے سیانے آکھنے نیں بئی دکھ دکھیے تے سکھ سکھئے۔ چھیکڑوں مکھن آں حمیداں نی صداں اگے سر سٹنایا تے اپھل بوٹے آں ہک

واری وت بور لگ گیا۔۔۔ باز خان نے جمن توں پچھوں حمیداں نی جوانی ناں دریا چھلاں مارن لگ پیا۔ اوہ باز خان آں کچھڑ چا کے کھڈانی رئی۔۔۔ پنج سال نگھ گئے۔۔۔ حمیداں^{۱۱} نے حبّے وچ نویں جی تڑ آئی۔ اس جھلی کچی تندیاں نال ونج جھوٹا کھاداتے پریت نی ایہہ کچی تند پہلے اُلا رے نال ای ترٹ گئی۔ باز خان نے ویاہے توں کوئی ست سال پچھوں مکھن بابے نیاں اکھیاں نوٹیاں گئیاں۔ حمیداں ہک اولی جی ہاڈ لا کے جینی پی ائی۔ باز خان جدوں اٹھاراں سال ناں ہو یا تاں حمیداں پنچتالیاں نے گیرے وچ ونج رئی۔

نقدیر کیس پھروں کے دیکھی، ایہہ تاں انھاں کھوہ اے، اس نے گیرے وچ لکھاں گئے مُنظر نیں آئے۔ حمیداں وی اسی گیرے وچ پھس گئی۔

باز خان پر کڈھے تاں اُساں اڈ نے نیں چج بی آگئے، اس سوچیا بئی بڈھی حمیداں نال اس ناں گزارہ کجھوں ہوئی۔ اخیر اوہ حمیداں نقدیر نے انھے کھوہے وچ دھکا دے کے آپ سگری چھانواں تلے ونج ایٹھاتے پچھے مُن کے نیں دیکھا بئی جس اپنی پہاڑ جی جوانی اس واسے لکھ کر چھوڑی اوہ کیہڑے پاسے ویسی تے کیہڑے کڈھے لگسی۔ حمیداں بہوں تر لے متاں کیتیاں بئی اس تے ایہہ ظلم نہ کر، پر اس ہک نیں سنی۔

جس راتی باز خان دُعا بھنائی اس راتی حمیداں منجی نی دون کڈھ کے پھاہ پا کے مر گئی۔ اپنیاں ساریاں سدھراں تے چاء جنہاں واسے اپنی ساری جوانی گال سٹی ایہس اپنے نال ای گھن گئی۔ دوئے دیہاڑے سویلاں باز خان نی نویں ووہٹی نی ڈولی پی آئی ایہی تے اوہے راہے تے حمیداں نی منجی پی وینی ایہی۔ (۴۴)

ڈولی

❏
توقیر چغتائی

(پچھان صفحہ ۱۱۰)

ایجوں لگناوے جیوں بس آگئی وے۔۔۔۔۔

نئیں اوے جنیا ایویں دھوڑ جئی اے۔ مانہہ لگناوے جیوں ولوہنا آیاوے
نئیں نئیں بس ای لگنی وے۔

باہرونج کے کھیڈو! ہٹواوے ونج کے جاکتاں منجی توں لاو۔ کیہ ید پائی وئی نے؟
چٹیاں چادران گندیاں کر چھوڑیاں نے۔ جو جمعے جمعراتی ناحرامی اے اتھے

آن وڑاوے۔ ایہناں سرہاندیاں نے اچھاڑاں تہاں نی ماں دھوسی؟

یراماما چھوڑنا سبھ ٹھیک ہو ونجسی۔ توں کیوں گھبراناویں۔ اندرونج کے کڑیاں
آکھ جنج آگئی اے۔ تیاری کر کے رکھن، نالے ہاں سچ روٹی ورتانے واسے کسے وڈیری
آں ہجاویں۔ ای جاکتیاں حراں ہڑاں بیرے آپ کھا ونجسن تے پانی مزماناں پادلیسن۔

مانہہ تاں سمجھ نئیں آنی پئی۔ ایڈی وڈی جنج کیجوں سانہساں؟ یرا تکیا
ونجسی۔ میں ایہناں پہلو ای آکھیا ایا بندے اج تھوڑے ای آنیو، میرے کول کیہ
وے؟ کڑی وے یازمی وچ کے تھوڑا بہوں جو کجھ بنایا وے۔“

اسلام لیکم!

والیکم سلام

ایہہ کڑی ناپیو وے شیر عالم۔ خان جی!

ایہناں دو بساں، چارٹرک تے دو وینگناں، پنڈی توں اٹک چلنیاں نے۔ نالے

وڈا جاکت ولایت ہوناوے۔ اساں اج جنج انھاں نی گڈی تے آندی اے۔
 ”لگھو منجیاں تے بہو، جو جوح جواراے میں حاضر کرناں۔ بسم اللہ جی“

۱۱

گل سنواوے جاکتو !

ہاں لالہ دس

آپنی بھینوں نی ڈولی تسی آپ چا کے بساں کول کھڑیو۔ مانہہ چنگا نہیں لگنا جے
 مینڈی دھیو نی ڈولی کوئی ہو ر چاوے۔
 ہلا لالہ اسی آپ کھڑساں۔

سناؤ بھائی کسی شے نی کمی تاں نہیں نا؟

نہیں چا چاہن اساں رخصت کر۔ اساں بہوں دور ونجناوے۔

توں پلنگھ چااوے۔

توں بسترے۔

توں ٹی وی تے وی سی آر۔

تے تسی پکھے نالے واشنگ مشین۔۔۔

بس پتر ہتھے ڈولی رکھ چھوڑو تے پہلوں سمان بساں چے سٹاؤ۔ آپنے جاکت حرامی
 آکھا ای نہیں سننے، نالے ہنیرابی ودھنا پیاوے۔

بسبھ کجھ رکھ چھوڑا نہیں؟

ہاں رکھ چھوڑاوے۔

۱۱

چنگا پتر اسی ونجنے آں۔

چنگا ونجورب سوہنے نے حوالے۔

اللہ خیر کرے لالہ، بس بنوں تیز پئے چلانے نوں۔

اللہ تہاں فی بھینو آں سکھ دیوے پتر۔ چلو ایہہ ڈولی چاؤ جے گھارونجاں۔

ڈولی بھاری کیوں اے؟

اندر میں بیٹھی آں۔

برے کیوں فضیلت؟

تسیں بہوں خوش او جے مانہہ چوکھا سامان دتا نیں تے مینڈے ویرو ! اوہ

بہوں خوش نوں جے اُنہاں بہوں سمان لبھ گیاوے۔ پرونجنیاں ونجنیاں اوہ مانہہ کھڑنا بھُل

گئے نوں۔ جے میں بی کوئی بھانڈا شانڈا ہونی تاں مانہہ بی گھن ونجن آ۔ (۴۵)

ارشاد علی

۱۱

اصل ناں محمد ارشاد اے۔ ۱۵ اگست ۱۹۶۳ء آں محمد یوسف نے گھار شکر دہ چ اکھ کھولی۔ پنجویں تک پرائمری سکول شکر دہ چ پڑھاوت گورنمنٹ پائیلٹ سکینڈری سکول اٹک شہر چ داخل ہوئے جتھوں ۱۹۷۷ء چ اٹھویں پاس کیتی۔ ۱۹۷۹ء چ گورنمنٹ اسلامیہ سکول اٹک توں میٹرک کیتی۔ اس توں بعد گورنمنٹ کالج اٹک چ داخل ہوئیں برے اگے تعلیم جاری نہ رکھ سکے ون۔ بعد چوں نوکری نے دوران علامہ اقبال اوپن یونیورسٹی توں ۱۹۸۶ء چ ایف اے کیتا۔

۱۹۸۲ء چ پرائمری سکول بسال توں ماسٹر نی نوکری شروع کیتی برے کجھ مہینے بعد ای نوکری چھوڑ کے محکمہ صحت چ ویکسی نیٹر بھرتی ہو گئے۔ ۱۹۸۴ء چ محکمہ بہبود آبادی چ ویلفیر اسسٹنٹ نوکر ہوئے۔ شروع چ دیہی فلائی مراکز چ ڈپٹی وئی وت اٹک مرکز چ آگئے ہئے جتھے ہُن تک ویلفیر اسسٹنٹ نی نوکری انجام پئے دینے ون۔

ادبی سفر شاعری توں شروع کیتا پہلوں ارشاد علی ناشاد نے نائیں نال شاعری چھپی، انھاں نی من پسند صنف ہائیکو ہی۔ بعد چوں افسانے لکھنے شروع کیتے۔ پہلی بیانیہ کہانی ۱۹۸۲ء آں ”نوائے وقت“ چ چھپی وت انھاں نارحمان علامتی تے تجریدی افسانے دئیں ہو یا تے ۱۹۸۴ء چ پہلا علامتی افسانہ ”سہ ماہی ادبیات“ اسلام آباد چ چھپا۔ بعد چوں انھاں نے افسانے فنون، ماہ نو، ارتکاز، قدیل، جمالیات تے مشعل چ چھپنے رہے۔ کجھ عرصہ ریڈیو پاکستان راول پنڈی تے پشاور آسے پروگرام اناؤنسر تے فیچر رائٹر کم کیتا۔ ہک پروگرام ”جواں سال“ نی میزبانی بی کیتی۔

یکم جولائی ۲۰۰۱ء توں ”روزنامہ اساس“ چ کالم لکھ کے کالم نگاری شروع کیتی۔ بعد چوں روزنامہ جنگ، روزنامہ نوائے وقت، ازکار، اوصاف، جناح ایکسپرس،

روزنامہ کائنات تے ہو رکئی اخباراں چ کالم لکھے۔ ۲۰۰۴ء نامہ نگار اٹک ”روزنامہ جنگ“ چ کم شروع کیتا اس توں علاوہ روزنامہ اسلام آسے بی خبراں لکھیاں۔^{۱۱}

۱۹۸۹ء چ ادبی تنظیم ایوان ادب فی بنیاد رکھی جس نے صدر ہئے۔ ۱۹۹۴ء تک اس تنظیم تنقیدی پروگرام تے مشاعرے کرائے۔ ایوان ادب توں علاوہ صدر سول سوسائٹی پاکستان، صدر قلم قافلہ اٹک، نائب صدر تنظیم ادب وثقافت، رکن قندیل ادب اٹک تے کاروان قلم اٹک کم کیتا۔ پنجابی ادبی سنگت اٹک، فروغ نعت اکیڈمی اٹک، ہیومن رائٹس کمیشن پاکستان بی فیئر NEHD، پریس کلب اٹک، پاک ایشاء جرنلسٹس ایسوسی ایشن تے ورلڈ کالمسٹ یونین نے ممبرون۔ (۴۶)

رات جدائی آلی

ارشاد علی

روشنیاں آلا سو ہنا ہسنا کھیڈنا شہر ہن موتاں نی چُپ وچ ولھیٹا پیا۔
 باہر گلی وچ کوئی آٹھی وئی اواز چے ہوکا پیا دینا ”چن! میں آناں پیاواں، مینڈا
 تارا سانجھ کے رکھیں!“

کہانی سنانے آلا آکھنا کہ اوہ بی مکھرے نی ایجی ای ہک لمی ٹھڈی تخ تے
 ڈرونی رات ہئی۔

اوہ جاننا ہیا جے اُس نی موتاں نا ورنٹ نکلا پیا وئے، روز دیہاڑے کر فیواے
 تے بھارے بوٹاں آ لے بی اُساں نہ بچا سکسن۔

ہک پاسے اُس وقت نا حاکم اس کولوں بہوں عاجز ہیا تے دوہا اس ظلمیے بادشاہ
 نے حق چے لکھن توں بی نانہہ کر چھوڑی ہئی تے دوئے پاسے سارے شہر آں مٹھی چے رکھنے
 آ لے بد ماشاں نی مرضی نال اخباراں چے لکھن توں بی انکاری ہیا۔

کدے اوہ ایہناں نی مرضی تے لکھے آتے لکھ پتی بن ونجے آبرے اوہ بہوں
 سوہنیاں لکھتاں نا معمولی جیہا پیسہ گھن کے بس واہ واہ چے گزارا کر گھننا ہیا۔ اوہ کنگلا ایہناں
 نا آکھا من گھنے آتے پیسیاں چے پیا کھیڈنا ہووے آتے جان بی بچا گھنے آ۔

پر ہن مہلت ناں پانی ویلے نے پلے تلوں لگھ کے بہوں دور ہندشے نے
 دریائے وچ رُل گیا ہیا۔ ہن اوہ ایہناں نے مزام چڑھ گیا ہیا جیہڑے خنامی ہزاراں لوکاں
 نا خون کر کے بی نیس رجے اٹے۔

کچھ ڈھل زندگی ہکی چنگے بھلے دھرے نے اُتے چلن لگ پئی ہئی پر اس شہر آں کینڈی
 نظر لگ گئی اے تے ویکھنیاں ای ویکھنیاں چار چھپیرے زبان، نسل تے صوبے نی

خندک جاگ پئی۔

ہکی پاسے حاکم تے دوئے وڈیاں بد ماشاں اس نال بھیڑ بد گداتے اوہ بنگلی پسلی
تے ساریاں نال

پڑ بن کے کھل رہیا۔ برے کتھوں؟

اس زمی اُتے اس نے کھلونے نی بی جاگھ کوئی نیں رئی۔

اُساں کدے کوئی غم ہیا تے ایہا ہیا جے جیہڑی آپنا سبھ کجھ سٹ سٹا کے اس نے
پچھے آئی ہئی، اُس ناں تے اس نے ترے سالاں نے جاکتے ناں ہن ہنسی۔

برے ہن غم نال کیہ تھینا ہیا، ویلاتے سرے اُتے آدھکا ہیا۔ مکھرے نے لمی
ٹھڈی تے ڈرونی راتی اس شوہدے نے ہسنے و سنے گھرے وچ قیامت آگئی اے۔

آکھنے آلا آکھنا بئی سارا شہر ہنیرے وچ ڈبا پیا ہیا تے راتی ناں انج انج
تروڑنے آلی چپ چڑنگ رتی ہنیری ناں سنبھا پئی دینی اے۔

نکے جے گھرے نی کوٹھنی نی دھواکھی وئی کداں تے دیوے نے چاننے پے
پرچھاویں پئے ہلنے ہئے۔

اوہ بہوں ترکھا ترکھا گوشیاں پے آپنی سنگھیلی زنانی آں اخیر لیاں گلاں پیا آکھنا ہیا۔
”تک چن اوہ۔ ہمتاں تے حوصلے نال کم گھنے۔ اوہ خنامی مانہہ کیس ویلے بی
نپ گھنسن۔ مینڈے باج اتھوں نکل کے مینڈے پیودادے نی وٹیاں نی بنی وئی اس حویلی
پے چلی ونجیں جتھے اسی سکھے نی ہک رات بی نہ گزار سکے ہئے۔ اوہ گھار تینڈے انتظارے
پے راہ پیا تکتنا ہوسی۔“

اس نی حریان تے پریشان زنانی کجھ آکھنا کیتا پر اوہ اس نے ہتھ نپ کے منت
کرن لگ پیا۔

”وقت بہوں گھٹا اے شاید کہ میں آج توں باج ان گلاں نہ کرا کاں تے غور
نال سن اپنے ضلعے ناں ڈپٹی کمشنر بی لکھن لکھان آلا بند اتے مانہہ چنگی طرحاں^۱ نال
جاننا۔ توں مینڈا ایہہ خط اس کول گھن ونجیں۔ مینڈی نوکری ناں بند و بست ہو ویسی۔“
تھر تھر کمنی زنانی نے اس اتھر و پوجن تے آکھن لگا۔

”مینڈے پترے آں پڑھاویں ضرور جے ای پڑھ لکھ کے آپے آں سیان
کسی۔ تعلیم نے نال نال اسوں بہوں اچھا بندا بناویں۔“

اوہ زور لالا کے آکھن لگ پیا ”چیتا رکھیں دوئیاں تے بھار نہ بنے، کدے نوکری
نہ ملی تے کینڈے گھار بھانڈے ٹنڈرتے چیرے دھو گھنے۔ بدلے چے تداں تے مینڈھے
جاکتے آں دو وقتاں ناٹکر ملنا رہسی۔“ اے گل آکھنیاں آکھنیاں اس نی ہمت جواب دے
گئی ہئی تے اس نیاں اکھیاں چوں اتھر و آں نے نیل وگ پنیں۔ اس بہوں اوکھا جیہا
آکھا: ”پترے آں جوان ہونیا نال ای ویاہ ویویں تاں جے مینڈے پیو دادے نی قبر اں
تے دیوے بلنے رہوں۔“

پتہ نہیں اوہ رولے کھولے چے ہور کیہ آکھن لگا ہیا کہ گلی وچ بہوں ساریاں
بندیاں نے نسنے بجھنے نال ڈھپ ڈھپ ہون لگ پئی اے۔

اوہ ترف کے اٹھا، زمی تے پئے نہا لچے اُتے ساریاں مصیبتاں بلاواں توں
انجان سٹے اوئے مشوے نے متھے تے اخیر لا پیار دتا تے اس نیاں اکھیاں چوں ڈولھنے
اتھر و آں جاکتے نے مونہیں تے کجھ سمجھاں چے ناں آنے آلیاں گلاں لکھ چھوڑیاں۔

جیوں بوہا کھڑکا اُس اُباہل سبیلے چولے نی لداں نال اتھر و پوجین تے تھر تھر
کمنی زنانی نال گوشہ کیتا۔

”میں ادھروں پچھالی آلے پاسوں نساں واں اوہ مینڈا پچھا کرن تے اسی

ویلتوں جاکتے آں گھن کے نکل ونجیں۔“

ہجا ایہہ گل مکی نہیں اے دروازے آں کوئی لتاں تے بندوقاں نال بھنن لگ پیا
تے اس زنانی نے موڈھے تے جلدی نال ہتھ رکھ کے آکھا ”وت ملساں“ اس ناں گچ بھرا
گیا تے ایہا کجھ آکھ سکا۔

”مینڈ اتارا سانجھ کے رکھیں چن!“

اس توں باج اوہ پچھالی آلی کچی مٹی نی کداں توں چھال مار کے باہر ونج پیا۔
آکھنے آ لے آکھنیں بئی اس بھاری تے کالی شاہ راتی شہرے نی سڑکاں اُتے
موتاں نی پچھ پیری آپنے لمے تے کالے شاہ وال کھول کے بہوں ساری ڈھل دھالاں پانی
رئی اے۔ (۴۷)

عثمان صدیقی

۱۱

شیخ محمد عثمان صدیقی یکم اپریل ۱۹۲۶ء آں اٹک وچ پیدا ہوئیں۔ پودادے
 ناں گراں یاسین اے جیہڑا ضلع اٹک نی تحصیل حضروچ اے۔ میٹرک ۱۹۸۱ء وچ
 گورنمنٹ پائلٹ سکینڈری سکول توں کیتا۔ انٹر گورنمنٹ کالج اٹک توں ۱۹۸۳ء وچ، بی
 اے ۱۹۸۵ء وچ ایم اے پنجابی ۱۹۸۷ء وچ بی ایڈ ۱۹۸۷ء وچ، ایم اے معاشیات
 ۱۹۸۹ء وچ، ایم اے تاریخ ۱۹۹۲ء وچ، ایم ایڈ ۱۹۹۵ء وچ۔ ایم اے اردو ایم فل
 پاکستانی زبانوں جاری اے۔ ۱۹۸۶ء وچ جونیر انگلش سکول ٹیچر توں نوکری شروع کیتی۔
 ایس ایس ٹی پنجابی ایڈ ہاک مئی ۱۹۸۹ء ضلع اٹک۔ فروری ۱۹۹۶ء ایس ایس اکنامکس۔
 ۱۹۹۸ء وچ گورنمنٹ کالج حضروچ پنجابی نے لیکچرر۔ ۱۹۹۹ء ایس ایس ٹی اکنامکس شادی
 خان۔ ۲۰۰۰ء وچ ہک واری وت پنجابی لیکچرر نے طور تے حضرو کالج وچ آگئے۔ ۲۰۱۱ء
 گورنمنٹ کالج اٹک وچ تبادلہ ہویا۔ ۲۰۱۵ء اسسٹنٹ پروفیسر ہوئیں اس توں علاوہ
 پارٹ ٹائم استاد علامہ اقبال اوپن یونیورسٹی اٹک سینٹر رہے۔ ۲۰۱۱ء توں ریجنل
 کوآڈینیٹر علامہ اقبال اوپن یونیورسٹی اٹک سینٹر رہے۔ ۲۰۱۶ء وچ ڈپٹی ڈائریکٹر کالج
 اٹک بنے تے ہن تک اسی عہدے تے کم کرنے پین۔ ادب ناں چرکا سکول نے زمانے
 توں پیا۔ انھاں نے استادوں وچ پروفیسر انوار الحق، پروفیسر ضیاء الرحمن، پروفیسر سلطان
 علی، ڈاکٹر انعام الحق، ڈاکٹر عبدالعزیز ساحر، ڈاکٹر ارشد محمود ناشاد شامل ہن۔ انھاں نے
 مضمون تے نظمیں ماہنامہ ”لہراں“ ”پنجابی ادب“ ”سانجھ“ تے رویل وچ چھپنیاں
 ریان۔ (۴۸)

کتاباں: ۱۔ سدھراں ناگھار (افسانے چھاچھی بولی) ۲۰۰۵ء ۲۔ پٹیالہ پگڑی پراندہ (۲۰۰۶ء)
 ۳۔ دعائیاں تے دوائیاں (۲۰۰۷ء) ۴۔ تیرا جیوے کیمبل پور کڑیے (۲۰۰۶ء)

پیرزو

۱۱

محمد عثمان صدیقی

ناں تے اس ناجان محمد ہیا برے سارے نکیاں ہونیاں توں ای اساں جانی جانی
 آکھنہ ہئے۔ ہیا بھی اوہ جانی کیوں جے؟ اوہ ہر کسی تے جان دینا ہیا ویلا لنگناں رہیا جانی
 بھی جوان ہو گیا۔ چار جماعتاں پڑھیاں تے تعلیم نال اس نی جوانی وچ ہو رہی نکھار
 آ گیا۔ سکول تے کالج وچ اوہ ہر اک نال جانی ہی رہیا۔ اس نے علاقے وچ اس ویلے بی
 اے تک نی تعلیم ہئی۔ اس بی اے کیتا تاں اس نی برادری وچ واہ واہ ہوئی کیوں جے اس
 ویلے بی اے بہوں گھٹ لوک پاس کرنے ہئے۔ بی اے توں بعد اوہ وی ہو رہا تھاں
 وانگن ادھر او دھر نوکری لھبن لگ پیا۔

اساں نانویں گریڈ وچ سکول ماسٹر نی نوکری لھ گئی اوہ بہوں خوش ہیا برے اوہ
 ہو رہا پڑھنا چاہنا ہیا۔۔۔ ایس واسے اوہ نال نال پڑھائی وی کرنا رہیا تے نوکری وی۔ دو
 سال بعد بی ایڈ کیتا تاں گریڈ بھی ودھ گیا۔ اس سارے عرصے وچ وی اوہ جھتے جھتے جس
 جس علاقے تے سکول وچ رہیا لوکاں نال جانی ای رہیا۔ سوہنی جوانی تے نوکری ہووے
 تے ویاہ نی دیر نہیں لگنی۔ اس نے ماؤ پیاں نے ویاہ نے بارے سوچیا تے برادری نی ہک
 کڑی نال اس ناں ویاہ ہو گیا۔ اس توں بعد اوہ اپنی تریمتی ناں وی جانی بن گیا۔ کئی واری
 تاں اس نی تریمت اس ساریاں نے ساہمنے جانی آکھے تاں ساریاں ہو رہی تریمتاں اس
 نال ہس پینیاں ہیاں۔

اس نی تریمت ایہناں واں ہکا بکا دیکھے۔۔۔ کئی واری پچھتی ”کیوں
 ۔۔۔۔۔ ہسیناں کیوں او۔“ اوہ پرت کے جواب دیون۔۔۔۔۔ ”کچھ نہیں ایویں۔“
 ”ایویں کیوں۔۔۔۔۔“

”میں کچھ غلط آکھ گئی آں۔۔۔“

”نہیں کچھ بھی نہیں۔۔۔۔۔ بس جانی۔۔۔۔۔ جانی۔۔۔۔۔ جانی۔۔۔۔۔“^[۱]

اوہ شرما کل جئی ہو کے چپ کرونجے۔۔۔۔۔ تاں ہور کڑیاں ہسنے آں لگ
پیون۔ ویلے نال نال ایس جنے تریمتی ناں پیار ہور ودھنار ہیا، پوری برادری تے علاقے
وچ مشہور ہو گیا جے جنا تریمت تاں جانی تے اس نی تریمتی وانگن ہوون۔ جوڑا بہوں پیار
محبت نال رہناوے۔ کدی کوئی گلا شکوہ نیس سوشل ہن، ہر کسی نی غمی خوشی تے ویسے ہن، ہک
جانی نیس اس نی تریمت بھی اس نال ہکا جئی مل گئی ہی ہن ہک نی جائی۔ دو جانی بن گئے
ہن۔ آپسی میل جول نال تاں تسیں آکھ سکے او۔۔۔۔۔ اہیہ دو جاناں۔۔۔۔۔ تے ہک
جانی ہن۔۔۔

فیر خدا ناں کرناں کیہ ہو یا جے پتہ نیس دنیا نی باہ پے گئی یا اللہ واں ابھجوں منظور
ہیا، یا کچھ ہور۔۔۔۔۔ جانی نی تریمت اچانک اُساں ہمیشاں واسے چھوڑ گئی تے اس
جہانے چ چلی گئی جھتوں اج تیکن کوئی نہ مٹریا اے تے نہ ای مٹری۔ جانی نی حالت اس
ویلے دیکھنے والی ہی جیوں دنیا وچ اس ناں ہورتاں کوئی نیس۔۔۔۔۔ وکھرا وکھرا رہوے
کوئی گل نیس، گپ شپ نیس، زندہ لاش وانگن ویلا لنگھاناں رہیا۔ ہر کوئی چاہنا ہیا جانی ناں
ویاہ ہوونجے۔ ہک سال، دو سال بھی لنگھ گیا ہر کسی بہوں وس لائے برے جانی ویاہ واسے
فیر بھی تیار نہ ہو یا۔ نہ نہ کرنیاں بھی اُساں ماؤ پیوتے بھیناں بھراواں نی منی پے گئی تے اس
نے ویاہ نیاں گلاں ہوون لگ پیاں۔ جانی نی سس کسی بھی طرحاں تیار نہ ہوئی اس ویاہ نی
مخالفت کیتی۔ اوہ چاہنی ہی جے جانی ویاہ نہ کرے! جانی آں ہور کیہ چائی ناہیا۔۔۔۔۔ اس
آکھیا میری سس منسی تاں ویاہ کر ساں۔۔۔۔۔ برے اس نی کسی نہ سنی اُساں وڈیاں اگے
نمتی ڈھالنی پئی تے اس ناں ویاہ ہو گیا۔

نویں لوک، نواں شہر، تے نواں خاندان، جانی ناں جانن والا کوئی نہیں ہیا برے
 کجھ ای دیہاڑیاں توں بعد اوہ اوہناں ناں وی جانی بن گیا۔ کیوں جے جانی فی پہلی سس
 خش نہیں ہئی اس واسے اس خفگی پاگدھی ہئی اس جانی نال بول چال بند کر چھوڑی اس گل
 ناں جانی آں بہوں دکھ ہیا۔ اوہ چاہنا ہیا کہ مرنے دم تکین اس کولوں کوئی بھی ناراض نہ
 ہووے برے اس معاملے وچ اوہ کجھ نہیں کر سکنا ہیا۔ اوساں جدوں بھی تے جھتے بھی پہلی
 سس ملے اوہ اُساں اوہجوں ای دعا سلام کرنا ہیا۔ جھیچوں پہلے کرنا ہیا۔ کجھ ویلے پچھوں
 اوس فی پہلی سس بی ایہہ جہان چھوڑ گئی سس نے مرنے توں کجھ چر بعد جانی گراں گیا تاں
 گرائیں فی ہک بڈھی اس کولوں پچھنی اے۔۔۔۔۔ ”پتر اتوں جانی ایں ناں“

”جی خالہ میں جانی آں۔۔۔“

”ہلا ہلا ٹھیک ایں۔۔۔۔۔ پتر ا۔۔۔۔۔“

”جی خالہ۔۔۔۔۔ اس فی ذات ناں کرم اے۔۔۔۔۔“

”ذرا میرے کول آویں۔۔۔۔۔ پتر ا۔۔۔۔۔“

”جی خالہ۔۔۔۔۔ پتر اذرا ہور نیڑے ہو۔۔۔۔۔“

اوہ ہور نیڑے ہویا۔۔۔۔۔ بہوں گھور گھور کے دیکھن لگ پئی۔۔۔۔۔ ”کیوں

خالہ کیہ گل اے۔۔۔۔۔ اتنا غور نال کیوں پئی دیکھنی ایں“

”کوئی گل نہیں پتر ا۔۔۔۔۔ بس تدھاں دیکھنی ہیاں“

”نہیں کوئی گل ہے خالہ۔۔۔۔۔ اج دس کیہ گل اے۔۔۔۔۔ جانی جے مجبور کیتا

تاں خالہ آکھیا“

”پتر اگل ای وے جے۔۔۔۔۔ تیری سس کولوں اس نے مرنے توں کجھ عرصہ

پہلاں میں پچھیا“

”نی سن! توں جانی آں ویاہ کیوں نہیں کرن دینی ہئی ایس۔۔۔ اس جواب دتا۔۔۔ چھوڑ
اس گلاں واں میں آکھیا! اوس نی جوانی کیوں برباد کرنے نے پچھے پئی وئی ہئی ایس۔^{۱۱} اوہ
تیری دھیونال کتنا پیار کرناں ہیا۔۔۔ اس آکھیا۔۔۔ بہوں چنگا ہیا۔۔۔ بنہوں پیار
کرنا ہیا۔۔۔ فیر۔۔۔ اوہ رک گئی میں آکھیا۔۔۔ بول بولنی کیوں نہیں ایس۔ اوہ
بولی۔۔۔

جانی جیہا جواترہ تاں قسمت والیاں واں لبھناوے۔

فیر۔۔۔ کیہ کراں اس میری دھیو آں پھلاں وانگن رکھیا ہیا۔۔۔ فیر۔۔۔
اوہ جواترہ تاں خدا کسی کسی آں نصیب کرناوے۔ اس تے تاں مانہہ کوئی گلہ
نہیں۔۔۔ میری دھیو نی ای زندگی اتنی کجھ ہئی۔۔۔ جانی جیہا جواترہ تاں خدا واندے
ویلے بنایا اے۔۔۔

ہلا فیر ویاہ کیوں نہیں کرن دینی ہئی ایس اوساں۔ جدوں اوہ اتنا چنگا
ہیا۔۔۔ تے توں اس نی حیاتی کیوں برباد کرن تے پئی ہئی ایس۔ بولی۔۔۔ کیہ
کراں اپنے آپ کولوں مجبور ہیاں۔۔۔ اپنے دے کولوں مجبور ہیاں۔۔۔ ہلا کھیڑی
مجبوری۔۔۔؟

میں جانی آں۔۔۔۔

بول بول۔۔۔ کیہ گل اے

کسی آں بھی۔۔۔ کسی بھی قیمت تے۔۔۔ ”پیرز و نہیں کر سکتی ہیاں۔۔۔۔“ (۴۹)

چوڑیاں تے دودو

۱۱

سید نصرت بخاری

(پچھان صفحہ ۱۱۶)

ہک گل ہے، اس پوڈرے وچ ضرور کجھ نہ کجھ اتہی چیز ہے جیہڑی انسان
آں بہوں ذہین بھڑا چھوڑنی۔ تانہیوں ایہجیاں اوپریاں گلاں ایہناں پوڈریاں نیاں سننے
چ آنیان جے چنگا بھلا سمجھ دار آدمی بھی حریان ہو وینا نالے اتہی اتہی کم کر وینین
جیہڑا نوں نرویا بھی نہیں کر سکنا۔ ہن ای مینڈے سگی ایہناں پوڈریاں نے لطیفے سنا سنا کے
گیں۔۔۔۔ اک پیا سنا ہیا جے ویگنا وچ اک پوڈری بیٹھا ہو یا ہیا۔ اک کالجی جاکت
چکھنس توں جہاز کجھوں بن گیاں۔ پوڈریے جواب دتا کہ میں بناتے پائیلٹ ہیا، برے
کجھ زیادہ ہی پڑھ گیاں، اس واسے جہاز بن گیاں واں۔ اک ہور سگی سنا پیا ہیا کہ
شیدے پوڈری اس دیہاڑے ایہجوں کیتا کباڑیے کول گیا۔ اُساں آکھنا: جلدی کر کچھے
مینڈا ابا پیا آنا، دوسور ویا دے تے ایہہ پانی نی موٹر چھپا کے رکھ گن۔ گھروں لاہ کے
آندی اے۔ وادھا گھاٹاوت کر گھنسا۔ کباڑیے اس ویلے تے فٹوٹ دوسور ویا دے کے
اساں چھپا گدا، بعد وچ ویکھا اس تے اودواٹاں ہیاں جنہاں اُتے وان ولہھٹا پیا ہیا۔ ہس
ہس کے ڈھڈے چے کڑول کھل گئیں۔ او ویکھو! کتنی وڈی عمر اے اس نی او پیا آنا
نے۔ اس دیہاڑے حرامیے مینڈھے نال کی کیتا۔ کالا شاہ رنگ اکھیاں پنیاں نوٹینیاں
ہوٹھاں اتے پیڑی جمی پنیں۔ کھلیاں کھلیاں دھکے پیا کھانا وے، برے لکڑا وہ چائی وائیں
جس آں کوئی پہلوان بھی نئی چا سکنا۔ پتہ نہیں کانہہ ہتھ لایاں، مینڈے کول آکھلا۔ آکھنا:
”لکڑو کاؤ آ۔ بالن واسے چاہ گن۔“

اساں ناں بالن مکا پیا ہیا۔ بے بے کئی وار آکھرائی ہئی جے بالن کوئی نہیں۔ میں

سو چا چلو اس نال سودا مارنے آں۔

”ای لکڑ کس پیو نی چا آندی آ۔ گندیاں کماں توں ہتھ نہ کنڈیں۔“ میں اس آں
اگوں ہو کے پیاں جے لکڑ سستی مل ونجے۔

”تداں کی وے۔ جس نی بھی اے۔۔ تده گھننی تے مکا، پیسے کڈ تے چاہ
گھن۔ نیں تے میں اگے وینا پیاواں۔ اساں نے گا ہک بہوں نی۔“

لگناشیدے آں مینڈا انداز چنگا نیں لگا۔ ایس واسطے بہوں اوکھا ہو کے جواب
دتاس۔

”کتنے نی ویچ سیس؟“

”ہزار روپے نی“ ”ایویں پٹھاناں والا ریٹ نہ لا۔ ویچنے نی گل کر“
”ہلا، پٹھاناں والا ریٹ اے تے نہ گھن، ویکھساں کوئی مویاں ناں مال ملاتے
مینڈے واسطے گھن آن ساں۔“ اساں نی ایہہ گل سن کے لوک ہس پئین تے مانہہ غصہ
آ گیا۔

”تھوڑیاں گلاں کر اوئے۔ چوری نا مال بی ایہجوں پیا ویچنا جیوں جاپان توں
منگوایا ای۔“

”تده بھی تاں ایجا ریٹ لایا جیوں لکڑ نیں چھائی پیا ویچنا واں“

”ہلا چھوڑ پھکیاں، دس کتنے نی دیسیں؟“

”توں بھراویں مینڈے نال سودے بازی نیں ایس۔ پنج سو چاہ دے“
”دو سو بہوں نی؟“

”وت اوہا گل کرنا نا۔ چل ترے سوتے لکڑ چا“

”ہالا ونج نا۔ اساں نے گھار لکڑ سٹ آ، تے وت آ کے پیسے چاہ گھن“

”یارا! تداں مینڈے تے اعتبار نیں، اسی کوئی ٹھگ آں“

”نئیں نیں، پہلوں اساں نے گھار چھوڑ آ۔ تے وت آ۔ مینڈا کوئی پتا نیں“

”چلو ابھجوں سئی۔ جیہجوں مینڈی مرضی“

شیدے آں ٹور کے میں اپنی دکان تے آ بیٹھاواں۔ مانہہ پتا اس ڈھل کوئی نیں
لانی۔ چلو آ گیا تے بے بے آں فون کر کے کچھ گھن ساں۔ اس توں بعد پیسے دیساں۔ اوہا
گل ہوئی۔ پنچ منٹ بھی نیں لائیں۔ گولی وانگن آیا۔

”دے یارا پیسے۔ مینڈے گھار لکڑ سٹ آیاں واں“ آنیاں نال شیدے پیسے

منگن۔۔۔

”ٹھڈا کھاوے۔ پہلو مانہہ گھروں کچھن تے دے ناں“

”اپنی تسلی کر گھن یار۔ اسی پوڈری ضرور آں برے ٹھگ نیں آں“

میں گھار فون کیتا۔ بے بے او کے نی رپورٹ دتی تے میں ترے سو روپے اس
نے ہتھے تے رکھ دتین ”گھن اوے پیسے تے ایٹھوں نس۔ اتوں کوئی آ گیا تے مانہہ بھی
منڈا سیں“

”چوپڑیاں ویاں تے دودھ منگنے او“۔ شیدا وینیاں بڑ بڑ کرنا چلا گیا۔

”اوہناں کولوں چوری نی شے کیوں گھننے او۔ ایہہ پنا گیا تے تسی بھی پھس
ویسو۔ تسی لوک اوہناں کولوں ای مال نہ گھنوں تے کی پتا ایہہ باز آونجن۔ جتنے مجرم ان ہن
اتنے مجرم اسی تسی بھی آں۔“ ملا چاچا دکاناں ج وڑنیاں ساروس پیا۔ ہک تاں اس چاچے آں
دانش ور بننے ناں بہوں شوق اے۔ میں سوچا ایس تک تاں گھدا، ہن شامی تک جان
چھٹی۔ آنیاں وینیاں نصیتاں لانا رہی۔ اساں کون سمجھاوے ایہہ میں نہ گھنا ساتے کوئی

ہور چاہ گھنے آ۔ چلو بک بک کرن دیوس۔ اساں تاں آپنارا نجھاراضی کر گدا ناں۔
 خیر میں اپنے کئے آں لگ پیاں، شامی ناں ٹائم گاہکاں ناں ٹائم ہونا
 وے۔ رولے رپے چے بے بے نی کال کئی واری آئی برے مانہہ پتانئیں لگا۔ ذرارش
 گھٹ ہو یاتے میں ایویں موئیل چا گدا۔ ویکھاتے بے بے نیاں کئی کالاں آئی پئی ہیاں۔
 ”بے بے کی اے۔ اتنیاں کالا آیاں پیاں، خیرتے ہے وے ناں“ میں گھار
 فون کر کے پچھا۔

”پتر! بلن ناں کچھ کریں آں ناں۔ تداں کل بھی آکھاتے گھسا گیا ویں“
 ”بے بے! شیدا بے ہیڈی وڈی لکڑسٹ گیا وے۔ اج گزارا کرو۔ کل کائیں
 آں سدھ کے چرا گھنساں۔“

”پتر شیدا تاں اسے ویلے مڑ کے آیا تے اپنی لکڑ چا کھڑیس۔ آکھنا ہیا بے
 ویرے نال سودائیں بناتے لکڑ موڑ دیو۔“

بے بے تے گل کر کے فون بند کردتا، برے مینڈا دل آکھنا ہیا بے مل ونجے تے
 ایہجوں کراں س جیہجوں ہیڑ پئے کھوتے نال ہونی۔ (۵۱)

ارشد سیماب ملک

اصل ناں ملک محمد ارشد اے۔ پودادے نا تعلق وادی سون سکیسرتوں کجھ میل^{۱۱} نی دوری تے پیل گرائیں نے ہک اعوان زمیندار خاندان نال اے۔ جنھاں نا گزرے وقفاں چ تے ہن بی گرائیں نی سیاست چ حصہ ریا۔

ابا جی ملک دوست محمد برطانوی راج وچ فوج چ بھرتی ہوئے۔ دوئی عالمی جنگ وچ برمانے محاز تے جنگ لڑیاں جاپانی قیدی ہوئے تے ساڈھے ترے سال قید کئی۔ پاکستان بن توں بعد محکمہ پولیس چ لاہور توں بھرتی ہوئے۔

۱۹۴۸ء وچ اُنھاں نا تبادلہ کیمبل پور وچ ہو یا تے اتھے اسی شہر چ اباد ہوئے جتھے ۱۵ مارچ ۱۹۶۹ء مینڈھی جم ہوئی۔ ماؤ نا تعلق اٹک نے ڈھیر گرائیں نے ہک اعوان زمیندار خاندان نال اے۔

۱۹۸۶ء چ میٹرک کیتا بعد وچ کمپیوٹر چ ڈپلومہ کیتا۔ مصوری ناں شوق نکلے ہونیاں نا ہیا بعد چوں مشہور آرٹسٹ لال جی کول کجھ دیہاڑے لائے۔ گورنمنٹ پابلیٹ سکول نی بیڈمنٹن ٹیم نا حصہ ہنیاں، کجھ عرصہ کالج چ پروفیسر مختیار اعوان تے جمیل رضاء نال بی کھیڈنا ریا۔ ۱۹۸۹ء تے ۱۹۹۱ء چ آل اٹک اوپن بیڈمنٹن ٹورنمنٹ نے سنگل تے ڈبل دوئیں ٹائٹل جتے۔

۱۹۹۵ء چ اردو نظماں لکھ کے شاعری شروع کیتی۔ برے جلدی ای افسانہ تے تحقیق آلے پاسے آگیاں۔ فنون، ادبیات، ماہ نو، روشنائی، مشعل، قندیل تے کجھ ہور رسالیاں چ افسانے تے مضمون چھپنے رے۔ ۲۰۰۰ء وچ اٹک نی ادبی تنظیم ”قندیل ادب“ نال جڑاں۔ ۲۰۰۲ء چ قندیل ادب نا معاون سیکریری بنا۔ بعد چوں اسی تنظیم نے رسالے ”قندیل“ نا ایڈیٹر بنا۔ اس رسالے چ لکھنے والے آں وچ ڈاکٹر وزیر آغا، ڈاکٹر

انور سدید، نذر صابری، پروفیسر فتح محمد ملک، ڈاکٹر رشید امجد، منشیاد، ڈاکٹر مرزا حامد بیگ، محمد اظہار الحق، حمید شاہد، ڈاکٹر ایوب شاہد، ڈاکٹر ناصر عباس نیر، محسن بھوپالی، نثار اکبر آبادی، شبیم بخاری، ڈاکٹر روش ندیم، ڈاکٹر عبدالعزیز ساحر تے ہو رکئی مشہور لکھنے والے شامل ہے۔

۲۰۰۶ء توں مقامی بولی کیمبل پوری چ کہانیاں تے مضمون لکھنے شروع کیتے۔
 ہک دو کہانیاں تے مضمون اٹک توں چھپن والے پنجابی رسالے ”ونگاں“ چ بی چھے
 ہن۔ ۲۰۱۲ء وچ ”تذکرہ شعرائے اٹک“ نے ناں نال ہک کتاب چھپی۔ ضلع کیمبل پور
 نے افسانہ نگاراں اُتے ”دستاویز“ نے ناں نال کتاب فروری ۲۰۱۹ء چ چھپی
 اے۔ جولائی ۲۰۲۰ء چ ”راہنمائے تعلیم“ نے ناں نال کتاب چھپی۔ ہک کتاب
 ”کیمبل پوری بولی“ اُتے چھپنے نے مرحلے چ اے۔ اس توں علاوہ مقامی بولی کیمبل پوری
 چ کہانیاں نی ہک کتاب ”سانجھ“ چھاپنے نارادہ وے۔ جنوری ۲۰۱۹ء توں سید نصرت
 بخاری نال رل کے اٹک توں ”ذوق“ نے ناں نال ہک اردو رسالہ شروع کیتا جس نا
 ایڈیٹر آں۔

اُوہ

¶

ارشد سیماب ملک

شہرے نے اس نکے جئے علاقے آں ہن لوک نوں ابادی آکھن لگ پئے ہن
کیوں جے لوکاں کول اللہ جانے کتھوں پیسا آیا جے اس نے آپھپیرے رنگ رنگ نیاں
کوٹھیاں بن گنیاں ون، تے اُتوں لش پش کرنیاں موٹراں، پراوہ لوک تاں چنگی طرحاں
جاننے ون جنہاں نی جم پل اتھے نی ہئی، ہنیر اپینیاں ہی گدڑ تے گتے بھونکنے ہئے، تے
لوک ادھروں لنگھنے ناناں بی نیں چانے ہئے۔

ویلے نی گل اے ادھے توں ودھ گھار ہندوآں نے وقتاں نے ہئے۔ جنہاں نا
والی وارث کوئی نیں بچا اُوہ تاں ایہجوں ہی ڈھے گڑ گئے تے لوکاں نی موج بن گئی۔ گجھ
اے بی مندی حالتاں چ کھلوتے ہئے جیہڑے مالکاں مجبور لوکاں اگے کرائے تے
چاھڑے وئے ہئے، انھاں چ ہک اُوبی ہئے۔ اس توں پہلوں اس گھرے چ کوئی بی اتنا
چرنی رہیا ہیا۔ کوئی تاں اس نی مندی حالتاں نے ہتھوں نس وینے ہیا تے کوئی جناں
بھوتاں نے خوفے چ چار دیہاڑے بی نیں ٹکنا ہیا۔ اُس نیاں چنے تے سونے جہیاں دو
نکیاں نکیاں جاکتیاں تے ہک جاکت بھی ہیا۔ زانائیاں گلاں کرنیاں بی اس نی زانانی جتھے
بہہ ونجے اوہ جاہ بی سوہنی لگن لگ پنی ہئی تے اس ناں مونہہ اگی وانگن بھکھنا ہیا، اوہ جدوں
گل کرنی ہئی تے ایہجوں لگنا جیوں اس نے مونہیں چوں پھل پے ڈھینیں ہون۔

مینڈی اس نال کوئی میل مُلقات تے نیں ہئی پر ہک دیہاڑے میں اُساں
ڈاکٹر کول ویکھا ہیا۔ اس نی کڑی نی انگلی چ کچ گھب گیا ہیا تے لہور کنے ناناں نیں گھننا ہیا
۔ اوہ دردے نال چیکنی ہئی تے اس کولوں اپنی جاکتی آں ایہجوں ویکھانیں ونجنا ہیا۔ اوہ
کڑی آں دے نال لائیاں بے سُر تھیا ڈاکٹر کچھے کدے ہدرن سے تے کدے

ہدر۔۔۔ ایہجوں لگنا ہیا جیوں اس ناساہ جاکتی پچھے نکل ونجسی۔۔۔ اس دیہاڑے توں پچھے
میں اس نیں مونہہ مہاندرے توں کجھ واقف جیہا ہو یا ہیاں۔ اس توں پچھے اوہ کئی واری¹¹
نظری چ آیا پر اس نال کدے سلا ماں لیکم نیں ہوئی ہئی۔ اس نی جاکتیاں مینڈی مہنی نال
کھیڈنے آسے گھار آوڑن تے مینڈھی اماں اُنھاں نال بہوں لاڈ کرے مینڈھی جاکتی نے
لتھے وے چیرے تے جیہڑی ودھی گھٹی شے ہووے اُنھاں چاہ دیوے، کیس ویلے مینڈھی
گھرے آلی ہُسڑ کے اوہناں جھڑک چھوڑے۔ ”کی ہر ویلے کھپ پائی وئی ہونی نیں۔“
اماں ای گل سن کے اُساں ٹوک دیوے۔۔

”کڑیے ایہجوں ناں کیتا کر۔ مینڈا کی گمایا نے۔ غریب ون تے کی
وے۔۔۔ ای تے پھلاں وانگن ہُن کیہڑی جاہ اُنھاں نی کوہی اے اُنھاں کوٹھیاں آلے
نے جاکتاں کڑیاں کولوں۔۔۔ جے توں۔ اُنھاں واں۔۔۔“

اماں جاکتیاں ہور لاڈے نال کول بھہا گھنیں تے آپ بی اُنھاں نال کھیڈن لگ
پیوے۔۔۔ پر ہک دیہاڑے مینڈھی گھرے آلی اُنھاں بہوں ڈاڈھا جھڑکاتے وت مُڑ
کے اُنھاں پیر نیں پایا۔ ہک دووہار اس نے گھرے چ رولا پیا پر لوکاں کوئی ایڈے کن نیں
دھرے نہ اس نے گھرے تے کینڈی نظر سڑنی ہئی اوہ تے دیہاڑی دار مزدور ہیا۔

اس نے گھرے توں دو ترے گھار چھوڑ کے حافظ اوراں ناں گھار ہیا۔ او پنج
وقت نیں نمازی تے خدا ترس جے لوک ہئے کسے نی چنگی مندی چ نیں ہئے نالے ایہجوں
بی اوہ گجھ ڈر پوک جے ہئے، بھیڑ لڑائیاں کولوں ایہجوں چھاہڑ کے لنگھ وینے ہئے جیہجوں کوئی
اکھوں انھاہ تے کنوں ڈورا ہووے۔

جمیلو ماسی ناں اگ پچھ کوئی بی نیں ہیا۔ غریبی چ لوکاں نے کم کر کر کے جان گال
چھوڑی ہئیس۔ مرڈنی بی نے ہتھوں خون تھک تھک کے مویاس، اتوں جوان دھیاں

ویاے نی ہاڈاں چ ککھ چٹے کر چھوڑے ہئے تے اوہ غماں نی ماری شوہدی ہن بس وقتے
آں پئی دھکا دینی ہئی۔۔ اے ڈی خان ناں سدھاناں تے اللہ دتہ ہیا پر او آپے آں اے
ڈی خاں اکھوانا ہیا۔ اس ساری عمر ولایت چ کٹی ہئی تے اُتھوں بہوں گج جوڑ آندا ہیا۔
اس نی کوٹھی چ پیر رکھوتے بندے ناں مونہہ کھاناں کھلا رہ وینا ہیا۔۔۔ ہر ہک شے باہرے
نی جائی جائی سچی وئی جیہڑا کوئی اُسنے گھارو بنجے اوہ ہر کیس آں وڈیائی نال دسنا ہیا، ای شے
میں فلانے مُلکھ چوں آندی تے ای فلانے مُلکھے چوں۔۔ شکارے نی رنج کے ٹھرک
ہئیس۔۔۔ اس نیں اگے بس کوئی چڑھے سہی اپنے شکارے نیاں لمیاں لمیاں چھوڑن لگ
پیوے تے جدوں تک کوئی کن ناں پرتا گھنے اس نیاں گلاں کتھے مگن۔۔۔ پر ہک گل ہئی
جے اس نے گھار کئی قسماں نیاں بندوقاں نے ڈھیر لگے ویئے ہئے تے چنگی چنگی نسلاں
نے شکاری کتے بی پالے وئے ہئیس۔۔۔۔ اس نیں پتر بی اس کولوں کوئی گھٹ نیں
ہئے۔۔۔۔۔ کوئی بی نویں ماڈل نی گڈی اتہی نیں ہئی جیہڑی اے ڈی خان نی دھیاں
پتراں نے پیراں تلے نہ ہووے۔۔۔ ابادی چ ہو رہی امیراں نے گھار ہئے پریکٹری اے
ڈی خان نی ٹکڑاں بندا ہیا۔ اس بی آپنے وقتاں چ چنگاں حلال حرام اکٹھا کیتا ہیا، تے
ہُن پچھلی عمراں چ اس تاں مسیت نپ گھدی ہئی پر انھاں دوہاں نی اولاداں نی آپے
چوں لگت بازی رہنی ہئی۔ کوئی نویں شے اے ڈی خان نے گھار آونجے تے اگلے
دیہاڑے سیکٹری نے گھار بی آئی وئی ہووے۔ دویں گھار اس گلوں ہکی دوئی نی ٹوہ چ لگے
رہنے ہئے کدھرے کوئی انھاں کولوں ودھ کے گچھ نہ چاہ گھنے۔

اللہ بکشے دینے گبھارے آں اُساں کون نیں جاننا ہیا۔ شوہدے اپنی ساری عمر مٹی چ
رول دتی ہئی جدوں تک جینا رہیا لوکاں اُساں پیراں چ ہکا کھلا دھرو کنیاں تکا۔۔۔ اس
نے جُسے کدے کیس نواں چیرا نیں تکا ہیا۔۔۔ مویاں مر گیا بر بہوں اوکھی نہی وُس۔۔۔ ہن

تکو اس نیں پترے آں تحصیلدارے تلے نوکر کی ہو یا، دیہاڑی لکھاں پیا اڈانا تے چُکھن
 آلا کوئی نیں۔۔۔۔۔ جائی جائی زمی وکھری دبا ئی وئیس تے گھرے آں ایہجوں رکھا وھیاس
 جیوں وزیرتاں ایہائی ہووے۔۔۔۔۔ زنانی تے دھیاں پتر روز سوٹ بوٹ لاکے گڈیاں چ
 پئے پھر نے ہوون۔ آپ اوڈھول واجیاں تے سانگاں نا بہوں شوقی ہیا۔ لوک اوساں
 دوروں دوروں اپنے ویائے نی وعتاں دینے آں پونچے وئے ہونے ہئے۔ کیوں جے۔
 او۔۔۔۔۔ توں میں نے ویائے تے بی نوٹاں ناں مینہہ و سادینا ہیا۔ پُچھ آلی جائی تے اونوٹاں
 نیاں دتھیاں کھول دینا ہیا تے پڑے چے اس نی ٹکڑ ناں کوئی رہنا نہیں ہیا۔ وڈی عید
 نیڑے پئی آئی ہئی تے مینڈھی گھرے آلی روز مینڈھے کنے چ پھوک چھوڑے:

”کڑیاں جاکتاں نے چیریاں واسے کجھ پیسے تنخواہ چوں بچا کے
 رکھیو۔ اُدھروں اماں کن کھا ونجے ”قربانی آسے جیہڑی کمیٹی پائی وئی اے اس نا کوئی پتہ
 نیواں۔۔۔۔۔ پترتوں بقریدی نی فکر کریں۔۔۔۔۔“

دفتر چے بی ہر کسے ناں ایہا رولا ہیا۔ تنخواہ دار بندے آسے عام دیہاڑے
 اوکھے ہووینے ون اُتوں عید ورھیناں آونجے تے کتھے گزر ہونی۔ بقریدی توں دو
 دیہاڑے پہلوں میں اوکھا سوکھا ہک ماڑا جیہا لیلہ گھن آندا تے اماں سکھے ناں سا گھدا جے
 قربانی ناحق ادا ہوونجے، اوہ سو ہنارب تے بس نیتاں ویکھنا۔!

باہر اے ڈی خان نے نوکر دو دھان کھناں چے پلے تے ہاراں نال سچے وئے
 ہک تکرے جے داندے آں قابو کیتیاں ابادی نی گلایاں چ پئے پھرانے ہئے جیہڑا کل ای
 اے ڈی خان پنج لکھ وچ آندا ہیا۔ اگے اگے داندے پچھے جاکتاں نارولا رپا تے کھیڈ
 تماشا۔۔۔۔۔ دوئے پاسے سیکٹری اوراں تے نالے دینے گھہارے نے پترے اے ڈی
 خان کولوں بی ودھ کے تکر اڈنگر منڈیوں مل آندا ہیا۔ سیکٹری نے ڈنگرے نے مالکے اس

ناں مل پنہ ہراں لکھ لایا ہیا، تے دینے گھہارے نے جاکتے بی اُنھاں کولوں کوئی گھٹ مل
 نانئیں گھدا ہیا۔ ہر پاسے بقری دی نی تیاری تے لوکاں نی ٹر پھر لگی وی ہئی، نماشاں پیاں^{۱۱}
 پینیاں ہیاں اس نے گھرے چوں رولے نی واز آئی۔ اَساں بھی کوئی ایڈے کن نہیں
 دھرے کیوں جے ایہہ کوئی نویں گل نہیں ہئی، اماں دسنی ہئی جے اُنھاں جنا تریمتی ناتنگی
 پچھوں آنے دیہاڑے رولا ہیا۔ میں جدوں جاکتاں ناچیرا کپڑا تے ہور شینیاں گھسن کے
 چرکا جیہا گھرے آں مڑاں تے تاں اُس نے گھار چپ چڑنگ ہئی۔ میں روٹی ٹکر کھا کے
 سونے آلی کیتی جے فزری مونہہ ہنیرے اٹھنا ہیا۔

فز رھوئی تے نھا دھو کے نماز پڑھی تے اجی نی قبراں تے پھیرا پا کے جاکتے آں
 گھروں نال لایا تے عید گا ہے آں ٹر گیاں۔ اَساں پیو پترے عیدی نی نماز پڑھی تے ہک
 دوہاں بندیاں عید مل کے تر کھے نال قدم گھرے دئیں پٹے ون جے بقرید کرنی ہئی۔ ابادی
 جے اے ڈی خان، سیکٹری تے دینے گھہارے نے تکرے ڈنگر ہاراں سنگاراں نال سچے
 وے کو سینے آسے تیار کھلوتے وے ہے۔ اسی مسے گلی نے کونے تک پونچے ہی
 ہوساں جے گلی وچ مڑداں تریمتیاں نارولاتے اکٹھ ویکھا۔ میں تر کھے نال جاکتے آں
 بوہے واڑ کے اس نے گھرے دائیں نس پیا، بندیاں نے اکٹھ آں چیر کے میں اگے پیالگنا
 ہیاں جے کنے واز پئی

”جاکتاں کنڈا بی چُجھے تے اوہناں تے دکھنا ہیا، سمجھ نہیں آنی ظالمے
 کبجوں مشوماں کوہ کے آپ پھائی لاگدیں۔۔۔“

مینڈھی اکھیاں اگے سیت ہک ہنیرا جیہا آگیا تے مانہہ ابجوں لگا جیوں اے
 ڈی خان، سیکٹری تے دینے گھہارے ناں پتر ٹوکے، مڈھیاں تے چھریاں چاء کے کیں
 نے جاکتاں پے ٹلننیں۔ (۵۲)

عظمت عاصی

۱۱

عظمت عاصی اٹک شہر نے شیش باغ گرائیں چ ۶ جون ۱۹۷۱ء وچ صوبہ خان نے گھارا کھولی۔ پرائمری سکول سروالہ چ پنجویں تک پڑھاوت اسی گرائیں نے مڈل سکول چوں اٹھویں پاس کیتی۔ میٹرک پرائیویٹ طور تے راول پنڈی بورڈ توں ۱۹۸۹ء چ کیتا۔ میٹرک توں بعد ۱۹۹۵ء وچ گورنمنٹ گرلز کیمونٹی ماڈل سکول پوڑ میانہ حسن ابدال چ کلاس فور نوکر ہوئے۔ نوکری نے نال پرائیویٹ طور تے پڑھائی بی جاری رکھی۔ ۲۰۰۰ء چ علامہ اقبال اوپن یونیورسٹی توں ایف اے پاس کیتی ۲۰۰۳ء چ اسی یونیورسٹی توں بی اے کیتا تے ایم اے اردو پنجاب یونیورسٹی توں ۲۰۱۲ء چ کیتا۔ ۱۹۹۷ء آں بوائز پرائمری سکول وچ لادتا گیا ۲۰۰۰ء چ بوائز پرائمری سکول دکھنیر تبادلہ ہو یا ۲۰۰۳ء توں گرلز ہائی سکول منہاس بیس کامرہ چ ڈیوٹی پئے دینین۔ ۱۹۹۱ء چ شاعری شروع کیتی ۱۹۹۳ء توں کہانیاں لکھنے تے لک بدھاویانیں اردو توں ودھ پنجابی زبان نال جڑت اے۔ انھاں نیاں کہانیاں پنجابی نے رسالے ”مٹی“ وروئے تے کئی دوائے رسالے آں چھپنیاں ریان۔

اٹک نی ادبی تنظیم ”قندیل ادب“ نے ۱۹۹۵ء چ سیکریٹری تے وت ۱۹۹۶ء توں ۱۹۹۷ء تک نائب صدر رنیں۔ ۲۰۰۶ء ”بزم سخن“ نے نائیں نال اپنی ہک وکھری ادبی تنظیم بنائی جیہڑی دوترے اجلاس توں اگے ناودھ سکی۔ اس توں پہلوں ”حرف وندا“ نے نائیں نال اٹک توں ہک رسالہ چھاپا جس نے دوہی شمارے چھپین۔ اس توں علاوہ ”ہروٹائم“ نے ۱۹۹۶ء سے ۲۰۰۷ء تک ادبی صفحے نے انچارج رہے۔ کجھ سال پہلوں حج بیت اللہ فی سعادت ملی نیں۔ سفر حج، اردو ماہیے ”دھوم بہاروں کی“ پنجابی تے اردو شاعری توں علاوہ پنجابی کہانیاں بی چھپن واسے تیار نیں۔ (۵۳)

سچ پرتی

عظمت عاصی

گرائیں وچ ہک نویں ڈاکیے نی بدلی ہوئی، اس ناناں اللہ دتا ہیا۔ اس نا اپنا
گراں چنگا سارا دور ہیا اس آسے اسی گرائیں وچ ہک مکان کرائے تے گھن کے رہن لگ
پیا۔ شہر روز آنے جانے آلا بندہ ہیا کیوں جے اسوں روزنی ڈاک آنی پینی ہی۔ دتا مزاجے
ناں چلاک تے ترکھا جیہا بندہ ہیا۔ گجھ گرائیں جیہڑے فوج وچ ہئے اوہ ہر مہینے گھار منی
آڈر بھیجنے ہئے۔ دتا ای پہچانے نے پیسے گھننا ہیا اسی طرحاں بے رنگ خطاں نے جرمانے بی
وصول کرنا ہیا۔

گجھ مڈالگھاتے گرائیں نے لوکاں نال اس نا واہ پیار بہوں ہو گیا۔ پراوہ آپنی
کھوٹی کوڈی بی کیس کول نیں چھوڑنا یا۔ بھلی گل اے۔۔۔ اوہ لوکاں نے پیسے کھاپی دینا
ایاتے اتوں لوکانیاں تریفاں اتنیاں کرنا ہیا جے گرائیں نا کوئی بندہ بی اسوں مندا نیں آکھنا
ہیا۔ لوک کماں وچ اس نی مدد کرنے ہئے تے ایہجوں ای اوہ بی ایہناں نے کماں کاجاں وچ
ہتھ وندنا ہیا۔

گرائیں وچ ہک ہور بی پردیسی شیرخان گجربے رہنا ہیا جیہڑا شیر و مشورر ہو گیا
ہیا۔ ای ٹیوب ویل تے ملازم ہیا، اسوں گرائیں نا پانی مافق نیں آیتے بدھضمی نی شکایت
جیہی ہو گئیس، گرائیں نے حکیم اسوں ادرک نے استعمال نا مشورہ دتا۔ جدوں ادرک
گرائیں نی کسی ہٹی تو نہیں ملی تے شیر و آں شہروں منگوانے نی سمجھی اس دتے ڈاکی آں پنچ
روپے دینیاں آپنی غرض دی۔

بہوں چرتائیں اوہ دتے آں پنچ روپے دینا ریتا تے اوہ ہرواری ہک روپے نی
ادرک گھن کے چار روپے آپے مارنا رہیا۔ شیر و آں اس نی اس حرکت تے کدے بی شک

نئیں ہو یا، الٹا اس ناں شکر گزار ہیا۔ دتا جدوں بی شیر و آں اس نی شے آن کے دینا تے اس نے مونہے چوں نکلنا ”یار ادتیا مینڈی بہوں مہربانی اے“ ای سن کے دتا آپنیاں مچھاں وچ ہسیناں جواب دینا ”یار مہربانی کیمڑی گل نی بندہ ای بندے نے کم آناوے“۔

ہک دیہاڑے کی ہو یا جے شیر و دتے نے گھار پونچھاتے پتہ چلاں جے اوہ شہر ٹر گیا وے، شیر و بہوں پریشان تھیا تے سوچاں چ پے گیا ہن شہر آپے ونجے کیہ کرے۔۔۔ اوہ سوچی پیا۔۔۔ خدانی کرنی ای ہوئی جے بڈھا کھیم پنشن واسے شہر وینا پیا ہیا، شیر و اساں پنج روپے دتے۔۔۔ پیشی نا ویلا ہیا تے شیر و ٹکر کھارنیا ہیا اس نابوہا کھڑکا شیر و اتھوں ای پچھا کون اے؟ جواب چ بڈھے کھیمے نی واز آئی ”شیر و زرا باہر آ“ شیر و ننگے پیر جلدی نال باہر آیا تے جدوں اس کولوں ادرک گنن لگاتے حیران ہو یا جے دتے نی آندی ادرک کولوں چوکی ساری ودھ اہئی، شیر و پچھا ”بابا میں پنج روپے نی ادرک آکھی ہئی ای توں کتنے نی گھن آیاویں؟“ اگوں کھیمے جواب دتا ”نئیں یرا مانہہ چنگی طرحاں یاد اے جے میں ریڑھی آلے آں پنجاں نانوٹ دینیاں آکھا، اس مانہہ اتنی تول دتی“۔

اگلے دیہاڑے و ت شیر و دتے آں آڈر دتاتے جدوں اوہ مڑاتے اس اتنی ای ادرک آندی جتنی پہلوں۔۔۔ اساں دتے نے فراڈ تے شک پیا، اس توں پہلوں اوہ کھیمے تے ہسا ہیا جے کوئی ہما تر بھلا تے چنگا ہی بھلا، شیر و خیال کیتا جے دتا مٹی پلینت کرنا پیا تے کیوں نا اوہ سچ پرچی کرے تے ہن کیوں ہوری کولوں کم گھنے۔ سویر ہوئی تے دتا اس نا انتظار کر کے چلا گیا۔ شیر و گھروں نکلاتے وڈے راہے چ آگیا، اُساں ہک جاتک ملا جیہڑا کالج وینا پیا ہیا۔ شیر و اساں پنج روپے دے کہ اپنی غرض دی۔ پیشی ویلے جدوں اوہ جاتک ادرک دینے واسے آیا تے اوہ کھیمے نی آندی وئی ادرک وانگوں چوکی ساری ودھ ہئی۔ اس ویلے دتا بی ایہناں کولوں اکھیاں چھپا کے لگھی وینا ہیا۔ شیر و ادرک گھار چھوڑ کے جلدی نال دتے

ڈاکی نے بوسے تے آن کھلوتا۔ بوہا کھڑکایا تے اندروں دتے نی زنانی پچھا ”کون اے“ شیرو آکھا ”دتے گدڑاں آکھ باہر شیرو آیا وئے“ اوہ بولی ”جی دتا تے گھارنئیں^{۱۱} اے“ شیرو بپھر گیا تے آکھن لگا ”اوہ ہن ای تے گھار پوہنچا وئے“ اوہ اگوں کمینیاں بولی ”بھائی میں سچ آکھنی پئی آں، اوہ گھارنئیں آیا“۔ شیرو غصے چ بولا ”مانہہ لگنا اس تداں بی کدے سدھنئیں کیتی“۔ ای گل کر کے شیرو ٹر پیا۔ دتا گھار آیا تے زنانی اس فی خبر گدی۔۔ اوہ چپ کر کے سبھ کچھ سننا رہیا۔۔ زنانی پچھا ”ہن بولنا کیوں نئیں“۔ اوہ سوچی پئے گیا۔۔۔ ”بولوں کی۔۔ شیرو آں تے میں صرف ادک آن کے دینا ریاں، میں تے اس ویلے نا سوچناں پیاں جدوں سارے گرائیں آلے مینڈے ہتھوں منگوائیاں شنیاں نے اصل ملے فی سچ پرچی نہ کرن لگ پیوں“، (۵۴)



حوالے

- ۱۔ ارشد علی زئی، چھچھ کے منتخب شعراء کا تذکرہ (مضمون) مجلہ سنگم، گورنمنٹ کالج حضرو ۲۰۱۲ء ص ۱۰۴
- ۲۔ ایضاً ص ۱۰۶
- ۳۔ ارشد محمود ناشاد، ڈاکٹر، چھاچی بولی، پنجابی ادبی سنگت انک ۲۰۰۴ء ص ۳۴
- ۴۔ ایضاً ص ۳۵
- ۵۔ ارشد محمود ناشاد، ڈاکٹر، چھاچی بولی، پنجابی ادبی سنگت انک، ۲۰۰۴ء ص ۳۹
- ۶۔ ایضاً ص ۴۰
- ۷۔ ارشد محمود ناشاد، ڈاکٹر، ضلع انک دے پنجابی شاعر، پنجابی ادبی سنگت انک ۱۹۹۵ء ص ۴۲
- ۸۔ سکندر خاں، دامن اباسین، ملی کتب خانہ ویسہ ۲۰۰۴ء ص ۳۵۱
- ۹۔ ارشد محمود ناشاد، ڈاکٹر، چھاچی بولی، پنجابی ادبی سنگت انک، ۲۰۰۴ء ص ۴۱
- ۱۰۔ سکندر خاں، دامن اباسین، ملی کتب خانہ ویسہ ۲۰۰۴ء ص ۳۵۲
- ۱۱۔ ایضاً
- ۱۲۔ ارشد محمود ناشاد، ڈاکٹر، چھاچی بولی، پنجابی ادبی سنگت انک، ۲۰۰۴ء ص ۴۰

- ۱۳۔ سکندر خاں، دامن اباسین، ملی کتب خانہ ویسہ ۲۰۰۴ء ص ۳۷۰
- ۱۴۔ ناشاد، ارشد محمود (مضمون)، بابا گلاب، حیاتی تے شاعری، مشمولہ، اٹک نمبر، تہما ہی پنجابی ادب لاہور ۱۹۹۸ء ص ۶۷
- ۱۵۔ ایضاً ص ۷۰
- ۱۶۔ محمد سلیمان، شیخ، کلام، مملوکہ، شیخ محمد سلیمان، کالو خورد اٹک
- ۱۷۔ منظور عارف کا کلام (مرحوم) احمد جاوید کی زندگی میں ان سے حاصل کیا گیا
- ۱۸۔ غلام ربانی فروغ، وسار ہوئے گراں، پنجابی ادبی سنگت اٹک ۲۰۰۴ء ص ۳۰
- ۱۹۔ ثقلین انجم، چھمائی ونگاں، جنوری توں جون، جمالیات پبلی کیشنز اٹک ۲۰۱۷ء ص ۶۹
- ۲۰۔ مشتاق عاجز، پُھلائی، پنجابی ادبی سنگت اٹک ۲۰۱۶ء ص ۹۳
- ۲۱۔ ایضاً ص ۹۵
- ۲۲۔ ایضاً ص ۱۲۳
- ۲۳۔ ایضاً ص ۱۶۵
- ۲۴۔ توقیر چغتائی، ولو ہنا، چغتائی پبلشرز ۲۰۱۳ء ص ۱۷
- ۲۵۔ ایضاً ص ۲۷
- ۲۶۔ ایضاً ص ۴۱
- ۲۷۔ ثقلین انجم، چھمائی ونگاں، جنوری توں جون، جمالیات پبلی کیشنز اٹک ۲۰۱۷ء ص ۹۳
- ۲۸۔ حسین امجد، طاہر اسیر، جمالیات، (جنوری تا مارچ) جمالیات پبلی کیشنز اٹک ۲۰۱۸ء ص ۹۸
- ۲۹۔ ایضاً ص ۱۰۷
- ۳۰۔ ایضاً ص ۱۰۹
- ۳۱۔ ثقلین انجم، چھمائی ونگاں، جنوری توں جون، جمالیات پبلی کیشنز اٹک ۲۰۱۷ء ص ۱۰۳
- ۳۲۔ ایضاً ص ۷۳
- ۳۳۔ ایضاً ص ۸۹
- ۳۴۔ سید نصرت بخاری، شخصیات اٹک، جمالیات پبلی کیشنز اٹک ۲۰۱۷ء ص ۱۴

۳۵۔ ثقلین انجم، چھمائی ونگاں، جنوری توں جون، جمالیات پہلی کیشنز انک ۲۰۱۷ء ص ۷۵

۳۷۔ ثقلین انجم، چھمائی ونگاں، جون توں دسمبر، جمالیات پہلی کیشنز انک ۲۰۱۸ء ص ۵۱

۳۸۔ ایضا

۳۹۔ وقار احمد آس، ارشد سیماب ملک، سہ ماہی قندیل انک، ۲۰۰۴ء ص ۹۲

۴۰۔ پروین ملک (انٹرویو) مسعود ماہلی، ایس بی ایس، پنجابی ریڈیو، دسمبر ۲۰۱۴ء

۴۱۔ سیماب، ارشد ملک، دستاویز، جمالیات پہلی کیشنز انک، ۲۰۱۹ء ص ۳۱۴

۴۲۔ مرزا حامد بیگ، قصہ کہانی، پنجابی ادبی بورڈ لاہور، ص ۷۵

۴۳۔ سیماب، ارشد ملک، تذکرہ شعرائے انک، قندیل ادب انک ص ۱۷۸

۴۴۔ وقار احمد آس، ارشد سیماب ملک، سہ ماہی قندیل انک ۲۰۰۵ء ص ۵۰

۴۵۔ ثقلین انجم، چھمائی ونگاں، جنوری توں جون، جمالیات پہلی کیشنز انک ۲۰۱۷ء ص ۴۱

۴۶۔ سیماب، ارشد ملک، دستاویز، جمالیات پہلی کیشنز انک، ۲۰۱۹ء ص ۲۳۳

۴۷۔ ایضا ص ۲۳۵

۴۸۔ سیماب، ارشد ملک، دستاویز، جمالیات پہلی کیشنز انک، ۲۰۱۹ء ص ۳۳۶

۴۹۔ ایضا ص ۳۳۷

۵۰۔ ثقلین انجم، چھمائی ونگاں، جنوری توں جون، جمالیات پہلی کیشنز انک ۲۰۱۷ء ص ۴۹

۵۱۔ سیماب، ارشد ملک، دستاویز، جمالیات پہلی کیشنز انک، ۲۰۱۹ء ص ۳۴۳

۵۲۔ ثقلین انجم، چھمائی ونگاں، جمالیات پہلی کیشنز جون توں دسمبر ۲۰۱۸ء ص ۳۵

۵۳۔ سیماب، ارشد ملک، دستاویز، جمالیات پہلی کیشنز انک، ۲۰۱۹ء ص ۳۴۷

۵۴۔ ایضا ص ۳۴۸

Cambell Puri Boli

Arshad Semab Malik



چھاچھی بولی دیاں تھوواں علاقہ چھجھ وچ نیں اہرے ایہہ بولی برے چھجھ وچ ای نہیں
ہرے ضلع انک وچ بولی تے کھی وینی اے۔ اس بولی نی ترقی وچ مندر راں تے مسیحاں نال
بھرے شہر انک بنارس ناچو کھاہتہ اے۔

”توڑک جھاگھیری“ مطابق چار سو اٹھادیس سال پہلوں دریائے سندھ تے دریائے کاہل
نے ڈھائے تے مغل شہنشاہ جلال الدین محمد اکبر ۳۰ مئی ۱۵۸۱ء وچ انک قلعہ فیضہ رکھیاں ہویاں
”انک بنارس برودن“ انک بنارس اک شہر آباد کیتاے ”انک بنارس“ چوں نہیاں تے مغل خوں وں
”انک بنارس“ سنگھو کے مغلانی نوہ وچ آباد کیتا اتاں بے دریادوں پار پڑیاں تے بہہ کے نوشہرہ آمد چاند
گلی رہوے۔ اکبر مئی ۱۵۸۱ء تا مئی اٹھارہویں ۱۰ اگست ۱۵۸۱ء وچ کاہل لڑ گیا۔

اسی تھاں تے بہہ کے نامی گرامی بہر ارضیات پانچنی زنی ناظرہ دریافت کیا جیتا تے ویسا جاکھا اے، جتھے مکر خوارزم شاہ وں چھٹا کرنا
چنگیز خان آیا جیتا۔ خوارزم شاہ اپنے گھوڑے سمیت نوشہرہ وں آئیں دریاد وچ چھال کڈھ ماری تے تر ناخر نا نوشہرہ لے جنگلاں وچ گم ہو گیا۔ چنگیز
خان اپنے پتر کاہی خان نال اسجھے گھوڑا خرپ وچ رات گزاری تے پیچھے پڑت گیا۔ کئی سو سال پہلوں بعد ”انک بنارس“ اجڑ چڑ گیا جیاں
اسی ”انک بنارس“ فی مملہ ماری لے علاقے وچ انگریز وں فی فوجی جھوٹی نال ”یوٹیلین جیک“ لے نقشے تے اُسارے نوے شہر ”کیسبل پور“
آں ۱۹۷۸ء وچ ”انک“ اتاں دے دتا گیا۔ نہرے پھر ”انک“۔ بنارس وں توں بھل بھل گیا کہ غیر آباد ”مغلانی نوہ“ لے بنارس نہیا
نیاں تے مغل خوں فی اولاد ولایتی ہو گئی جی۔

”انک“ تے ”شش“ لے نانی الفاظ وں۔ سکندر اعظم فی فوج خد وں انکاں نا دریاد خرپ سکی تاں انھاں آکھیا ہوئی ”انک“ تے خد وں
موضع حمید ”کولوں گھوڑیاں تے دریاد کر کے حضرت وائیں آئیاں ہویاں پانی دیاں ڈھناں دیکھیاں ہوئیں تاں آکھیا ہوئی ”شش“۔ اس
طراں ”شش“ ”پچھو نہن“ گیا۔ یعنی چھاچھی بولی ناندھہ لے نانی لفظ ”شش“ اے۔

ارشاد سیماب ملک نوواں چاند نال چھاچھی بولی وچ ضلع انک لے ”چھاچھی“ تے ”کھھی“ ”کھساریاں“ تا ایہہ تذکرہ مرثب کیتا اے۔ بہک
اچھا تذکرہ، جس وچ چھاچھی تے کھھی لے پڑانے تے نویں شاعر کی دوائے نال سو پڑا جوڑ کے کھٹے ہوئے نظری آئے وں۔ تے ایہہ
چھڑا تذکرہ ای نہیں، چھاچھی تے کھھی بولی لے شاعر وں تے کہانی کار وں نیاں لکھتاں فی نوٹا کھی اتھا لو جی بی اے و جساں پڑھیاں مانہ
اپنے کر وں کمال نا بابا نور محمد ڈاہا یاد آیا، جس نے چھاچھی کہتہ میں ۱۹۵۷ء وچ اپنے کتاب نال سنے پئے، نہرے سنے یاد نہیں۔ تے سنے
انھاں لکھتاں وں آج اکھیاں نہ کیتا وئے آ تاں ایہہ وی بھل بھل وئیں آ۔ ارشد سیماب ملک ”ایہہ پچھا کم ہمیشہ یاد رکھیا ویسی۔

ڈاکٹر مرزا حامد بیگ

ذوق پہلی کیشن انک